

菲泉先生存稿序



先生稿藏於仲君獻功所若干年嘉靖
戊辰子寶由納言改司成而南受簡焉
將携以刻之白下緣初任未及也緘在
笥惟謹既而出視則傷於蠹蟻剝且蝕
殆盡矣痛惜久之仍謀於仲君蒐諸親
友間得其十者六七八仍歸予予今起
留曹逾十五載始刻而為之序序曰古

之為文者即童子時已嘗學而為詩則唐人專設科取士故其時即以為舉子業肄習之是以古人之文古其詩工傳諸後可傳也若今人則不免妨功於舉業既釋褐而登朝乃始學為古文詞後時矣其間非卓有高才高志者莫或能度越乎流輩甚矣詩文之可以傳者少也先生弱冠登科逾七年舉進士兩試

並魁尚書生第二人是科中秘開選先生燁然才又赫然聲名也竟不與而初授得江西之奉新無何優調我丹陽奉新之刁劇我丹陽之衝疲皆非所以處賢者而先生身其任以孱弱之軀三四年當刁劇衝疲之地簿書奔走無寧晷猶時時動吟興操觚染翰言人所不能言今讀其六賦本騷選為多其詩雜之

初盛唐多相肖如出水芙蓉鮮新可愛
令人把翫不去手先生有作者之才又
實有著述之高志使其得在詞林從容
諷詠成一家言傳於後即古應制敘事
記久明遠之作與發諸性靈泚泚乎為
唐聲者可比肩而並稱數也豈直為今
人之文而已哉惜乎高一世之才奪於
簿書奔走之勞煩而不得究其著述之

志其所就僅若此然卽此為先生一斑
可傳諸身後其精光亦自不磨矣先生
在任時諸生多及門受業予丁姜兩氏
子丁如一敬一道姜如仲兄家再從兄
篋多先生所許可而予寶與丁兄少鶴
名一中者則尤師門白眉每試迭相首
次每亦蒙期待許以遠到者也寶今得
以先生教諸生中最緣幸而叨冒少鶴

兄嘗仕至地官大夫今得請而致其事
他亦並為州守邑令與府衛之師儒皆
先生所造就先生之稿名存稿以有遺
失者乃寶之罪其蒐輯以傳則仲君之
功而亦予寶所以報先生之一念也初
約少鶴兄同為序待久之未就也予寶
輒先述梗槩為糠秕之引以俟云
萬曆丙戌夏六月既望

賜進士出身資善大夫南京刑部尚書前
吏刑二部右侍郎南太常卿國子祭酒
福建四川按察司副使僉事奉

勅督視兩省學政翰林

國史編修門人丹陽姜寶頓首拜書

序菲泉先生全稿

吾鄉來菲泉先生天下才也至今縉紳
先生及鄉之童穉譚其軼事用相詫
歎其為文如海濤迎風一發萬里大小
畢浮而無穢滓又如良玉溫不飾而澤
清廟明堂廼得用之雖年不滿強仕早

賦玉樓而聲稱赫然已震天下凡屬
先生之桃李比之皆名君子云方先生鳴
琴雲陽而阿姜先生時方齟齬就
童子試先生即以小翰林相呼而時召課
之榮禮有加鳳阿先生以此位及冢宰而
姜遂為雲陽巨族甲第蟬聯鶴起先

生亦可謂知人能得士矣故先生之騎
白雲也茅鹿門先生為之置遺產而
鳳阿先生為之刺存稿蓋先生收多
名士而兩人之却恩為尤深藁箒中
久之見侵于蠹千載斷碑人膾炙亦正
恐千載斷碑人不識耳小子數忝及焉

蘿因刻續集八卷併其前所刻者而
整理之且以誌菲泉先生與鳳阿先生
相遇之奇相知之深以為千秋盛事
崇禎甲戌八月潮日孫壻何汝敷拜序



菲泉先生存稿姓氏

蕭山菲泉來汝賢 著

門人鳳阿姜 寶校刊

少鶴丁一中

鹿門茅 坤

內姪麓屏錢士鰲全校

弟 來汝頤

男 來獻策

來獻功菟錄

孫 來拱日

來拱壁

來與立來勳

來煥來燁

來爍

孫婿玉階蔡一岳

奏言何汝敷公輯

菲泉先生存稿目錄

卷之一

詩

四言古

懷歸

五言古

任奉新留別周子亮於京師四首

白珠篇

高樓照明鏡戲贈聞直中源用姜希申良翰韻

對鏡

戎婦愁

贈豐城郭希顏年丈

河堤曲

題鳳

得友人清息

琴德為陳兄訪

七言古

南野行

賦南莊兄菜圃

青牛老子出關詞賦贈胡年伯

詠宋弘曲二首

五言律

送錢八山北上

秋日懷林子仁

舟中對傅觀察次韻

潞河夜發呈傅少巖年丈

暮春同太衡山人對雪

秋夜有懷姪德仲兼東程二十七司勳

臨清懷南太守錢年伯

書呂芝山年伯卷

留別郭弟

懷郭弟

贈別周潤夫

懷屠道南兄

滄州吳太守試諸生席上有作

春日與同年出遊雩壇忽憶周推守莊亭之勝

徐州思與錢汝載氏訪許子春泰山不果

題曹二守靜菴卷

題菽田卷

四明發舟次姚江過揚汝鳴

贈青門沈仕

坐小樓有懷王會溪

嘉興贈薛十九

贈別廖叔里

烹茶

蘭階遙祝爲王檢校之子賦

送朱呆木之官八桂

贈縣尉王文質

代汝雨弟作贈朱五雲

與希禹共談易

冬日有懷白湖書莊

仲冬寄黃時舉二首

賓竹

明州僧有號月庭者詩以贈之

送陸生集

暮登虎丘有懷俞舜才弟

維揚泊州懷舜才俞子

立春過揚子江懷俞舜才

過揚子橋懷泉亭俞季子

瀕行寄別俞一真

將之京別俞舜才梓湖二首

思母

端午奉懷誠軒叔父

丹陽見月懷誠軒叔新建樓房

乙酉歲七夕同雪崖兄過龍門叔祖書舍夜酌

因同宿

七夕寫懷

八月十三夜月

中秋夜月

月夜江上聞簫

滄瀛舟中同少巖對月

滄瀛再成

懷子明弟

冬日與子旦弟同渡江

懷子發弟

再賦奉懷子發弟

舟次曹江懷汝雨弟

懷汝雨作泉弟

下江而北有懷子旦子發汝雨

贈子見弟筴山

荏峰叔應試賦以贈之

少宛弟主椽省中書此以贈

南旺

來自京與諸兄弟出游冠山呈雪崖兄

過南館喜呈耻齋叔父

懷蘿垣叔

易州戲呈蘿垣

憶從弟二首

懷友人楊丹泉二首

不樂有懷

聞報

兩湖二首

出郊

濟寧夜泊

宿康山田家

登蜀岡

過漢王廟

過歌風臺二首

仙臺觀

詠古

王昭君

戍婦

過滕村姜氏贈西軒三溪二春元

螢

燈蛾

失火

挽王理之

過上虞徐世庸墓奠用隻鷄

憶亾友洪十六洽五首

五言律十句

不寐留別仲莊姪

臨沼

五言絕句

懷諸弟

吳江夜泊

儀真

出門

卷之二

詩

七言律

懷萬五溪宗師

奉寄江貞齋老師

別傅少巖年兄令廬陵

蕭梅谷治敝邑有贈

寶應湖上有懷天柱蕭勉青崖沈鍊

懷子回包節

送劉經府歸四明

贈胡巨卿令樂安

月夕飲餞邵二尹宅

度金山兼柬東姜廷善茂才

遊金山寺

過淮寄姜廷善茂才

冬日七里橋有懷丁茂才庸卿相期會於舟次
懷陸集兄弟兼簡茅順甫

仲秋與陸元成趙繼功登冠山

登滄瀛樓懷俞季子

寄屠道南一首

懷洪十六洽

滕王閣夜別沈子翰

懷任子直

南風侑采為李東瀛賦

懷朱朝儀

早起用韻答朱朝儀

題蔣春江冊

喜與馬子章同舟至河西務有作

滌縣見方上舍純佑有懷所知

夜發龍陽山懷友人王會溪一首

水亭叔祖因訪予之便且遊白門將歸新宅有

贈

眉軒伯勸置田宅詩以答之

書了溪叔讀書處

閭門夜泊叔蘿垣沽酒飲余賦此

贈南莊兄

春夜書懷呈雪崖兄

渡江寄子旦子發汝雨諸弟

與子高子發夜歸

子發讀書嚴陵

懷仲莊二姪

寓南莊懷海山兄

雪崖兄出韻試作二首

謁禹廟

謁嚴光祠

謁武穆廟

展親

春日經漂母祠二首

喜祥聖麒麟臺有感三首

戲馬

首夏出郊

八月十五德州見月

重月一首

江寺祈雨有應

早達瓜州

冬日從儀真入江

登虎丘

賀傅竹亭新樓

詠黃鶯

詠蟬二首

觀戲

七言絕句

夏日丁庸卿茂才見過竹齋對話

秋日送丁庸卿應試

畫馬題贈表國子兩峯

贈姜西軒

送丹陽八生入泮

贈大程

贈小程

贈許長卿昆玉

偶述

樂川卷

房州村懷蕭汝行兄弟予受業於靜菴先生

別懋明王會溪

淮河別許岳

寄朱十八袍

過陽穀縣賦此

贈王典史奎

與少明詩二首

出都城懷周子二首

與諸同志宿吳從本竹山精舍夜談五首

奉寄石厓叔祖

湯滄洲來顧賦此為贈

書六泉卷

獨鯉朝天贈海山兄

觀潮賦贈文峰叔

作泉卷二首

寄了溪叔三首

寄雪厓兄和解眉軒蘿垣二伯父

潘水海山二兄丁外艱

寄眉軒伯

寄靜菴伯

見月

題江寺僧卷

過觀音山

宮詞三首

穎川別少弟二首

贈柴畫工

題馮筴竹舍四首

題南莊兄四景

春鳥櫻桃

黃鸝夏桃

喜鵲石榴

鸚鵡荔枝

莧瓜

薑芥

茄蘿

冬菜

書潘水兄夢藕卷八首有小序

卷之三

文

絳桃賦

後絳桃賦

青龍橋賦有序

棟塘問答

石源頌

洪西淙先生入覲幃辭

孔東原先生考績幃辭

鵲鴿原記

懷椿堂記

雲莊記

兩槐書屋記

習齋記

紹義橋記

查正丁糧格冊記

卷之四

文

武侯心書序

杜律選註序

黃詩內篇序

溥天澤錄後序

竹塘黃氏族譜序

刻遊燕稿

少巖雅義序

西淙群伯入覲序

送五山陳先生復命北上序

送大郡伯三溪莊老先生考績序

送別駕兌山劉先生奉表

京師兼上績序

送沈青田先生歸山陰序

送鴻臚李君遷麻城少尹序

姚侯獎序

贈縣尉王文質獎序

贈朱朝儀義谷序

敘鄉會

張君耆壽榮封序

胡翁章令金壽序

贈潯州別駕王公八十壽序

卷之五

書

上二槐沈先生一

上二槐沈先生二

上六峯李公

上瑞石江公

上歛齋蔡公

上實齋陳公

上靜思張公

上龍門叔祖

與周子亮

與包子同

與孫右文

與舜才舜卿

與茅順甫

與姜廷善一

與姜廷善二

簡眉軒誠軒伯叔二父

簡眉軒伯父一

簡眉軒伯父二

簡眉軒伯父三

簡眉軒伯父四

簡眉軒伯父五

簡作泉弟

簡子旦弟

簡汝雨弟

卷之六

文

先妣淳孝實紀

武庫余公行實

草亭處士束翁行狀

元春先生墓誌銘

查處士墓誌銘代作

伯父剛毅處士墓誌銘

叔祖母慈淑孺人黃氏墓誌銘

明故淑宜孺人來母黃氏墓誌銘

趙子忠墓表

卷之七

文

桃源傳

黃氏嫂傳

眉州孫文懿公事蹟

書奉新胡氏繼嗣分書後

書四好銘後

棟塘集跋五音

未生解壽王母令人

戒詞

賓言

諭民出田文

祛蝗文

祭鄉賢文

祭名宦文

祭魁星土地神文

祭郡伯鄭老先生文

祭一齋文

祭光祿伯祖文

祭孫母周令人文

祭曾叔祖母蔣孺人文

祭節婦文

祭姚母文

祭封給事中木翁睦君文

卷之八

文

自古臣子執威權未有無禍者論

三子定交論

海山兄子邦仁說

宗弟弘肅改字汝雨說

宗弟弘順字汝百說

嶽評

刻漢壽亭侯篆

麥舟橋箴有序

魁星像贊

珪公像贊

謙公像贊

牙筆筒銘

研銘

姜廷善硯銘

五旱硯銘

附

明禮部精膳司主事作泉來君墓誌銘

菲泉先生誣枉記

目錄上卷終

東泉先生存稿卷之一 詩



門人

丹陽姜寶刊
歸安茅坤校

男獻策 獻功菟錄
孫婿何汝敷 重校刊

四言古

懷歸

爰想白湖我心悠悠嘉穡在甸芳草盈疇魚响其沫
鳥宅繁幽五月清涼踈野鮮傳雉雒於畝麥秀油油
二仲徐來青蔬款留仰天吾醉取蔭一丘落煦映裳
放歌言休忘境偕適怡神苑游真寢不夢真覺無憂
今夕何夕滯此遠遊抑志從俗昧昧不售引泉泛觴

礪齒高流眷言夙駕淫舟夷猶仙藥常采服之無尤
體孔如玉同此素修

五言古

任奉新留別周子亮於京師四首

忽忽思舊侶年芳日登
催露草凄寒蟹感念良足哀
寶書自南至濯手臨風
開蘭蓀披清馥朱耀凌崔嵬
期我絡驄馬並上黃公臺

其二

珠華覆珍樹結交各有因
青風發玄渚悠然契吾心
高情苦分索戢景歸故林
振衣金庭阜送晴湘水陰

端坐默無言俛仰懷所欽
安得南飛鴻遺我以好音

其三

發擢潞河涯之官江漢漬
念與子爲別慨慷仍酸辛
涼飈舞玄髮黃流照青春
君子懷國琛用俾風俗淳
願因朱弦發一一爲我陳
服之出元化營營思反身

其四

釋褐宣父堂聚首承明厦
委病三月餘短髮不可把
掩戶有玄思卑棲俊游寡
念子幽蘊深雄言薄稷下
朝飡丹霞英夕宿鴻雲野
遠人抱貞志梁園植梧櫝
世俗憐榮光虛簷躍野馬
滂也獨何人爲君奏爾雅

白珠篇

出門愛春華行行畏沾塗路中逢美人贈我雙白珠
綴之衣縫間晶光宛相如懷珠思美人佇立野踟躕
塵波勿坐久炭穴鮮不汗丈夫無時遊方國安可拘
莫遺贈者傷秘寶以令圖

高樓照明鏡戲贈閩直中源用姜希申良翰韻
高樓照明鏡彷彿青罽衣樓前結珠屏宛曲辭諸姬
越州一萬里道路阻且疑豈不念父母早謀君子依
南膠得遐想江沱有嘉期緩步出珠房無爲辛苦啗
三日織一縑頻頻手中絲絲線日已長絲蘿日已宜

對鏡

寶鏡懸秋空輝輝似明月明月虛復盈鏡影常不缺
念昔長安道衣帶向君結出門一對之浮埃遠相絕
盛以紫金囊皎皎天光發豈惟燭形體將以照毛髮
毛髮苟不齊上帝有明罰所以劉元城貞心永如鐵
戍婦愁

年少輕別離從軍嬰禍羅寒衣罷刀尺送君出山阿
拔刀試雞豚刀口未曾磨戰敗當歸來望望門前河
見君不忍羞膏沐頻媿媿連雞誓相守而無同風波
豈知未一朝徵吏已相過胡虜防秋來行行重荷戈

君去一回顧賤妾涕滂沱贈君雙鴛鴦君心當如何
贈豐城郭希顏年丈

郭子生知姿天然發竒秀吐符從精元初學自神茂
錯錯黃金刀搖搖寶珠圍迢迢房駟星明明朱鳥味
巍巍童子科咄咄史官讀張華忽不逢劒氣但仍舊
昭明上帝心篤材哩申又東膠江濱持德進中心厚
龍翔亦有時仄身非所咎瞻仰臨川翁康衢願馳驟

河堤曲

河堤被香草十里發青陰春雨應時節孤根留至今
呼童摘香草佩服難具陳朝發吳市門暮登日下津
臨風自把玩還以奉當心枝葉豈不貴化作陌上塵
摘草先摘根結交先結心所以晏平仲俯仰平生親

題鳳

丹山有一鳥間出超凡雛文采真殊絕含靈棲碧梧
由來聖人瑞非晚鳴神都朝陽一宣韻四海稱無虞
時有知音者於飛止丘隅嚶嚶向喬木調舌東風初
鳴世亦以類仙凡恐殊途噦噦不可及羞愧當何如
古道苟相同千里共衣繻願附丹山翼慎勿隔叅墟
得友人消息

河白蛟冰斷杉青豹霧開故人何處住書信下琴臺

琴臺零落梅花片。江國春風曾幾見。司馬先生愁思
昏煎茶不熟江水渾。

琴德爲陳兄訪

琴德媚君子龍凰叅玉徽清商忽淹至蠶絲理殘暉
濟陰香樹生沈寥江陵孤日同見招援琴無言立清
宵漆園出吏無所逃

七言古

南野行

南野先生何所求雲中孤鶴橫清秋衾裳杲杲白日
色樓閣十里通僊丘僊丘有人採瑤草萬戶鱗鱗天

正曉池塘變見春鯉飛獨在堯風接熙皞化工真意
誰本初年年燕子語模糊已將補塞付旧畷黃雲麥
熟歌烏烏馮簾花影誰當局一榻新涼動青竹兒童
賣酒二仲來拄杖從容動心目水光上下玄鷺歸千
點萬點相徘徊洞頭煙遠亂蜂紫但聞石室鳴輕雷
赤立懸經向牛角雪團采淪龍塘涸短節擊石問青
天當年不讓濠梁樂東家西家竹笛吹起隨明月分
清暉仲尼白髮世所羨况復高抱通交梨乾坤不改
蘊黃白元功千載稱伶伯僊窟春露千樹桃蜂房分
自丹砂域

賦南莊兄菜圖

青雲壓徑生綃裏萬葉嚴霜落香紫南莊山人白幘
高笑拄鳩筇共山水此時斂尔花不並株齊煙千里草
色蕪勝事真傳汪信民竹房掩戶秋雨踈有蔡太守
十年不變色之長縷有趙奉議九日不出戶之蒲菘
夕陽放苗綠泚泚青楓白葦皆殊死惟有先生得大
觀生意滿目誰當此稻梁將熟涼鴈來平生心賞真
悠哉掀髯一笑意相會上凌霄漢下蓬萊園了株守
苦不足數畝耕鋤空碌碌先生本無避世心春雨桃
花對平陸湘湖東西鱸鱖肥滿山黃犢秋淒淒呼童
半割翠條去黃雞白酒時相宜珠璠玉麩時爭長燕
舞鸞迴亦兩兩曾中直與雲夢寬雙鬢青天惟撫掌
燕山五桂游太荒上帝命爾司文章只今黎庶盡菜
色定有元術回春陽識拔神丁千牛力鑿籠擷爾歸
天室湘之璠厨供大官廟中羞品神明逆此時南莊
清玉叢詩懷酒思時從容坐看兒孫璜璋姿綸巾倒
着日正中

青牛老子出關詞賦贈胡年伯

黃龍老子織霞裳獨立物表行文章土從七辰闢混
沌下與百谷分侯王爾來一萬八千歲周流消息誰

所當周王御極降觀下方海嶽陰陽時奠淳光金滕
玉檢發竒秘東房西序時開藏昭王金車去不返皇
圖伯術相推挽江漢愁生問水濱叅差秦樹阿城晚
此時神遊函谷東龍鱗照耀回雙瞳流沙望望近弱
水崑崙月窟高摩空軒轅遠越誰爲駕元精出地青
牛化吾令羲和驅逐之揮肱一叱通夷夏人間令尹
徒爾知關門紫氣浮紅霓至人潛行故無迹冰虫瓜
守橫相疑八表茫茫有無裏漢陰河上非吾里阿陵
高低雙蟻丘溟渤盈虧一杯水唐敦殷彛空復情含
靈久待天下清垂肩笑倚白鳩杖紅陽舞動天雞鳴

太蒙之樂太平之西苗竹作鎮雲蒸煙霏湖光夾鏡
鳶魚所飛秦望高高入天尺朱明白葢時暉暉有秦
皇帝五百童男女採不得之靈藥鮫人夜吐光陸離
之珠璣麒麟生疾足鳳鳥修其儀芝窓飽厭靈丹粒
蘭華匝地春雲濕笑引南山作壽杯湏臾盡把滄溟
吸我乘一騎遊化宮望見老子雲之中騰身俛仰金
鶴鏡許我眉睫追皇風試向豐隆借霹靂高空淨掃
浮雲跡便跨青牛乘太虛丈夫不作塵埃客

詠宋弘曲二首

都下富人欲以妹妾予余三辭而彼意益堅

因賦此以謝

湖陽宮中鴛瓦薄凜凜冰膚夜生粟朝來傅粉朝君
王玉袖銀屏觀宋郎糟糠之妻無所厭憂樂同心臣
不賤桑葉陰陰清晝晡至今人恨魯秋胡

臣不易妻臣不易妻譬彼鳥獸並蔭同棲合殿春陰
宮漏遲徘徊睇臣臣心疑君王家防漸漸高請勿更
露屏間衣

五言律

送錢八山北上

彩服趨庭早文珪向闕遲春乘青雀舫秋過白雲司

麗藻曾驚眼清時喜論思行看逢羽獵同上子虛詞

秋日懷林子仁

秋日凌虛閣端懷靜者流錦鱗飛玉海赤羽下瓊丘
峻聳真殊俗狂踈耻並游江寒斷狂鴈南望濟川舟

舟中對傅觀蒙次韻

芳日珠蕈曉條風玉宇春人從仙闕下舟與少微隣
川暖迴波麗花明離樹新願期崇令伐青髮媚堯辰
潞河夜發呈傅少巖年丈

北極朝初散南舟願不違花程春自媚玉燭晚同輝
風煖鳧迎棹湖虛月動衣俄聞鶯韻轉各抱鳳簫歸

暮春同太衡山人對雪

朝雲迷遠道夕雪灑虛堂
漸逐瑤空去還連玉塞長
河柳耽春寂林花逗晚香
同爲越中調搖落對他鄉
秋夜有懷姪德仲兼柬程二十七司勳

天際芙蓉閣輕雲曳紫桐
豈知湖海上猶有未歸鴻
淒切舵樓雨遲回木柝風
惟餘程叔子秋興入鴻濛
臨清懷南太守錢年伯

澤國逢龍節衣冠接鳳雛
賢名枚太史風采見蠻奴
眷注黃金鼎頻煩赤玉符
晏殊渾忘酒何故問津夫
書呂芝山年伯卷

石閣通雲霧瑤芝爛有輝
卽招園綺飲誰羨首陽薇
瑞色霏朝靄幽芳靜晚暉
談玄足清事相對欲忘歸
留別郭弟

平生金石友吾慕郭林宗
忽漫乘船去相望涕淚同
龍蛇九淵窟鶯燕萬花叢
中角從人問風塵雙鬢蓬
懷郭弟

郭弟清江外來生落鴈邊
望家心獨喜見月爲渠憐
時序虛前度文詞入妙年
寄將雙玉案結佩向堯天
贈別周潤夫

石厓吾知已殊方有弟昆
竒標憐我並高義賴君存

抱拙緣多病端憂切至尊如何秋雨後
懷屠道南兄
鷓鴣背城分

懷我屠夫子黃花獨舉盃見山知應對
遷影亦徘徊
世論浮沙動英文奕漢回冠山能幾里
還望抱琴來
滄州吳太守試諸生席上有作

吳公爲郡日海岳驚竒助瀕水招予飲
諸生盡樂群
文魚乘氣候向日迥秋陰禮樂匡時
政風裁見守臣
春日與同年出遊雩壇忽憶周推守
莊亭之勝
燕對時通夕懸情數寄書風雩逢令
節花事憶仙居
樓迥春巢燕池晴畫出魚江雲今遲
爾川日正愁余

徐州思與錢汝載氏訪許子春泰山不果

江上逢錢起霞冠披玉繩浮杯夜塘
月結佩水雲城
秦岳思尋道燕臺想邁程何時奮長
屐抱日俯東瀛
題曹二守靜菴卷

物意欣將老生涯慰獨居青山時隱
几白日就編書
道德天光發虛潛大易初未應推墨
守吾已察鳶魚
題菽田卷

海日晴搖樹江星夕散苗溺耕非避
世巢耳亦知堯
卉服淹竒節官租荅聖朝惟應呼二
仲農事及春饒
四明發舟次姚江遇楊汝鳴

夕眺州城遠維舟夏木清雨幃翻燕子風荇立蜻蜒
暑挹冰盤潤涼分羽扇輕水深楊子宅共草太玄經
贈青門沈仕

役役何所至行歲媿不如風塵知逸足江海有洪儒
未見交游久相逢歲月虛錢塘多勝地歸去共編書
坐小樓有懷王會溪

鸚鵡鳴樓閣心神忽到君苔深寒寺雨樓動短橋春
避鬼豪唵發開星寶劍文牀頭有新酒明月過衡門
嘉興贈薛十九

苦霧樓居濕深水舟楫遲江湖聊自得出處待人知
嗜酒忘爲客孤燈偶在斯河東有鳴鳳心賞未相離
贈別廖叔里

廖子乘船去吾行可卜隣即觀彭蠡澤先入洞庭津
春樹迷雲遠晴花接境新天王務嘉穀農事各須珍
烹茶

仙竈分丹壑神泉引玉津雲流千室靜風散百花春
解性消凡想叅玄列上賓亭虛下唯又鶴亦復會吾真
蘭階遙祝爲王檢校之子賦

佩芳思往訓負笈顧今違室靜香逾遠天高思獨歸
望隨相樹渺拜藉曙星飛越絕蘭亭迥諸王意不微

送朱呆木之官八桂

潞水蕩新波行行李爾何朗吟宵月白搔興晚雲過
春滿蓮花蓆秋登桂子坡江山如助興官路不嫌多

贈縣尉王文質

蒸雲海際上明星亦炎光露行草沒車驅馳一何忙
風燭燃復滅征吏呼周章寄問問心者勞役應自傷
代汝雨弟作贈朱五雲

筆錄從東見長游造化工鳶魚能自察桃李不言功
宵雅通鄒魯遐思起華嵩青燈頻細雨天地問童蒙
與希禹共談易

孝子不知暑狂夫豈好名偶來芳樹下高論忽風生
魚出萍陰合螢歸草色明京華依北斗瞻望一關情
冬日有懷白湖書莊

幾憶游觀地真成典籍居水甘魚性忘竹茂鳥情踈
川野從吾好霞霄寄所如終期知稼穡超覽有生初
仲冬寄黃時舉二首

偶然吹鐵笛明月故城虛燈下見孤影窓前開舊書
亂雲徐孺榻流水少陵廬握粟歸期遠客衣瞻望餘
其二

封扇寄夫子客亭月正寒豈無千里夢還有半年閒

江北冰山厚江南雪樹聯春風願隨手三日到人間
賓竹

有美山人與清標集衆歸十年結心賞相對托光輝
踈朗忘爲禮軒楹赴不違月明吾隱几搖落淨暉暉
明州僧有號月庭者詩以贈之

杳杳栖叢桂輝輝度廣庭裳侵秋露濕坐對石泉冷
玉磬雲端出珠幢海際明性冲甘寂滅啜茗有餘情

送陸生集

仗劍出春明春光浮鳳城玉河金柳弱華第錦雲生
意氣稽中散羈栖杜少陵未須憐去住吾道自平生

暮登虎丘有懷俞舜才弟

秉燭真高興春風萬里徐講臺留石磴文筆照浮屠
江漢通吳會星辰入太湖他鄉難此夜天地寄真吾
維揚泊舟懷舜才俞子

淮海嗟予季城東有國園五雲天漢近千里客星懸
幽夢頻相見雄談愧未緣明朝寄春信桃李欲漫漫
立春過揚子江懷俞舜才

客路忻時序衣冠此壯游聖朝開景運今日報春籌
舟楫風雲便江波日月浮獨憐鴻鴈影不得顧南洲
過揚子橋懷泉亭俞季子

招招復招招孤舟揚子橋江鳥自來去風雪何蕭條
樓閣望不極槩櫓心俱搖照鏡生白髮無言立青宵
瀕行寄別俞一真

秋氣通雲水江流下驛亭明時逢祭酒吾道戒晨星
照映粉榆杜游觀山海經亦知添旅况不敢報家丁
將之京別俞舜才梓湖二首

別汝都門去悲歌涕泗加斷鴻征海國寒月蕩江沙
紫極森天象金門麗日華殷勤煩驛使春信托梅花
其二

辭汝都門去西興古渡船星辰占魏闕湖海盡堯天
不着家緣薄翻愁別思兼知君頻問信骨肉越江邊
思母

未及毛生檄徒懸滂母心林壇冬日秘儀想朔風陰
短夢時相見靈思恍欲臨何由追哺乳肌髮愧凡禽
端午奉懷誠軒叔父

此地端陽節龍岡罷草堂景光憐大母氣義憶中郎
建况遙相得攤書不在傍謝玄今老大莫問紫羅囊
丹陽見月懷誠軒叔新建樓房

樓中端正月今日向誰明蘭甸迴千里芳雲知幾層
天涯時佩蒞春服况新成負約不同賞迢迢江水盈

乙酉歲七夕同雪崖兄過龍門叔祖書會夜酌
因同宿

燈下偶相過尊前動浩歌
鵠原明月滿牛渚小星多
詩尚唐音律文留漢講磨
要歸歸不得三鳳擬同科
七夕寫懷

織闕分牛渚機絲引鳳
柳未緣天路遠似與帝期踈
意逼珠津渺神棲玉殿
虛爲橋那可度空自然居
諸
八月十三夜月

度影芳華淨流輝若木清
九霄如有待萬里獨含情
雲薄知藏巧江虛不受盈
遙憐天外意多傍鳳凰城

中秋夜月

今夜中秋月相看意倍親
芳華融水鏡靜影絕纖塵
歷歷隨青髮輝輝入要津
浩歌應渙發高興欲凌雲
月夜江上聞簫

雅響林端起輕舟夜半聞
隨風纔窈窕逐霧已氤氳
樹渺珠華散波翻玉調分
仙人不可望知是隔青雲
倉瀛舟中同少巖對月

圓景澄春夕高暉媚遠空
盈盈疑赴水汎汎欲乘風
霧表星同麗河源路可通
誰能爲玉檜長此伴珠宮
石瀛再成

歷覽心無際滄茫興亦迂拾錢供佛喜歸權喚僧俱
水國行諸夏江流鏡一區翻然出京口雞犬自桑榆
懷子明弟

客况青山寺幽期及郡鍾數星天漢近照水露華溶
酒用山人拙書開愛弟封龍岡亦森爽愁思反從容
冬日與子旦弟同渡江

客裏欣聯玉舟行但信風錦雲雙鳥遠珠闕片帆通
尹日流虛甸郎星接上宮才踈愧拙政翹首向青龍
懷子發弟

錯莫羞爲客端陽羨爾歸燈花應自語江路不能飛
白鴈傳書到朱光蕩酒卮未須勞夢寐池草足相依
再賦奉懷子發弟

森爽堪吾侶飄零負爾歸燈花春點點蘋草思依依
白鴈徵書遠朱光蕩酒遲那能成一笑幽意逐江飛
舟次曹江懷汝雨弟

度雨曹江晚沾沾正憶君穆生非爲酒杜甫只看雲
鴈足堪傳信鷗情不亂群團團綠枝遠何日共論文
懷汝雨作泉弟

江臯旦搖落思望獨憐渠被髮緣同室含情愧岨虛
祇應相燕喜不可遂馳驅威鳳祥麟意亭亭豈負余

下江而北有懷子旦子發汝雨

半月疑顏色愁來不可揮寡尤仍祿在避色願時違
土俗隨宜過家園入望微支離失朝晏豆粥照江稀
贈子見弟筴山

眼底多兒子能文總不群自矜遊冶絕人敬譽言均
唾手春江宴高擡水國門吾宗日杲杲總角看光分
荏峰叔應試賦以贈之

賢路平如掌仙舟爾順流水紆涼月動景迫大星浮
湖海生豪色衣冠識俊游春風先借北同過曲江樓
少宛無上椽省中書此以贈

三月吾宗彥公趨近王宸省中無一事花樹覆青春
漢法篝燈讀秦碑對客臨少年文不害衣馬五陵新

南旺

清濟孤帆入湖虛淨野芳白雲隨意點青樹引盃長
日落漁歌出風微水荇香他鄉聊自慰吾醉對滄
浪

來自京與諸兄弟出游冠山呈雪崖兄

鴈隊歸繁節蛛絲漾小春午風生竹澗溫日下松門
江暖觀魚躍林疎見鹿群登高流思遠西北有丹雲
過南館喜呈耻齋叔父

龜沙常奉譯彤館不忘賓解辯瞻皇象低頭拜禮臣
花濃珠樹合騎擁玉標新萬國棲遲地清朝賴四門
懷蘿垣叔

愛爾無拘束晴雲故國深蜂房渾甲子驢背得山林
自有陶潛酒何妨阮藉貧比隣過二仲遙憶在江濱

易州戲呈蘿垣

江海無偏繫津梁數問舟豈緣余跌蕩却笑爾淹留
客况三春盡湖光一葦收林丘誰裹足不欲斷遨遊
憶從弟二首

陰雲生白晝細雨賦黃樓憶弟愁無奈從師克見否
文章能自顯棋局謾相留莫學家兄樣青年趁好修

其二

汝與汝兄別予從汝父游汝兄爲蕩子汝父尚征裘
歸路緣江使鄉心落鴈愁瞻雲意無限亦念汝兄否
懷友人楊丹泉二首

六月無聊賴思君浙上游漭蒼高嶺見滌蕩定山浮
夏木聞黃鳥晴波起白鷗故人今夜夢明日又淹留
其二

六月無聊賴登樓思未寧西流見大火北斗接繁星
日照抽書閣雲生許劍亭故人今夜夢客子不曾經

不樂有懷

不樂居異縣浮塵眇相逢故人青鬢遠角土白江東
春草頻登岸孤舟不受風如何滯行李遮莫愧冥鴻

聞報

飛檄下金城微臣亦有名種花常不滿瞻日可勝情
十室人初奮千豐穀未成耽憂况行色圖寫獻承明
兩湖二首

大觀吾亦得湖水蕩英英豪跌通雲夢清虛入洞庭
氣從朝雨爽秋照舊山明上下鳶魚察須君會此情
其二

湖上興仍幽滄洲復碧流魚龍分渚動日月大荒浮
草際東西岸波兼遠近秋出門逢賀監蘋藻亦登樓

出郊

飛蓋丹岑遠停驂錦樹懸水虛沙鳥際雲淨石亭遙
土俗今仍野林花晚共妍日華春不厭隨意下青田

濟中夜泊

白浦清秋鴈銜蘆對日西水氣侵樓濕皇華繞漢低
涼分漁父火漏淺驛官輦欲上南城飲高歌太白詩
宿康山田

幽谷鮮人跡青蘿濕短墻濤花迎澁遠石竹度山長

擇木憺歸鳥瞻雲迥故鄉十漿慚上客坐籍白茅香
登蜀岡

龍舟消息遠飄洒一登臺楚水浮天去吳山接地來
午風吹短髮涼月度深杯莫問前朝事江雲鬱未開
過漢王廟

寒林千葉墮小殿一丘荒郊雨時沾寢山龍亦在裳
村遺仲比業居對里人傍沔沐當年寵何人爲奉常
過歌風臺二首

漢皇懷故里泗上有高臺百戰英雄盡深杯父老來
秦關收地險帝業並天開此日江東雨霏微共綠苔

其二

洛尊浮故里嵩飲起高臺日月承皇寵風雲集帝懷
歌從行殿轉樂想侍臣迴自有千秋意能令過者哀

仙臺觀

迴宮瞻窈窕曲殿躡虛無神女流珠珮真人捧玉符
仙花幽徑發玄月入雲孤地遠鮮人事冥思欲據梧

詠古

誰復歸秦璧虛勞問楚弓玉端疑傍月石表結螭龍
物理湏時盡吾生念欲生如慚墮甌者終負被裘公

王昭君

雙泊黃雲道重重恨不勝玉顏難自惜國計爲誰憑
永夜昭陽月西風紫塞冰此生都失意千載薄金陵

戍婦

星曜通芝閣高颺起茜帷玉簫低度曲珠黛遠含悲
花滿羞臨鏡檐新想畫眉聞郎近乘勝詔拜化羗歸
過滕村姜氏贈西軒三溪二春元

花埭千人聚芝田一姓耕丹雲迎藻動白鳥出林鳴
虛閣藏珠斗危冠近玉衡坐中逢一妙說劍有餘情

螢

朱宿分星德青原料夜行潤明緣露草遷影弱秋屏

倚照懷時序狂游祇性情浩歌應坐久憐爾入衣明

燈蛾

亂亂春燈下增增祇自焚末光何愛爾圍熱動成羣
不復遵時晦翻令用日明此膏還永戒誰爲惜朝聞

失火

立馬須家報獠奴怖火炎盤庚吾所祀裨竈不能占
住喜鄰翁遠貧愁典籍兼翻思燕與雀猶得脫窮簷

挽王理之

憐爾平生志愁予得計時風塵眞不及湖海獨相知
展齒悲司馬琴心問子期燕_河雨春不雨那得汝喪歸

過上虞徐世庸墓奠用隻雞

望裏徐郎墓冥冥自古今夕煙空小市江雨接荒陵陰
不薄生芻意仍懸許劍心十年愧知己淚落且沾襟

憶亡友洪十六洽五首

天地容才傑江河忽漫流屢空甘陋巷三日逐荒邱
細雨清秋切孤雲白日留亦知鱮鱖舞名姓獨招尤

其二

祔葬從新卜求棺典故衣短門留白板高鏡失清輝
社老吞聲哭山神乞食饑禰衡卜文賦終不抹哀微

其三

鐵漢真同姓鴻儒記昔遊亡友學博而辨人因呼為鴻儒故云林鶯

曾偶語梧樹不能秋心賞朱弦廢愁攻綠螳浮茂林

今寂寞世本問誰求

亡友原姓湯常欲復姓而未得

其四

潢藻生芻意精光處士星地靈收海岱冤氣博滄溟
命金爾黃金鑄樓因白玉成夢中尋一見風雨亦雞鳴

其五

大義推為友通家未見兒鬼神如不慙抱送亦相宜

亡友無子死之日其間孕七月矣

觀化隨鯤運留名得豹皮兩髦應

自矢揮淚浙江湄

五言律十句

不寐留別仲莊姪

不寐天忽白起看海潮明清風吹畫舟送我洪都城
念子高義多百壺入懷傾義和不可處冉冉隨霜莫
願言崇立德振衣鳳鳥鳴

臨沼

露草分金圃風荷引玉渠對花開綺晏俯沼得嘉魚
俗厚惟絃誦林深可卜居三山雲外出七澤望中虛
星辰當楚界樓閣自吳墟

五言絕句

懷諸弟

瀟瀟江上雲瞻望泪盈把何人深閉門讀書松桂下

吳江夜泊

柳色逢舟挂江雲閣雨斜村流一曲瀟洒似吾家

坐真

魚火吹相向江雲凍不開池塘讀書處幽夢一歸來

出門

出門頗欲往何處定援琴雨後雞鳴寺雲飛千里心

非泉先生存稿卷之一

菲泉先生存稿卷之二

詩



門人

丹陽姜寶刊

男

獻策

獻功蒐錄

歸安茅坤校

孫婿何汝敷

重校刊

七言律

懷萬五溪宗師

紫陽高抱不勝春
斗峻箕張物意新
漫有文章昭白日
依然豪氣肅青雲
龍游揮灑江河潤
鳳起傳呼鳥雀群
遂使諸生登大雅
援琴頻與曲中論

奉寄江貞齋老師

穀種雞雛春可憐
據梧馮几亦多年
不愁天地無風

雅只恐宮墻愧大賢細草自知煩化雨浴沂何處有
溫泉青山綠樹歸舟便汛掃山居讀太玄

別傅少巖年兄令廬陵

仲容少負青雲器潘岳新聞金谷才寒逼玉壺元自
潔高騫黃鵠定誰猜雙瞻御宿通華蓋獨麗詞葩陋
楚材江漢秋旻望沾足為霖湏仗傅公來

蕭梅谷治敝邑有贈

春塘萬柳俯晴汀湖上龜山入縣青爾去即看崇往
代百年吾道幾回盟花迎車騎飛朝日路捲旌旄雜
水星安得久懸桑梓念夔龍名德近朱扉

寶應湖上有懷天柱蕭勉青崖沈鍊

湖上青龍萑葦均卜歸何事尚王孫三分春色隨流
水一日晴空起白雲詩草不留蕭穎士大夫能賦沈
休文山陽水鏡渾閑事月下援琴可聽聞

懷子同包節

前度包生並舸船卜降何地更良緣瑤緘獨悵南鴻
阻濁酒何孤燕月圓雲間日下名難得白幘青袍興
可憐萬里長風洒廖廓君騎黃鵠即高騫

送劉經府歸四明

劉郎抱策對承明經府華冠出禁城即有鳳麟飛海

甸未妨鴻鵠下滄瀛劉歆博雅堪垂世賀鑑風流獨
擅聲玉粒瑤芝虛歲月青湖丹壑慰平生

贈胡巨卿令樂安

殊方憐爾春相向盡省朝歸並錦袍北極夜星下霄
漢南天鴻鴈望旌旄稽康疏節情應壯潘岳為郎興
亦豪春谷鶯花時並馬秋風桐葉各蕭騷

月夕飲餞邵二尹宅

碧篠青梧白月寒戍樓風柝動江端許丞高抱憐飛
鳥官舍清秋為作歡萬里浮踪隨楚越百年吾道有
衣冠澄光復麗金尊影爽氣初迴玉露團

度金山兼柬姜廷善茂才

青鯨躍浪送行舟浮玉風煙百二洲江漢水歸吳樹
濕乾坤秋正楚雲流棲遲鴻鴈寒將盡散漫魚龍夜
不收天上仙居此應近虛聞海外有丹丘

遊金山寺

十年夢寐記曾遊江上逢僧一轍舟皇殿曉臨天地
動日華春逐水雲流諸天像設園螺髻古屋丹青接
蜃樓六合有無方內外雨香雲竇起江鷗

過淮寄姜廷善茂才

忍見分舟涕滿襟相思三日到淮陰風花隨處迷真

眼宇宙何人共賞心一飯終酬韓信願同聲時奏伯
牙琴水深山險添惆悵獨立滄茫思不禁

冬日七里橋有懷丁茂才庸卿相期會於舟次
方塘寒舟憶丁廩尊前白雪飛新春含凍梅花故向
客逐浪江鷗時亂群絳帟青燈照典籍芝房石洞生
氤氳憐才豈不畏沾濕已有龍團瀹紫雲

懷陸集兄弟兼簡茅順甫

憶昔相從冰玉英青松白日共遺經燕飛東閣去還
住雨過南屏陰復晴山色遠從杯外落湖光頓向鏡
中凝於今贏得天涯晚飛龍軒前草自青

仲秋與陸元成趙繼功登冠山

龍影方塘日正中友人高興偶相同酒生綠鬢頻看
井茶映青松合坐風禹穴自來留絕頂堯天何用問
冥鴻放開湖海收詩袋明日湖頭勢逼空

登滄瀛樓懷俞季子

樓閣依然驛樹迴河流東望崔嵬十年客思登臨
盡萬里孤蓬細雨來白鳥高飛滄海闊碧苔無主寺
門開獨憐雙鬢成追憶不斷層簷望帝臺

寄屠道南一首

議論一朝開扇鑰又騫季子逐行裝潮聲夾岸龍門

近燈火前村驢背忙
湛露濕衣知教力
片雲催興覺
詩狂歸來忽上東樓望
南斗中間拂劍芒

懷洪十六洽

南方見月思洪邁
大呂黃鍾世所稀
願以清風招舊
侶並來沂上試
春衣浮雲江漢流
今古落日宮墻鎖
翠微二十一年成
底事羨君詞賦有
光輝

滕王閣夜別沈子翰

千尺飛樓江漢明
乘船沈約下滄溟
星河夜發魚龍
浮吳楚天寒鴻鴈
驚多病長卿猶述
作遭時劉向愧
平生還期共拾金
光草笑拂霞裳凌
紫清

懷任子直

白幘江臯盼望遙
星辰迴動肅清霄
平原公論馳驅
定廣漢浮萍波蕩
消師道一言登畔
岸皇風千載穆
簫韶稽山近已通
南服依舊新枝起
綠蕉

南風侑采爲李東瀛賦

赤日紅霞水荇香
誰家眉壽介文章
初從象緯臨南
極亦向萱花赴北
堂六月新晴衣帶
杲十洲高接酒
盃長布袍先得來
天地爲賦雄風待
八荒

懷朱朝儀

南服之南雲霧深
行人夢寐勞相尋
天邊見月意獨

往江上呼風時浪吟前渡舟航知姓字別來踪跡更
蕭森黃流百壺心所愛醉影落橋頻正襟

早起用韻答朱朝儀

小樓清曉淨無塵霜月雞鳴自比隣華髮漸看摧玉
鏡丈夫切莫愧綸巾青松密坐環諸弟春日相邀有
故人天末浮雲多變態吾生何必問虛真

題蔣春江冊

我向流光識轉蓬白蘋江上又秋空文章曾見名千
載富貴何人長萬鍾沙鳥過墻惟亂影野花依草自
西風小樓無處開雙眼如此心曾託卧龍

喜與馬子章同舟至河西務有作

白野黃沙迷客船南冠明月耕石田從來去住本無
意看到升沉有此年官柳送春波甚渺漁歌吹星宵
可憐袖中長劍依然在猶喜龍光共大賢

灤縣見方上舍純佑有懷所知

六月天涯意不伸偶同津渡此方人江離澗藻無消
息屋壁山巖有鬼神高閣雲空開萬卷故園春老負
三辰何年七里無風影頻到泉亭吹角巾

夜登龍陽山懷友人王會溪一首

秦望山頭月正明白波紅樹故人情悠悠歲月誰憐

我擾擾風流始見卿流水去來悲淨瑟燈花開落看
長檠何時明化重修業竹雨松風共一庭

贈
水亭叔祖因訪予之便且遊白門將歸新宅有

禁城霏雨擢歸舫紫蔓青蘅照白袍繡嶺沃雲千樹
合玉波流日片雲高弦虛清晝吾何事書憶澄秋爾
莫勞澤國况逢新第宅節花年桂共踈醪

眉軒伯勸置田宅詩以答之

儒者須忘一畝宮伯夷盜跖孰雌雄但存心地平如
掌不管茅堂亂作蓬綠樹青山千古在清風明月萬

家同樂遊金谷俱消歇陋巷何人俎豆中

書了溪叔讀書處

了溪山人讀書處丹巖白石相鮮新雲亭呼酒自乘
興木橋弄魚時正巾群來麋鹿參高論不斷花香識
道真欲往從之寄幽意小船書盡且頻頻

閭門夜泊叔蘿垣沽酒飲余賦此

女墻明月照深盃癡叔江湖興未灰朱老文章孤艇
並韋家花樹及春回星辰森爽兼江湧客鬢棲遲問
路來靜夜移舟近漁艇浩然翻欲愧塵埃

贈南莊兄

萬物一日忽相見大開雙眼收洪濛清逼草堂簾捲
雨香攪石壇花過風驢背往來詩脾洗山頭登眺酒
腸空午橋今不數丞相却是造化私吾兄

春夜書懷呈雪厓兄

暉暉斜月照書窓隱隱花間吠小厖醉墨有因開鐵
硯耿耿無着剔銀缸時名不信人偏一國士須知世
可雙短席敝床眠不穩恍然詩思到吳江

渡江寄子旦子發汝雨諸弟

吳樹蒼茫白鴈秋青山上下送離愁江城伐鼓虛舟
應海氣憑人細草浮遲暮風塵余浪跡映江金玉汝

登樓梅花驛路春生色已卜龍頭上帶鈎

與子高子發夜歸

月到梧桐玉露垂弟兄懽喜得芝眉竹爐石榻誰當
問秋實春花浪有司子夏索居蓬鬢在元龍未老草
樓知青山他日勞君思珍重繁霜上葛絺

子發讀書嚴陵

龍江細雨歸來晚漁浦春潮更送君海內交游空別
淚天南鴻鴈各離群錦峯繡嶺開晴旭瑤象瓊枝隔
暮雲孤抱平居最森瑟未堪題鳩向春分

懷仲莊二姪

苦憶吾宗好孫子東吳南楚思俱搖
遲波白日晶晶麗飛觀青雲奕奕高
滕閣望春非故侶竹林留醉且
吾曹寒天木葉兼愁緒蠟屐衝泥莫厭勞

寓南莊懷海山兄

玄酒無人謾自傾憑欄觀景轉傷情
顛狂柳絮窓前舞銷恨桃花壇下生
爽約不來頻注目寄音未到更堪驚
高軒果肯過荒徑萬丈奎光耀草荆

雪崖兄出韻試作二首

拂壁題詩且浪書不妨才短愧茅蒲
便令刻燭曾中有總是揮毫眼底無
要覓秋槐與春桂何須夏扇又

冬爐文章出口名天下始信人間有丈夫

其二

經學年來本蔡沉何須勢利駕樊陰
道源誰與論高下文海馬能測淺深
愈出愈竒曾次大間來間往笑談新
題詩遍壁人歸後白屋微微有剩音

謁禹廟

南嶽盤盤勢入空大江東去九河通
碧壇尚憶瓊琳賦朱廟今垂圭壁功
草木變衰千序遠衣冠瞻仰萬方同
登游不獨傷心緒風雨箕山還夕宮

謁嚴光祠

東南清氣扶高節江上煙波偶放顏人物已知飛白
水故人元自愛青山區區諫議雙蓬鬢落落星辰七
里灘誰與雲臺較修短瓦爐添火碧雲間

謁武穆廟

六橋行盡見玄宮生氣如聞萬鬣風松檜有靈枝不
北江湖無恙水猶東千年宗社孤墳在百戰金兵寸
鐵空時宰胡為竊天意野雲愁寂夕暘中

展親墓

返照晴懸白鷺明漫塘雲色蕩英英浮光忽變羲和
節游子虛承天地情青入松楸惟有淚露行葱蒨不

知名男兒且莫慚滂母王裕金貞有鳳城

春日經漂母祠二首

淮水陰陰生白波桃花三月戲春鵝獨憐漂母仍祠
廟却念王孫空荷戈爲客布袍淹日月畏人舟楫傍
江沱不應桃李芳菲節還向他鄉聽櫂歌

其二

湖水陰陰生白波桃花三月戲春鵝香飄野殿村翁
走屋近城樓燕雀多推食豈緣忘狗馬酬金元自信
山河長淮不盡王孫恨澹日孤雲一嘯歌

嘉祥望麒麟臺有感三首

古縣荒城半綠林，獨留名字到如今。諸侯開跡憐風雅，父老多愁落暮陰。千古高臺餘海瀆，六經無恙識麒麟。東周反袂何人意，細雨停車獨客心。

其二

牛渚機絲河漢秋，星珠月璧祥光流。王母青春不受謝，仙園絳桃時出游。蘭蓀英英地符發，梅觀鬱鬱天宇浮。瑤華壽酒遠莫致，歸及諸阮南山謳。

其三

羅垣山人春興深，薜衣藤帽能相尋。有時騎驢出山谷，爲余呼酒當槐陰。孫登尚嘯復見爾，阮籍猖狂非世心。歲華冉冉各自愛，只今時事傷青琴。

戲馬臺

戲馬臺高凌碧空，行人從此望西東。十年旄鉞風雷動，兩界山河楚漢通。王氣入城浮赤帝，洪濤翻日見黃龍。間關霸業空悽惋，銷盡咸陽一炬中。

首夏出郊

十里莫嫌歸路遠，路頭風物自宜人。片雲帶雨猶飄點，官柳啼鶯亦送春。老妾守桑蠶未繭，野翁炊飯麥初仁。更於一處供詩興，燕掠煙波湖水深。

八月十五德州見月

野水蕪葭氣色微丹崖石壁動光輝珠華故與中秋
競寶魄先隨涼鴈歸青髮娟娟時並舞芳雲冉冉思
俱飛芙蓉江客憐吾土獨立青霄問綵衣

望月二首

殿臺東望轉岩堯寶月懸江夜寂寥南鴈不來沉短
札飄風何處忽橫簫澄光欲浸銅仙掌爽氣還浮玉
樹標悵憶緱山王子雲幾時天路坐相邀

其二

渾天東下轉迢遙朱表青詞亦寂寥士遠杖頭應自
好仲宣樓上忽中霄清明小注金莖露盻望虛承玉
樹標蘋末微風何日起浮雲吹盡見層霄

江寺祈雨有應

碧天萬里無雲脚帝遣神龍散雨花怪石已曾飛赤
燕大田今始卜青蛙精誠自可通雲漢致禮何如見
釋迦老衲也忻沐甘澍澤公聲價湏人誇

早達瓜州

江燈到岸迴樹青江草不動冰雪冷蕭條客鬢沾雲
切殊別鄉音幾處聽焦山鍾樓沒潮氣瓜步酒旗招
落星平生湖海住亦得日華得沙搖鶴鷁

冬日從儀真入江

浮陰蕩空白日微長船泛江青山飛悵望船頭一搔
首重嗟江上欲沾衣歲暮他鄉諸弟隔梅花故國動
年違自將薄酒遣牢落未得報章南鴈稀

登虎丘

虎丘春倚劔池平巫筍雲連寶殿生殿上鍾聲當巨
麗池中波影自昏明長洲別苑虛無裏悟石空亭寂
寞名和靖書頻想像雨中春樹看巢鶯

賀傅竹亭新樓

忽然一口八柱立上鷲飛鳥下蛟龍日月雙眼吐吞
外江山千里談笑中五鳳添修氣自異四齊清酌襟

其空春風吹遍曲江曲倚欄搔首看溟鴻

詠黃鶯

尋春但見黃鶯影今向籠中玩羽衣林密肯忘前度
友日斜猶弄解圍機自將文物供青眼何用家鄉託
柳枝愛我主人歸未得幾多燕雀莫相疑

詠蟬二首

長日林端似百憂應時宮呂度高秋未妨風翮承清
露數傍河堤繫客舟湘岫江雲愁入調棘花梧葉晚
同柔綠枝並立還生計不食於人何所求

其二

爍燁向人鳴未休清高悽切如隱憂風枝低度故裊
裊江雲欲動時悠悠青林搖瑟雜雅奏綠波散客增
離愁明珠不彈似憐汝仙露自飲復何求

觀戲

棼棼擾擾復悒悒世務關心況土音曲倚輕雲度高
閣舞隨明月過花陰妍媸總厭浮沉論變幻真懸感
懷心安得芳舟乘晚發玉風金露一援琴

七言絕句

夏日丁庸卿茂才見過竹齋對話

白葵黃萱相對明南風吹桂先秋清虛堂茶罷寂不

語坐聽斑鳩竹外鳴

秋日送丁庸卿應試

珠草銀花繡白袍乘風弄日馬頭高八月秋深簇雲
錦人間自有九方臯

畫馬題贈袁國子兩峰

弄日乘風赴玉門柳深營內獨超群放爾賀蘭山下
去四邊春盡絕纖塵

贈姜西軒

冬林回日上風臺玉樹瑤華次第開小坐焚香入事
少岐山鳴鳳好飛來

送丹陽八生入泮

朱裳瑤翠曉雲稠
練水還從泮外流
桂實杏花春萬
里赤霄齊看八龍遊

贈大程

玉川僊客有竒氣
六月披裘落釣磯
秋水懸空萬餘
里海天忽見片帆歸

贈小程

天家樓闕照青春
並馬知君思不群
流水桃花意千
尺滕王高閣試秋雲

贈許長卿昆玉

江行十日到吾家
兄弟殊方喜自誇
春雨南天芹藻
綠煩君笑領一枝花

偶述

小廉曲謹非吾事
抱口騎風渤海游
鏡水入雲秋冉
冉虹橋吹雨思悠悠

樂川卷

青鰈遙接天山碧
白鶴晴連十渚明
魚逐瓣樾春散
子鳥栖多樹夜涵星

房村懷蕭汝行兄弟予受業於靜菴先生

房村盡日雨絲絲
公子高情入夢思
一道澄江回禹

穴嘯登猶記雪深時

別懋明玉會溪

雨絲清柳映黃金日月怛怛客路深秦望山居餘典籍還期來往一論心

淮河別許岳

青春擁騎長安道白日分船淮水陰歸去雲軒若相憶燈花對酒卽論心

寄朱十八袍

鏡裏流光恨轉蓬忍將魚鳥就池籠故人白髮三千丈掛在東南秦望峰

過陽穀賦此

阿城四月病征裘上下荒田麥不收可惜人家無舊業至今龍輔喜齊侯

贈王典史奎

四海豈無清典史白燈相照獨慚予窮官要路多勞累閒坐春屏一嘆吁

與少明詩二首

炎天策馬高嶺前不覺浩蕩思清泉安得一吸向寥廓更御輕風從九仙

其二

仙人不受人間憐朝棲蕙壁暮芝田鸞笙常聞雲海外
麟蓋時依霞漢前

出都城懷周子亮二首

南出春明入水津京華遲爾欲傷神匡廬彭澤多鴻
鴈綠玉青珠肯贈人

其二

萬里晴雲捲客衣竹房半掩綠楊隄可人秋色時當
眼日下金溝燕子飛

與諸同志宿吳從本竹山精舍夜談五首

濯馬逢君復緩程更憐雞黍見平生竹房木榻三更

話不是流連光景情

其二

煩惱窠中錯用心言言句句苦追尋而今風月閒來
往時對青山弄玉琴

其三

自有真人坐極宮須知舉業不妨功請看一脈崑崙
水却與江淮河漢通

其四

欲談吾道莫虛玄孝悌於人見本原昔日過庭曾兩
語鳶飛魚躍此中看

其五

吳馬豈煩顏氏辨，商羊未必仲尼知。
欲知千古傳心處，請看如愚退省時。

奉寄石崖叔祖

涵虛亭子日初長，碧藻窺魚水氣香。
試取明年秋月皎，龍得雨看飛揚。

湯滄洲來顧賦此為贈

八月桂花香入空，小亭飛酒觴。
我公鼓琴應忝門下士，抱膝寧起隆中翁。

書六泉卷

八月桂花開碧雲，仙人騎鶴來相羣。
青風萬里飛六鷁，坐對玉竹珠泉分。

獨鯉朝天贈海山兄

頭上方巾只尺五，難道龍門萬丈高一目。
春雷動天畧翻身處是青霄。

觀潮賦贈文峯叔

天地文章只自然，寒潮日日到江邊。
道人指說風雷動，驚起蛟龍飛上天。

作泉卷二首

錦雲裁日下，晴田澗藻溪。
毛極自憐風伯不知何處。

手先驅霖雨認豐年

其二

禹功千載寄鴻濛西下崑崙河漢通從此司空無一事坐令河海受從容

寄了溪叔三首

了溪仙客實吾侶書問年來何太稀霄漢爾能飛彩風談笑吾已愧醢雞

其二

龍圖遺澤果無窮一歲皇恩幾荷蒙杖刻鳩頭三壽老腰橫魚佩二籥封

其三

住城鬱鬱凌家塢痛死傷生日暮時執紼未能爲子弟倚廬眞喜有男兒

寄雪厓兄和解眉軒蘿垣二伯父

鵲鴿乳哺本同巢况復鷓雛滿九臯莫訝浮雲傷白首願憐愛日荅清朝

潘水海山二兄丁外艱

暮雨西風孝子歸白華無語自庭幃誰家門戶愁絲竹一曲清商送夕暉

寄眉軒伯

橫林流水急如梭打鼓黃郎雜擢歌最憶鯤池舊分
席一燈春雨濕青蘿

寄靜菴伯

龍潭高士住山陰石卓雲亭湊橘林滿袖何時黃顙
顙相如肺病實關心

見月

獨客孤城落日愁征帆渺渺送河流可憐今夜徐州
月不照張家燕子樓

題江寺僧卷

雲鷲山高綠樹幽數椽茅屋雨華秋慈航不泛湘潭
影應向靈泉極處遊

過觀音山

百粵地靈收海錯六朝城闕散金銀山樓濕雨虛臨
寺江獺含魚鳴向人

宮詞三首

桃根桃葉雨痕收傳送金錢卜畫樓三十六窓飛燕
子珠簾何處上銀鈎

其二

太液新波未有綠雨絲飛盡藕絲牽多情誰遣中秋
月照見樓中鏡子圓

其三

三年織練初下機手持茜草心事違
女史忽來傳令子宮中不用絳紗衣

穎川別少弟二首

悠悠白日長安道濟濟青衫上舍生
傳與西湖舊煙水兩峯明月共吹笙

其二

老翁八十度茲辰游子他鄉入夢頻
喜遂北征明日月望從南極動星辰

贈柴畫工

世間顏色分明見大朴何人識本初
最是良工知此意素風雲月玩清虛

題馮筴竹舍四首

尋春何必問誰家春事無端落暮霞
海上東風休自老庭前還自有荆花

六二

南畝東風萬種肥花邊煙雨上蓑衣
燈前細與兒孫約老子生涯汝自知

其三

亂山高下晝冥冥樵水東頭數點青
聞道山間明月

上幾回風雨只從星

其四

流水何心苦未休白雲依舊思悠悠山人莫被閑花
惱只恐天翁亦白頭

題南莊兄四景 春

谷口春風黃鳥鳴樹頭煙氣接山屏何人看見千林
喜欲向平坡結草亭

夏

羽扇綸巾白幘高陰陰官柳自溪橋蟬聲不許南風
裏無數青陰解皂袍

秋

眼前黃葉半飛揚江上蓬船漏夕陽茅屋幾家雞犬
靜最堪清酒洗詩腸

冬

梅花見我頭先白我見梅花眼倍青誰說六橋渾易
得江南瀟洒幾分清

春鳥櫻桃

枝枝春鳥自交交萬斛明珠顏色饒不是東風便圖
寫滿城桃李待揮毫

黃鸝夏桃

綠楊堤外鳥輕飛
求友無緣歲月遲
仙氣忽從煙雨
得不愁無分到瑤池

喜鵲石榴

花開不報山人喜
秋入園林借一枝
幾見洛陽城裏
客牡丹臺下識苔蕾

鸚鵡荔枝

十里蠻煙撥不開
仙人吹落紫霞杯
風前爲我消除
盡免使唐羗奏疏來

莧瓜

大易三百八十四
聞汝陰陽俱有文
收拾筆頭無甚

事一丸真理白薰陶

薑芥

昨日江村雷雨聲
枝枝葉葉一時生
春風入手隨翻
覆桃李墻頭恁有情

茄蘿

曾因太守得清名
斜日西風淡淡情
老我一生誰是
友半畦嬌綠自輕輕

冬菜

老兄固是食肉相
况復高樓插紫霄
却道菜根禁咀
嚼也從茅舍看揮毫

書潘水兄夢藕卷

有小序

嘉靖癸未四月日子長嫂黃卒逾年矣予長兄邦賢持卷命予詩蓋長嫂仙遊時長兄以夢食藕而失其偶占者以藕耦之似也卷名夢耦蓋取諸此予性頗惰嫂氏予之所哀也逾年而不詩則長兄以其卷歸矣兄之心未已也乙酉十月之望侍長兄於十楓亭下明月在天殊助詩興急索書之而興已尋泥矣乃靳成八絕句如左

其一

石壇煙雨清明後幾見人生夢亦真秋思滿前消不得藕花開落問行人

其二

雨雨風風動滿樓起來心緒不勝愁六書去草還成偶沛字經人除兩頭

其三

芭蕉纔覆山中鹿却到人前疑是誣晝夜一般消息裏莫從溪上自三憮

其四

大抵逢饑宜夢取鬼謀何處得竒占總然事應今朝定惟有王孫不斷憐

其五

西湖六月清波起照見差差白玉枝揚柳六橋啼鴉
遠却從心上訴遐思

其六

楚江萍實聖心裁竒夢中宵誰破來草木不知無限
恨水盤獨薦讀書臺

其七

十丈花開真浪說書生何事獨神交幾翻欲向花神
訴煙霧紛紛玉井遙

其八

山濤宿約已十載獨抱長琴泣數行雖是夢中無定
準也因些子紀年光

菲泉先生存稿卷之二

菲泉先生存稿卷之三

門人

丹陽姜寶刊

男

獻策

獻功蒐錄

歸安茅坤校

孫婿何汝敷

重校刊

絳桃賦

丁亥夏之仲後甲三日為光祿太夫人陸母王氏六十有一誕辰伯子方伯石涇先生就徵北上與其仲子監胄元輔俱叔子庠彥元普季子監胄元成得留侍以絳桃壽時太夫人新恙方瘳履綏焉融乎其光也作絳桃賦賦曰螭淵有木兮木葉員投舉父兮飛蠻蠻齒焚兮龍仍班乃今不可得兮捧首于崇避之

山崦岷有木兮木葉穀孰河駿兮狄雖伏齒派兮瘴
復乃今不可得兮精祈于茗水之谷不休哉粵余知
夫麟定螽詵兮宮族教維柔嘉以嗚兮肆保音以禎
曜彼河芄之與江離兮固明觀之攸妙胡沙棠之已
勞兮亦顧湘之匪傲余固知夫玄祉嘿順神衛與謙
苟中行之無遂芋藥珠兮而引年則彼芎藭蒼芘無
條天楸曾不足以自忱而武秦戲兮將弗賤宇發鳩
兮將弗卧禮高禩兮胡子佩傳訖兮胡軒余弗登西
王母之宮矣乎天緯開霽地蒸困輪觀闕疑懋櫻臺
疑蜃宋車魯鬢楚日秦人形狀俄畧瑰詭郁焚夫是

以能蚤莫百彙芳旨蓀芸選布奄夏昌茆吞昏則在
世之譜蟠桃以爲異者迺其苑游之常物處羞之恒
品而奚有於曼倩之云不然則今日之旦胡爲虜靈
焉者之搖目而香者之足聞不休哉甘露霄兮寶精
揚洞霞擘暎兮珠蓋張浴海波兮瞻朝陽引公盤兮
蟬綃涼爾乃使宓妃執籥霄圃御香奄兮注兮天泮
犧尊盎兮甦槩乃有懷其核而伐其肄者謂亦足呂
履兒齒而無疆而况夫選其配主展也允襄爰有馳
馬物壯游三方輔弼剛兮帝垣近旂連兮皇風長雷
三日兮洞庭雨接南溟之修翊兮將十九萬里而翺

翔余亦不知夫彼之榆襦肅雝者奚物萃諸福而疇
祐者奚將而况夫通理坤順貞誠豫盱屈狄錫兮河
嶽穀霧屏兮巷衢祥坐躬練之後歎起勿藥之餘於
虧焉以和召蘇有此故也匪物之古唯人之於肆彼
桃之有蕢者乃日居而月諸余固不知斯之能益於
人不也况其或者以是而爲人之所連茹而乾坤今
古幹罔遽虞離上下色罔渝而彼察之有托於茯苓
而後固者不啻參墟之與泥塗不休哉亶其然哉况
夏楚焉以自潔兮臧彼謨之召也指九天以考徵兮
曰爾享晉之道也鶴鷓鷃矢弗登於几兮食鮮易
以壹抱也奚草木之雷根兮貪天工以自耀也吾亦
何有於螭淵之與崦嵫兮或傳之謬也

後絳桃賦

嘉靖甲午八月十有五日常維葉母王太夫人誕辰
維時辛氏厚秋百果咸登洞菴夫子乘南流之舟稱
觴獻羞翼翼維虔門人某爰進以西王太真之祝采
絳桃以獻遂爲之賦以觴夫人賦曰夫何茲桃之鮮
澤兮被金臯以爲陰踐員嶠而扶本兮耀盈肥於潔
林條屈盤而糾紛兮理姿妍而可珍凝神表之朝霞
兮濯青昊之春雲實顆顆其駢結兮承的爍之朱殷

脩乘光於芳榮兮香郁烈而芬芬樂珠宮之帝姊兮
分瓊苞之雲孫丕休哉玄祉默順神道與謙玉穎振
德蘭芳自延則彼芎藭賞此無條天楸曾不足以自
忱而履泰戲兮將弗賤宇發鳩兮將弗賢禮高禩兮
胡子服傳訖兮胡軒余弗登西王母之宮矣乎漢緯
開霽地蒸困輪璠闕峙岳琳臺成蜃宋車白馬楚日
秦人殊狀俄頃瑰詭布焚夫是以能早莫衆彙茂華
孫芸稟玉衡之澄粹資金城之懿淳羽采瞻萬畢之
券宮懸來度朔之群史聃之所游省張陵之所升懷
高丘之所修服樊姬之所呪階靡不披其璋質集其

攻颺萬歲一實千年華開丕休哉蒼靄霏兮寶精揚
洞霞暉兮珠蓋張浴弱水兮臨朝陽引冰盤兮蟬綃
涼乃彼懷其核而伐其肆者譚亦足以應鯢齒而無
疆而况鬯其世業展也允襄爰有神物壯游四方夔
龍谷其司袞仲甫同其令名既耿介而特立亦允惠
而宣平閔文濯江漢之潤危言旌日星之明及宣風
範表立田庸乃繁善政敷同奏功芝尼馳印綵服斯
榮沛吾乘兮輕艇逆飛雲兮迅攻石窠奠其殊宅封
丘復其異宮睹斯桃之搖目頰螃塘而遠共留枝間
之紫燕集日下之翔鴻願新采之都麗奕兆世而偕

融乳曰園有肴兮隰有叢晞青旦兮接玄風三山
兮列九嶷乘令鳥兮棲仙棕仙人食之方壽無窮

青龍橋賦

有序

青龍橋者蘇山夫子柳陽范公躬帥忘勞嘉靖於厥
邦者也夫子之雅故汝賢曷敢知厥蒞江藩也永利
戢蠹民用是康乃四月既望狩洪州之奉新汝賢邑
吏也辱進而與之言且聞橋始命曰第賦之夫聞而
罔攸言未聞也言則僭靡言則隱唯公容德况有嘉
命寧僭弗敢隱也賦曰

緊跨壑之有神兮安行兮輪蹄德渥兮茂勲孰化能
兮爲鱉上螭虬兮青鎮嘉澤全兮熱泉紛歸美兮心
仁維昔帝遺要步爰限南北汜則次且睽離涸則降
登高下大歸乙涸九汜尤忌介虜春夏斯時也歷歷
泱泱宓汨阻長珠玉疑於方員牛馬溷而杳茫蓋傳
巖之楫不可作而魯叟之桴徒自皇猗與我蘇山夫
子洩蜿蟺之真精弘調揀之有兮蓋旣登庸唐庭歷
敷幅員越告乎淞東之臬而旋沐虜柳江之壘也慨
崇期之多艱閔征夫日奉孿身痼瘵而不寐如將去
沙丘日翩翩唯是博詢闡簡瑰竒閱志告羞眎
歲哀資斯時也熟仁宣洩烝德渾融我未劇而力至

彼不劫而備同蓋其或虛困廩或放筐篋賑者亡斬於貨泉壯者爭致其筋力殆枕之而莫止宣之而逾急也爾乃問工鳩傭凝土度石材美山輸用就鱗集乃傾筭呂腹鼓機維心謀衆參而罔遺指獨斷而耽精群毀鼎來孤鍼帖定謂亡梯雲之巧綽有成風之運肆秦人臨河而肇濟底張氏歸洛而德晉夫子乃言之冠易曰乾冠乾曰龍天應乾行具曰利涉然則捨橋曷從虜矧鷓躄於左方脗指行夫曲禮括星火之徽稱表易功之利濟是蓋涉呂飛梁爲天而呂神物爲旣也第見給其目者心酣入其耳者魂予歸之

呂解犀之慈卜之呂活蝗之祐有好事者造夫子而問曰神美哉龍之爲物也震說根其性動法言暴其不制於天每雲雨之歸非池拔蛭蟻之萃軼禹浪於湏搖布商霖虜方內乃吾人之普施正中也式穀似之是故拯溺亨屯圖難爲大固其所矣吾夫子之鞭石趣功造舟畢務地有利興民無病渡固也然近之不過五蓋遠之不過三湘抑呂試中流之一杯又烏足以盡大受之無方唯昔夫子簡在帝衷而小試之也則見夫薌溪有聲花村亡吠畫疆致氓釐剔垢蔽明陟考成都皇監史入侍則百度惟貞出按則

群僚孔肅潛見以時變見維穀措刑歛教使百荒服
絃紘益其蝨氣鄒魯聯之海濱澤霈魚沫雲興虎林
握藩封而北瞻有慶忖楓陛而南顧亡疾俾今而微
夫子也邦經或溺而濡尾民瘞不下於斲脛吾意夫
子博知即四靈乃宗弘濟殆萬鱗是長說品庶於泥
塗妥斯文虍鞅掌宰匠萬物之形神摹二儀之像繇
是進符夢卜於清宴棘歷三三階升兩兩作又攸同
夙功弗爽濟河匪金革之焚渡沔殊鐵舟之想紀常
範后馱寵祁休坊碎錦其薄柱堂醉白之臨堠上辰
徵杜老之詠名午亶晉公之流吾知其聖作神立唯

夙而噓雲固亡俟窮古入之道援降一方之凶德而
休沐並勤勤也已不然公孫乘輿曷以止惠維杠暨
梁不覺於憮然追喟乎夫子曰嘻若胡若斯之侈邪
眎余之不廣也今夫仁端好施聖人之訓也安用隨
寓君子之慈也夫剡木爲舟式濟皇美合方掌道乃
成周禮若乃杠榘倚釣是爲博濟之圖爾胡獨至
於今而貳之且能巨能細能幽能明能短能長誰是
敢承聞之癡洛洞者非不止惰閩山者非不行雖與
戢瓜之蟠每聞舒翼之應叶微蠖不能爲之肆善豢
奚日爲之傾吾之般息吾坐也念由來之敝址推亡

竟之褰裳著虹影虜阨陘壓龍津之潢洋署之以東
方之靈曜而何戰艦之足當洵古今萬慮而一志又
奚必尊皇之道而功歸於王虜夫呂居方之有窮徹
於夙昔而亡陣揆百代之不殊何四隣之獨爽古我
之有造一隅者初未嘗游心虜六幕之外苟有使我
達之虜九圍焉乃今之勩又奚足尚者邪夫劍不得
而恒度杯蔑繇以再汎唯夫取之蠱而有所取之需
而有功益引之而道行乎乘之而虛通抑又開物成
務之攸宗也若何茲之惑而云云也邪客喜而去呂
告於旅胥與攸仝勿隳勿去亡何夫子出殿虜江藩

應揚按職於蕃於宣列郡承奠枕以聰寤八觚倚長
城之堞垣群吏汝賢慶得其總爰拜手稽首而爲之

頌曰吾聞鱗長五色分兮正黃則重胡爾青兮匪龍

呂青維橋之命

叶平

兮卧波窮宙龍不升兮匪升而濟

猶在天

叶汀

兮經迢緯險厲揭亡聞兮無夷無事伏庚

辰兮一隅可詘八鎮可信兮曰維夫子雅妙存身兮

柳陽利涉微子其勝兮上援下極安往而非柳兮建

牙南浦利西征兮五老逾蠹二孤齋齋兮繇茲狗歷

施於亡垠兮躋穹陟要爲九五丞兮浮鼉役鵠方外

成蒙兮昇僊汚墨迴下吾風兮模王楷帝躡圯踪兮

維垣清塵茲試洪兮俛蒐就采媿塌茸兮鳥獸何肉
豆籩甯共兮邛胥夫子真由龍兮

棟塘問答

貞靜先生披輿覽勝闢萊廠基逖埃壻之紛糾廓爽
塏之郊圻洞潛廬以啓蒙枌嘉樹而交離豐蔚之盛
則島嶼之華巖馬汗漫之觀則滄溟之巨游焉客有
以語楚觀涯子曰夫好有動靜人情之殊也時有隱
顯志尚之仍也子知夫棟塘之樂乎負郭之陰抱山
之陽據桐栢之翠律流洩渤之鴻濛蓋聞先生之遂
初也嘗有意乎從羲皇矣卷而未試寔用卜居挾我

甬江今子既察其云為之故而得其規制之詳蓋為
先生賦之觀涯子曰唯唯繫先生之踔躒猷肄業於
皇王慨明哲之不作卷吾道乎幾藏步蔣詡以開徑
學陶潛而樹芳行地維之勝界分星紀之靈場撫四
時以藝毛緣九嶷而開疆借一枝以成巢豈三槐之
足榮爾其地勢則割四明之豐壤扼會稽之上腴龍
岡北峙鹿巖南垂太白東竭古鄒西嶷帶以帶幢寶滙
橋之勝聳以扶桑蓬島之奇勢崆嶔而峯峒形聯纒
而逶迤赤松之所遊王喬之所居其前則有平原下
隰衮衮之區腴腴沃野的的甸塗堤塔岡屬溝澮名

殊桑麻荼茗菽麥芄陸蒔夏黍水樹冬稔黝離
離翼翼廡廡決渠行雨開竇引渝灌溉鄭白之壤經
營史起之畬屯雲布護於中野積茵綺麗於前疇其
後則有嶽嶽蔽天巖壑隱谷龍嵒岨峙屹嶭嶠嶽或
峯剝而中絕或岵嶢而復屬似閭風之峻坂象瀛洲
之複陸狔猿鱗接嘯戲於其巔鼯鼠獠狡騰趯於其
麓軼雲雨於天半起虹霓於山腹旣索紆以迴繚又
杳窈而曲壘雖都盧之輕迅猶愕驚而不能躅爾其
塘也太乙之波瑤池之精泚融沆瀣漫滄淪湧彭
蠡之洪川出錢塘之巨津日韡暉而曜光風盪欲而

有聲披紅葩之狎獵翻青藻之華英濯靈芝於素澹
渥石菌於清泓莫知其廣莫測其深恍逢溥而霧合
倏暍暖而雲蒸珊瑚碧樹周遭而生夜光琥珀灼爍
麗明金沙銀鑠碧玉丹青瓌奇之所育珍異之所盈
爾乃周以金堤樹以苦棟布綠葉之粦歲敷白華之
燦爛豈詎足乎棟桴爰取意於素練同百代於一時
何嚴霜與積霰嘉晚榮之菴藹亦安取乎蕪蔓又有
桃李春華槐杞夏陰蘭桂秋馥松柏冬青豫章桃榿
以為垣梗楠楓柙以為屏杙杞真棗荔枝橘橙蒲菊
蟬結乎紫房楊梅綺繡乎紅茵若此之類不可殫殊

其中則有長鯨吸浪巨鯢吐波地蛇蛟螭龜鼈鼉
鱣鯉鯖鱈鰩鰪鮐鮓朱鱗赤頰折鼻利牙或掉尾於
湍瀾或戢翼於歲莎其傍則有荃蓀蘅芷蘭蕙江蘼
揭車杜若薜荔雷夷卮以宿莽結以鮮支延蔓澤淑
結縷隈涯吐芳擢茸揚烈發奇隨風披拂與波參差
香煜煜以吡啡葉紛紛而陸離靈沼之中前後聯綴
乎藩籬於是乎築方丈之臺構數椽之屋臨清流而
啟扉倚玄蔭而架木黝堊不施碱硬罔琢豈結瑤而
鏤瓊殆上峻而下陸以樂眾賓以會九族采佳圃之
鮮芳酌清尊之醴醕賓樂未央主稱信宿臨淥水以
逍遙撫芳樹而躑躅垂紋竿出比目援朱絃奏雅曲
浴溫泉坐草蓐六合可觀於寸壤九圍可收於一掬
蓋一以爲春秋而一以爲晦朔也又安知天地之盈
縮哉於是客超然作曰吾子誦棟塘之牒雖未盡其
所蓄而先生之樂則已得之後覺矣乃歛容再拜用
謝不殺

石源頌

粵若蘇山夫子郴陽范公昔在家食信情昭義修睦
講信引利闕弊以與郴之人全比有隙地環且以汲
急可鑿公曰昔哉僉曰諾乃揮鐻運篲以迄於尋常

有石格焉巨亡鑿以乘虛深叵測曰蓋易喜圖哉公
曰已哉言已泉全焉以出石渠渠焉未之竭唯是聞
者僉曰神哉既廼歷官中表起伯江藩行止在公旦
夜雜雜以政工乃和民乃亡慝乃進郡屬吏以與言
家修鄉輯裨復中外靡一不之及示法觀也汝賢以
奉新長與迄於石源故作而喟曰公真神人也已繇
皇進士以陟於皇監史以來旬於雄藩皇是
以南顧亡繇使有人已乃去藩以息於鄉呂敦於故
居成用逸不滯於性际是滔滔以湏於竭者不既神
已乎蒙有之山下出泉是故亡土固亡水也乃不於

土而於石未劇而休已瀆而亡所窮不既尤神已乎
明庭尚能罔俾公神定必昌之後式克有今焉賢
不蓋望公若洋顧涵濡政化波及於亡隄於戲石源
非則固爲柳有已拜手稽首以頌其辭曰

柳江之右桂治之南通闌帶闡食指孔繁匪耕安食
匪鑿安飲既先厥疇可後厥井曷以副之大宗是先
巨甕細甗索索有年軒轅何氏弘寶昭廉伯益何人
載勤以共邈已高平玄來茲土我公蘇山是胞是與
伊昔明揚剽劇越清允矣流馳展也芘萌乃祁休澣
言歸於里三組賁蒙爾桑爾梓乃睠州隣行輟止暘

乃告之羞推之恻悞乃經乃費乃匪其謀神其鼓舞
何旅弗瞻乃旂其噐乃攄其材簡傭程匠誕若子來
維畚與鍤藁裡載揚穴深穹屋迄於尋常群工奮已
廢閭相將曰水一生六成唯地五土焉居亡土何水
地既呈骨厥肌當空硎礲齟齬墳壤鴻蒙具曰嗟茲
公亦慨止之攻之挾不及斯已未挾未攻氷夷績焉
有本汨汨有末涓涓水兮石兮包括渾涵支機天橫
浮磬泗隈孰擿其寒孰枕其流乃宣之甓格彼滓泥
乃奠之甃永彼凋基乃薦犧牲告成於后乃試綆瓶
來需罔疲饋人斯炊餒人斯淪盤滌其家楮洗其惡

逍遙之澈昭哉隱淪獠奴之注下彼青雲唯一未擘
龍虩遄飛泌之洋洋符昭乎詩吾聞之易或泥不食
乃乳其窟不膠斯洌吾聞之禮壺氏雲軍四方既同
辨脉著經胡爲乎齡胡爲乎僂胡爲勿藥托之冥冥
我思古人刺深以沸泰以卓山遠先扣地代以爲神
吾以謂常漢茲撮土豈土之精選聞戊巳廿仞䟽勒
登封五丈房州千尺感章忠孝力罷幽入誰其忽焉
休工弛力維公清厚混混泠泠水原天澤橘井亡稱
公兮礪操去貪飲廉攄思若湧滋物何堧公和之室
如舍斯滂公瑞之廷如醴斯漿匪源何心言不可斷

匪石何腸言不可轉石源自公寧曰坎窞昔令薌溪
允承渥流陟皇耳目淵源國猷有漸入際有被
鉅公政浹化洽興若泮泮氓以井利士以蒙浚文瀾
既匝德器抑重重唯帝擬德唯公惠并倣儻瑰瑋
豈佻有倫誠破歛石美巨其源維源泔淡維石巖巖
維其有之是以邁之公不自有還之鳩工鳩公歛然
曰孰與公烝還獨却委之泰元泰元何說確尔嘉焉
占數驩虞休休利利萬竈煙霏周爰五祀得漏江鄉
人酣帝省趣之江藩投群枯吻西雨昔卷南雲故
騰騰逾卷邁章貢泓泓渺愚質木遐滴漬濡竒踪入
耳孰侈醍醐昔湖今江齋翰博施仝辭不謀而敢夸
毗於皇急使醺我湘波壤慚男甸載擊載歌

洪西淙先生入覲幃辭

翟采西麾禮重大衡之選龍旂東顧心懸皇帝之旋
惠我不遲綏予有喜恭惟司考景鍾間從元呂教先
蒙發學裁俊士之游道郁晋明譽錫康侯之節精涵
德照妙徹化裁水豹文鱗斥揜群於海弋岐黃朱味
連暈載於雲車寵受士林樂胥民俗詞曰聲名籍全
浙並頌石畫奕奕星旂天水碧海內文章伯甘雨思
公真迫竹馬兒童江驛素心傳寄從龍客似我公清

白

右調謁金門

孔東原先生考績幃辭

元會丕殷簡崇龍鳳之集大觀有造變成虎豹之文
水鑑不私天功何有恭惟神懋家學祥開國華皇雅
不群瞻起南山之節岢聲於赫蜚傳東魯之流錯鳥
載光黼黻比象南方朱鳥乘照接於魁繁北海文鯤
仰變從於風化公歸有譽士造不愆詞曰秋雨霽極
目卿雲天際煩公俄頃裁成計光動蟾宮桂入藪英
雄秋雨揚勵濟濟文章名世淵河東望思嘉惠蚤振

王祥地

右調謁金門

鵲鵠原記

鵲鵠原在嘉樹莊南饅頭山之上余殤弟與妹之所
葬也余少時相者雷生言禍福響應余請見焉卽撫
余背謂余父曰噫是其人射目而踈眉將不利於兄
弟余泣曰果然天乎胡不令兒卽死無厭於子弟乎
余父喜曰汝有此心是汝弟之所以生也且其言妄
烏足信余心聽焉明年叔弟汝多三月死余泣曰雷
生之言驗耶乃及仲弟汝器就傳於外汝器一日能

記書數千言聲偶不以經意而出諸口鄉師愛之生
八歲與余季弟汝才出痘復死余泣曰雷生之言復
驗耶明年雷生復來余謂之曰汝口舌不祥一言而
殺余弟二人余不復與汝論相矣雷生曰汝尚有少
弟否余曰有之雷生曰嗟乎是又將不免庚辰入歲
四月之交汝哭汝母且哭汝弟矣時余母方病余聞
之撫膺大慟曰胡不令兒卽死無厭於予母與吾弟
乎中夜敷衽告於天曰一家苟有罪惡願以身受皇
天之降災母延及於余母與余弟余母淳孝苟有鬼
神不宜速死余弟復善事余母請赦余母與余弟而

卽殺余余將絕飲食待盡叔父聞之曰癡兒是相者
之口也且彼之閱人亦豈能一一中之而汝惑之深
耶汝有此心是汝母汝弟之所以生也乃遣疑累及
汝才就傳於外汝才雖聰慧不能與汝器相上而孝
友天至殆若過之余叔父常使余與汝才佐餽於余
祖母余未至不敢先食余母病不離房戶治甘滑進
羞必求中病者夜不解帶呼輒應輒起母曰我病已
不復可爲汝宜遠我勿近恐病氣乘人當在孺子耳
汝才曰使兒得從我母於黃泉亦復何恨背乃日涕
泣傷其肺肝疾發於面鼻黯黑如墨庚辰四月余母

死汝才亦死余泣曰雷生之言乃大驗耶汝才死閱
月而叔父之子汝蕢乃生余曰余弟也愛之日抱持
之能學言笑卽親媚於余呼余曰親哥余呼之則哆
然而笑俛然入於余之懷後聞余哭汝才則拉余衣
曰弟弟在此丙戌七歲余從京師來歸教之讀中庸
旣成誦手自默書不差一字余心喜焉一日晝寢祖
母呼其親哥惟喉中突突作讀書狀余夜半渡錢塘
迎醫風潮大作舟幾覆醫來不能爲三日遂卒復減
汝才兩歲余泣曰汝有同父之弟三人不能留其一
則亦已矣乃至於不能留同祖之弟耶爲之歛之葬

而並諸汝才墓二墓在山北與嘉樹莊對汝多墓去
二墓南一步不墳汝器墓在山之東與汝蕢之女兄
生三歲而殤者並去汝蕢墓四十步皆密近曾祖直
菴府君歲祭掃使亦得隨奠食焉嗚呼余嘗讀書至
鶴鳴在原兄弟急難以爲兄弟之親宜如影之於形
行止坐立隨之盤旋余旣不能以身代余弟之死求
爲之急難已不可得而徒數過其墓躑躅彷徨將起
其身一慙余之氣獨而余弟不復聞之美是余弟雖
欲急難於余亦將無以用其情也因名其葬處曰鶴
鳴原以志幽明之心嗚呼古之淳篤之士以崇德致

福有至十五六人者余之相雖惡亦人耳而余弟乃不免焉是余之不德足以殺弟而非相之罪也夫伯叔父母孰不欲昌大其後明作陰積以授子孫而祖宗之心尤疊疊焉臨而望之而余乃以不德之身同於操刀以殺弟是余不惟不能自解於殺弟之誅而且得罪於父叔得罪於祖宗矣夫夫得罪於父叔與祖宗者法無赦猶將不能自立於天地之間余之難莫此爲急而余弟亦復無所用其情也嗚呼痛哉

懷椿堂記

南服朱子爲堂以懷椿也晦明風雨昕晡朝夕凡諸

感觸不可告人惟茲是寄义而精怳怳若有臨或曰孝夫朱子之爲堂以懷椿也貞而不變思而成可謂孝矣晋王裒讀詩至蓼莪三復流涕門人惻之廢而不受也夫六經仁孝之理備矣裒獨有感於蓼莪哉君子以餘力學文有日用之常矣烏能日諷詠之以志感也父子之倫天性不可解於其心又胡爲乎有待焉而後能感而遂廢而不受則亦將至於無感而後已乎古之人有刻木以貌其親者矣皇皇焉無所奉承而假諸木木與吾親不相關也是故爲堂以懷椿也以感之意名諸堂非因堂而後感也且又不忍

求親於堂而遂且止晦明風雨昕晡朝夕惟茲是寄而無待焉者也可謂孝矣來子曰有是哉吾聞之昔者韋齋之沒文正公年十四年耳遂奉其教命以與天下之士相周旋故能爲世大儒而百世之下翕然稱之曰嗟呼是韋齋先生之子是故君子之事親也有義榮矣徼取一時之富貴謂之顯榮謂之能懷其親內愧而不忍聞之九原也不得爲孝朱子以余言爲然哉本仁而不私抱義而不俗值德而恒守道而酌克經濟之材而不小自用使其親安有義榮孝子之至也是故文正公並跡聖賢而始紫陽名堂以答

韋齋可不謂善用其懷已乎夫身親之有也夫親之心將使吾徒有是身哉懷之誠是也則孝子之所以懷其親者必將體親之心以自進於文正公不然則日歌哭於斯亦哀而已矣而况朱子生八年而失澹菴其奮迅規爲又當有早於文正公者朱子仰天而嘻曰袍記之矣菲泉來汝賢記

雲莊記

去龍潭五里鄉曰長興有平原一通澤浚而土膏物理張王又其地脉敷湊不生蝮蟻多収於他鄉不憂水旱余兄汝方甫世業其中庚辰之秋作讀書屋數

楹於落星湖之上昕晡閑暇歌詠其性情覽古今見
有激發處輒復倚楹高嘯招孫登阮籍崇陵遠岫之
間流雲四興欣然會心樂而不能去園桃夭夭棗下
纂纂角巾夕陽與氣送迎八月大穫秬秠粟栗芳露
所滋哀然黃植奄觀銍艾如束錦雲汝方甫嘯而言
曰以是寓我遂名之曰雲莊而屬其弟汝賢爲之記
夫雲天地之英潤也龍潛於淵神變化雨下土非雲
莫之或興天下有方三四百里之旱泉涸弗出百植
不甦塵浮於面目老穉伐鼓暴尫顧瞻天際垓北一
色當是之時苟有蜀車魯馬楚日秦人英英稍見於
昭回之間則人誰不鼓舞踊抃欣其更生者是說澤
之功龍受於雨而望先於雲也故山川之神有能出
雲見怪物者名之曰岳汝方甫德潤而道滋仁賢洽
於州里五子者會靈而生必將爲霖爲霖以代其終
而以潤德施於天下人之受其滲漉者如秋之有成
則雲莊者固雨之旅次而不有其功者也雲莊子笑
而不言遂書之以爲記

兩槐書屋記

雲莊真逸屏絕衆好融融遂世俗可喜可怒可羨
可慕中熱忻樂啓態而未必得者雲莊子冷冷然一

笑而空之曰吾何憂吾何愛呼五子立於房戶之間
詔之曰爾來爾來古之聖人懼烝民之弗若於典也
常言之而爲六經備言之而爲諸史繹言之而爲傳
危言之而爲子家言之而爲集爾父獨心好之四方
之梓者幾備矣爾尚知訓之哉乃手植兩槐鬱落蕪
莽雨露遲來日光不漏五子讀書其中靜如也謂其
從弟汝賢曰子盍爲我記之乃盛陽之月入其中陰
密而空軒軒若屋乃感而歎謂諸姪曰若知槐之爲
木乎夫槐天下之良材也托根平林不與衆木雜處
比其長也行路之人有陰被焉用世之道也子盍思

之我鼻祖龍圖公致身宋朝芳潤及乎後昆我蕭山
之來氏此其根也枝暢而葉舒仁義之訓世世相守
當元之季無有珥官於朝者雖郡縣之小佐譜牒亦
無有焉豈其人之不學哉晦處於睽孤以待天下之
清耳公貴亞魁以尚書舉第竟不遂其設施然開先
而發華寔爲之兆兩山夫子以來則當大寧之時龍
旂朱紱峻功被于西夏日月所照矚矚熙熙則固木
之漸也爾祖靖菴先生生有貞德恬愉無欲塵俗亦
不入其心爾父又承休光而將順之栽培灌溉槐之
得氣多矣爾乃天下之良材哉爾尚勉之正爾身毋

以衆好奪汝心靜爾德毋以紛華蕩汝之力惟日孜孜求所謂放心者而收斂之則本固株堅而章美之以時發者可以庇天下矣自古隱德之士弘積世克不在其身在於子孫乃天理之自然者耳故曰天之生物必因材而篤焉故栽者培之爾當記之哉王佑三槐發之文正文正者致位宰相而其勛業所就終有愧于古之純臣是佑之所望止於名位其勢固然也爾父方將以聖賢之學教爾爾當慎擇之哉孟子曰牛山之木嘗美矣人見其濯濯也以爲未嘗有材焉是豈山之性也哉夫豈惟山之性抑亦非山之欲

爲人子者孝成其身而仁不過物則親心之欲矣朱子之報韋齋張子之報魏公豈以名位者哉而天下後世不敢名其父夫朱子張子天下之良材也予辱在叔父敢以是記菲泉汝賢承兄命漫書

習齋記

瑞泉程子玩心大道之際而以習名其齋也問於來子來子曰子既知所以習之矣而尚予言之微乎雖然敢告吾子夫習天地之所立心也聖人之所定命也君子之所作德也而豈數數然者之謂乎夫習必原於心而辨於迹心也者天倪之所起也而寓諸旁

行故退藏於密而非內也泛應百端而非外也心也者理也理也者性也性也者命也君子窮理盡性以至於命所以習心也心習而天下之變定於此矣惡乎內惡乎外君子集義以順動而主敬以直心是故動靜合幾而天人合分也謂之致一積久而天地昭焉萬物忻焉遂成而莫之天闕也謂之同歸世之人守其虛寂之心而求以凝道抑或役役於文章之迹而欲因緣以見心皆支離之爲習也終身兀兀而不見成功悲夫道一而已矣君子所習而安者道之體也所由而樂者德之用也聖人經世之迹其肇於此

乎夫君子之用其習也則致一而已矣一則又又則神神則天君子述天理而時措之所以習天也故始於不息而終於乾行程子而欲勿忘其習也其尚志於斯乎夫士希賢賢將誰希願程子之母讓也程子曰辱與子同志又辱在世講其與子共習之

紹義橋記

縣從南津廢浮橋殆百十稔義民徐金始捐金百爲石橋以行涉者人曰善夫徐翁之能以義濟人也遂以名橋嘉靖乙酉橋圯於鴻水壬辰冬余來治縣維時飛霰來下凜氣切膚川舟膠於增水之間南北絕

渡余方召鄉子弟受約會鄉子弟率浮以濟赤立庭
下闔口齒相擊不能出聲亟謀新之爰眎其歲無有
羸材又始至縣方務息民不欲以役勤集謂父老曰
誰有能輕資樂事繼金之義者乎金族子灝來告曰
是役也灝願承之不以勞侯思迺既伐石浮雲之山
費凡金亦百彊予傭作既食牢醕與車舟道路轉移
之資復當其半癸巳亥月朔橋成余登望之盤盤焉
結絡四鄉麗隍廓之要會持滾流之嶮介行旅宵征
民有忤色而余不與其功灝迺請余書諸柱余曰有
是哉已則厚費而與余以興利之名義之所不敢受

也夫灝夫亦繼爾先人之義則已爾夫義必集而後
生生而不已則積積而不已其發也必有受其祉者
矣夫知修橋之爲義而它事否焉非可繼之道也夫
灝敘爾宗鄙受爾比隣順履以樂生而約思以循分
雖不必於橋之修凡事之可爲而類於修橋者皆義
也是灝之父兄子弟咸遠利而近義以相繼也欲弗
引以昌不可得也夫苟述爾宗鄙爭爾比隣豐殖以
越志而錯武以逮辜譬鴻水之震蕩我梁石泐坼我
匡隳而無所防也杯水救車薪之火者也是灝之父
兄子弟終遠於義而率利以相繼也欲世其家亦不

可得也故曰與其溺於人也寧溺於川溺於川尚可游也溺於人不可救也故古之質氓保姓定宗必放於義故曰積善之家必有余慶積不善之家必有余殃夫積善之道莫大乎繼義在夫人擇而處之耳因更名其橋爲紹義以示徐氏之爲父子兄弟者且以道民夫金之孫弟子員國華温直好學殆金之餘慶其從余受學也辨義利之端灑而質焉知余言之有徵矣

查正丁糧格冊記

此縣冊弊胥史率以遲日月爲利司籍者不復稽察束手與之使衣食其中是故三年而未成也飛懸詭漏之奸百變而小民不勝其弊矣七月余歸自西昌受訟者之懇擇子弟之敏事者六人與之酒使舍家事朝夕分鄉按籍而躬督磨之凡七浹旬飛懸詭漏咸自斷正復得隱糧五百六十石有奇登下生死丁口五倍之餘糧七十三石弊世久無所歸留以待民之墾田者否則官爲之處散諸眇晦視鄉之數別爲格冊十二間長縱而編氓衡統之也甲圖與鄉都各書其總以達于縣而數可知矣慎歲之勿使私易一年入征十年治役有弗均者乎此六人者可謂任怨

畢公矣用書其名曰王元道廖興哲徐廷爵徐廷哲
廖興儼紀勞也

菲泉先生存稿卷之三

菲泉先生存稿卷之四

文

門人

丹陽姜寶刊

男

獻策

獻功蒐錄

歸安茅坤校

豫婿何汝敷

重校刊

武侯心書序

序曰今所存心書五十篇一卷世傳謂武侯書即所謂將死者也益以侯本傳出師表八陣總變圖與先儒所論辨凡若干條總類爲二卷李將軍所校次外史氏曰是亦足以訓士矣夫侯天下之達忠也研精大國恨於未夷是故書之用於軍旅也侯蓋有不得已焉爾夫侯非策士人咸知之雖其敵至曰奇才匡

時不辰王室之故侯之心力瘁矣是蓋侯積思之所成天下之勢書也陳壽所上獨少此編又壽嘗稱侯不長於將略真未之考耶昔予之端居也嘗手錄馬三敝而三勤斯曰明王不作世失其佐漢興士則已肆大節強人意舍曰侯誰哉夫侯非漢有抑三代之佐書蓋因侯以顯者也不然孫吳氏曷故哉是故吾三錄之也景侯而及書者也吾茲行有厚望焉曰書弗固講諸今矣唯王迹以誥戎陟矧曰戒在終豐矧茲土當江漢之交畫圻慎守繫天下休戚之半凡茲弁士戒用明紀用清教用貞喜功強戰不顧人用與

由律以侯幸者皆不可爲訓訓自尚文下章志貞教匪侯莫宗是故代明天子以行者責也得將軍若而氏馬行無闕已夫表書以致言表言以達心以示弁士人則肄之明於侯之心而將有能也豈惟茲土濯濯四垂允弗有虞焉刻是之謂也凡以廣吾訓而已爾

杜律選註序

杜工部詩昔人註者甚多顧徃徃膠於事蹟鮮能發明其旨趣黃山谷嘗欲於會意處箋以數語而自以爲未能使山谷果爲此蓋必有可觀者然恐事蹟太

脫略則亦非初學所能遽領也吾靜菴先生舊有杜律選註一卷愚受而卒業焉中間條折證據既極精覈其於大旨所寓則略加標釋已躍然於用事造語之外歷觀古註誠無及此者矣先生嘗曰少陵有忠愛之誠平生涉歷危苦槩見於詩而其才其學又足以發之開闔變化有類於天設故謂之大家今學者未得其平實而反求於險艱則失之益遠矣至於刻意模擬又類無病而呻吟者此豈發於情性之正哉吾爲此註亦欲學者知所從入焉爾中有漫興之作語或稍滯者今亦不在選列斯則取法乎上之意也噫余聞談詩者有止觀佛覺非先生其人耶先生早負經濟之器而不偶於時每病俗學之鹵莽方將攄所心得闡濂洛之肯綮以詔同志蓋此卷特其緒餘而已譬金困玉海波溢珠兩已足為用世之寶其傳於後必矣而況其遠者大者敢謂斯世竟無鍾子期哉三復之餘敬用識此於篇端

黃詩內篇序

夫黃詩眾矣內篇取其合周孔者名之蓋山谷之志也山谷嘗謂詩不可強作必待境而生又謂須比律呂列干羽可歌可舞不在茲篇耶余讀其所為濂溪

詩能知其人品有風人好惡之節其趣正矣夫以軼世之資並興於時誠使易文辭之後游降心從道可以追大雅之不羣而自擅於蘇張秦晁之間故雖流聲之遠震訇百代而知者有遺望焉豈文章氣節猶足為道之障耶夫山谷分寧人也而久處蜀蔣子蜀產也來守分寧爰輯遺言感慨係之矣夫分寧亦瀟溪過化之地也蔣子方開書院淑諸校士以斯文之正傳夫高山景行爾鄉之先達則然矣則是編之刻殆有深意焉云爾

溥天澤錄後序

國有六職邦禁居一焉而司刑實為民命之主後世聽獄之吏不用律以求情而惟抑情以就律生議則生死議則死喜怒態佚或傷其公而刑之不得其平者眾矣 皇帝臨天下有十年 郊祀禮成迺哀矜庶戮之不辜簡命司寇實齋陳公按江之右理獄訟之寃公既至以 帝命清問下民凡錄囚之有生理者自徒流以下輒說之桎梏從末減而死罪有可原者亦具奏如 旨維時江右之民舉甘棠頌公而一時小大庶官咸誦其讞辭以為訓典是公大有造於吳楚之分也越二年公蒙 恩出守潤州其屬吏丹

陽令某始得授簡於庭讀之終業喟然嘆曰深乎古
之遺愛也遂謀諸金壇令某丹徒令某校其訛字而
對之梓以徧惠諸公曰斯錄也維 聖天子以郊恩
布澤天下其天澤之所存乎我將 天子寵命斯惟
斯之為溥而已令某曰有是哉夫臣人折獄非道王
德意之難而下天施之不易公之蒞情本諸周官赦
宥之典而其文理密察推見至隱又有得於春秋忠
恕之心故能用其信以敬天命而順其道以從王事
於江之右得不死者無慮數百人而再蒞茲土則合
境之內無冤獄蓋公之先族司成公以敬德稱於天

下世風所漸具有淵源而公復以其道用之祥刑也
書曰大史司寇蘇公式敬爾由獄以長我王國茲式
有慎以列用中罰公其無忝於斯也已斯錄之成豈
惟無疆之辭所以對揚 天子之寵休而光昭前人
之令德者蓋垂之永世未已也是役也公之屬吏皆
樂觀厥成某不佞復僭序其後俾司刑者有所考式
云

竹塘黃公族譜序

譜也者普也普列世業以定統也先王之治始於有
民夫民必統於姓姓分而有氏氏分而後有族族分

而有望望分而有房先王不能制其統之分而道其情之合也是故辨其昭穆奠其世系使史掌之又使瞽矇以時諷誦無敢失宗是以民莫不輯其育庶守其禘祀而重去其鄉叔向日羊舌氏之族十一宗使先王而無是奠世系之官也羊舌氏何以能合其十一宗而不亂秦人以意分民使天下多為之籍以從征役失民紀矣司馬遷揚雄號稱博雅且猶不能詳所自出而况他人乎夫民之著於籍以教忠也列於譜以教孝也夫忠不懈於從征孝不忘其所生者謂之友民別籍繁征而使民失宗無乃不可竹塘之有

黃氏久矣其人皆美秀而文敬恭而志約邑稱望族然而其源則出於華亭正德戊辰縣令黃君懿始會而脩之既官萊蕪則以付諸弟國子相國子乃秉精虔力位大小辨存亡合遠近而統於一也曰是使吾子孫考焉以知世既又三復增正而屬予為之叙夫國子顧不有功於其宗哉譜秩而分定其禮革矣是故逆推則祖有親順觀而子孫化德也官以叙顯世士以敷亢宗民知籍以事上而忠道覺矣夫民之知籍以事上也豈易能哉夫冠裳同委水木同源財不可以獨豐役不可以獨重明天子崇理綏仁使天下

各保其姓是故以公合籍而不禁民之私為譜也譜公而籍私名為合族而實已離何取於有譜夫國子與其弟通判懌方員顯世之望造士德賢九臯及族之後秀若而人又務大積以亢宗也立義莊設宗序使宗之人有定所以世其家予方有望焉則是譜也可不謂邦人之風矣乎

刻遊燕稿

來汝賢曰余昔治書龍岡之上浮峯周子遺余所著遊燕稿讀之終業曰才夫感遠情於流序舒玄思於續辭豈非博人之雅觀耶昔張衡研精於兩京左思發志於三都揆之異代夫豈殊情可謂善遊矣夫遊非任情所以理性詩非強作所以道情是故明內外之觀而後可以言遊矣達文章之迹而後可與言性矣通性情之德而後可與言詩矣詩也者試也所以試己之志也子謂無邪者不在茲乎不在茲乎刻此以復周子

少巖雅義序

嘉靖癸巳夏五月余過廬陵得少巖傅子諸生時應試之文若干篇歸以示新吳之校士諸校士傳觀而不給也徐生廷鸞况生國奇陳生堅曰曷刻以徧惠

諸余曰刻以徧惠諸王子生元周曰是非少巖子之志也吾聞子之為古文辭也駕遷固之史以畔岸而濯韓歐之文以江漢也以振芳天下而子曾是之知子乎曰夫鈞辭棘句之習興學者病聖人之言平近切實循而言不能入其詭且巧也立為說抑六經之言以就己意而侮聖人之言也滋甚孰知文之由道而達矣乎子之文因經以發志而依傳以廣義是故章而不畔於理質而不捨其華陳辭而不費說約理而精思文之有本者也所積厚矣夫子楚人也夫江漢南國之紀智者觀其沱潛亦足以知水矣又安知古

文時文之不同一源乎又安知德業舉業之不同一道乎子是之習也可以不離經而象說矣可以不棄傳而悖亂矣徐生國華陳生鷗曰吾為文若望洋焉吾將循是以登於岸也遂刻之

西淙郡伯入覲序

皇帝紹統之十年詔徵天下岳牧殷會於丁元朔如故事我郡伯西淙先生將以越治入覲維是越之造士凡九十有七人懼無以畱公也追而及之江咸拜而進曰於戲維我公駿惠穆孚葵時以發會通以大道而宅之以精誠稱民之情而明昭其施經物之紀

而裕其理官叙士敷史暇胥質烝於大廉彭乎治之
假也猶懼蒙之弗端無以昌毫碩心協於直方乃追
皇風為古小學立之師於是乎雅頌以肄鐘鼓以樂
之射御以觀之日月以攷之厥訓棘棘厥猷秩秩郡
自明興以來未之有覩也體化召順穆風熙日百姓
游於姚姒而莫不知其功天子方務崇長禮樂之大
夫以與天下飾典蘇則其誰復惠公以撫此黎且以
教我夫依德者殷政而親範者越思我何以為況來
子曰是不可以稽公也夫元侯之介於天子也始約
履於一方而終胙德於天下龐慈洵美將舉眾類而

務錫之使血氣之夫咸受其胙是故天子不以族仁
大人不為州賜公之涵濡于越者久矣天下之氓引
領東望曰庶幾在天子之所宥穆庶孚交相宣也京
鍾元呂眾莫不暢其聲聞吾胡為敢以已私故遲公
而邑天下之心不以時對道越之推使風注于群動
而况春官布法奏征髦日淮卜矣而隨公以行有
明道惠德之至者奮務貞公之教而以大雅震起於
時則公之心固自有繼也而何必以越稽公夫大同
者理旁通者情嘉合者道義孚者心隅守則理弗宣
族施則惠不湊麗正則勢遠而道浹撫教則迹睽而

心通而況乎未始遠乎而況其未始睽乎於是九十有七人克乎似有喜也曰公乎予從公矣

送五山陳先生復命北上序

京口作鎮大江爲南圻服肱郡山川鬱葱人物爽閎泉貨流行下連吳會寔惟根本重地 聖天子弘振遐風式固萬世每垂南顧之憂思得方叔召虎之臣鎮衛之以弼成文武之基業廼 命建行臺於茲土龍旂搖搖虎旅糾糾屹然爲京邑之廣瞻維時侍御五山陳公憲于南臺志凜霜雪威望衆孚英毅天授遂蒙推轂之選公慨然就道單車而卽之登北固之

城矚東南之勝作而嘆曰於壯哉天地之要區也其皇迹之所存乎卽日群吏民而約之推心寘腹期與更始國容眡令而動軍政象物而備小大戰戰旣底法廼汎舟而東下采民風布德惠惟瘼卹隱彰善癉惡一時知勇罄心姦宄萃面與凡雄楚博大之才悉羅而置之麾下分賦念以從於是江漢肅清皇路底平行旅宵征東南以寧彼都人士方倚公如長城而公以對揚 休命行矣時日協吉行李旣戒某職下吏式穀惟切謹拜手稽首言曰惟辟克宅厥臣惟臣克佑厥辟是故論德而授官者成功之君也量能而

受爵者畢命之臣也公以道承天子之寵命出勤
皇工入贊廟謨揚聲紫微垂光虹霓固足以昭近署
之多士而增四方之穆穆矣抑詩芄芃黍苗陰雨膏
之公今違茲土之民去矣茲土之民不以公違之去
猶引領以望公仁義在躬用之不匱其餘波之所及
則廟廊之功寔博焉詩云之屏之翰百辟爲憲不戢
不難受福不那此則區區祝頌之意云爾

送大郡伯三溪莊老先生考績序

元侯所以貞應夫天子者誠而已矣誠天之道也命
之德也研幾於獨唯誠故精裁化於顯唯誠故通誠
也者法天而一命者也精斯天游矣通斯命著矣體
用合一醇動以時庶類終始罔不保合焉天地之真
元由是焉萃而况於烝民是故存斯之謂天德發斯
之謂王道王道者天子之所以柄天下者也圭土以
昨元侯求柄之行也夫是故三年而上績繅就衡珩
歛諸京師以考柄者也天德弗純弗粹柄將弗行無
以待考雖有剛方稜介之節天施不融猶不謂之正
應以忝天子是故臣行君之柄隨其分土猶日之於
列宿各被其精以自照隨其分次斯無愧於應矣應
天之實莫如日日實也庶民唯星將不能承日之虛

元侯者求如日馬凡人龍受其賜是故能拱手以復
天子天子聞休且有元命孟子曰至誠而不動者未
之有也三溪先生以司徒之節按臨豫章登其平罷
咸與自新罔非實德焉無小無大則咸慕感以歌詠
之博愛博澤具有成績不特曰劉方稜介焉爾矣聖
天子之柄罔有弗正二三僚案皆共貞之朝堂論道
而下天施自茲行始矣惟茲豫章王道一方之驗者
也曰誠無心天下之正應不過焉先生是矣

送別駕兌山劉先生奉表

京師兼上績序

夫殷同時頹才哲所以紓忠升業顯庸皇工所以膚

職故慈流七宇風人陳其好述勞絕四垂元牧底其
初命斯蓋治人之遐則而律事之正機也承德郎判
潤州府事京城劉公宣猷四輔繪政三辰飛鷁蘭臯
沃轡若澤其於使民可謂玄履矣維時 皇帝教貞
中治選慎上宮禴翟再暉宗寢允協春官乃下令徹
邑率舞庶工於是中憲大夫大邦伯四明陳公列議
於衆謂茲郡作鎮大江受胙元甸振風八表則南國
之要紀焉率儀分臣則二京之廣瞻焉遂及公行陳
表於政事之堂取幣入錫昌辭願忱而公夙諳嘉禮
并情亟趨三月二十有五日度江之陽迺建龍節樹

驚旂敦虎旅擢鯨舟順流而北士女獻頌壯穉喧留
亦迴波垂睇感時忬言臣事勿違王章內斷公其將
誰從哉非夫致曲務仁盡於物變者孰得而蹈之非
夫端謨攷衷遜於世業者孰得而承之公始爲諸生
時藝折九流學綜五際鄒魯之所約思韓齊之所秩
議罔不績其鴻旨程于正衡及乎賓籍興才寘之高
等賢關齒胃蜚之穆聲太宰上其資業 詔畀以股
肱之郡公旣下輿推誠悉民遜心問俗於時江流汎
濫敷入南疇六黍鮮收百堵竭積公迺下約緩其宥
徵會其新賦直經衡緯靡有遺神故上無督催之吏

下無告病之夫閭黨熙和宋士胥悅聽事之暇援琴
楮巢披圖藻室書契以降咸自讐正耽精三古之上
齊志萬物之表穆穆如也至於春冰之競赤鳥之履
圭璋栗其官治璿璣聯之俊游則雖巴祗之不然官
燭裴潛之不攜胡床何以尚諸夫考之豐猷旣如彼
推之宅情又如此司勛受成太史辨敘方國推善
內廷知名固宜其去檐露冕以章有德錫善受服以
宣惠和也然則鍾彛黼黻之選非公其誰邪夫懷遠
而流盼者君子之不棄故民也申惠而嘉合者元夫
之不忘舊吏也縣令汝賢與其簿濬忝司下邑拜公

貳車瞻依有嚴愷教惟切義旣衆孚情亦獨至庸效
贈言之意以祈公之母遺云爾

送沈青田先生歸山陰序

青田沈子少負其氣憫世之淹濁激衷宣行有古史
曾之節四十舉於鄉校入太學國子弟咸推上沈子
又十年謁選天曹爲留都南司城雖敏力宣勤而志
弗衰其所養者厚矣司城主搏擊弗義以靖民奸奸
入于勛右主事者徃徃弗能索公率致之又臺省常
以公符亟召沈子沈子斷以義義弗可間間然道之
莫或沮撓由是直聲震于留都然人亦以此不安沈

子矣考績績成通判南昌府南昌治隸省民敝敝焉
弗給于賦沈子煦然以撫字之心翼之賦成而民用
不擾上下咸宜蓋異用也越二年 朝廷以優老之
制逸之沈子曰是殆吾志遂歸于青田之野雖博大
之節略見設施而用終弗竟矣時巡撫高公方獎進
沈子巡按李公又惜其去檄治役送其行多所稱道
公道昭甚亦何負沈子哉夫山陰有金庭桐栢之勝
鑑湖蓋賀監之家蘭亭則王逸少之所樂志沈子放
迹其間無愧爾鄉之先修則可矣進則行退則止無
所擇而安之者命也夫沈子豈爲是拘拘者哉以贈

沈子

送鴻臚李君遷麻城少尹序

爲政者道民以禮禮行而後分敘分敘而後民知尊知尊而後能讓能讓而後能遠罪也是以君子貴行禮焉以家禮教敬則民不偷以鄉禮教悌則民不犯以軍禮教義則民樂死三者禮之大者也是故君子觀德以立儀明度以著節治訓以廣讓君子之行禮也親于家而志可厚也和于鄉而族可類也肅于軍而法可正也是以君子貴之夫禮非強世原於人心心理文著而禮生焉人所同也君子因同以律異是

故以禮道民不私其身進其行不遺其俗凡以教讓也讓道著而禮行禮行而倫清紀法章則天下治故曰能以禮讓爲國於從政乎何有李君者登封之禮俗也大父某公旣還政以禮教其鄉之人鄉之人罔不變可不謂悌乎江西之寇至乃父嘉善公率民兵以軍禮死天子憐其不貳難也贈爲令於以君以長子廕爲國子也可不謂義乎育之十年拜鴻臚惟朝廷之儀是習是閑可不謂約乎舉是以令民也民則有瞻矣上下和同從容有常以輔其令民其有不興讓者乎君行矣君始終以禮自處也而民其有不以

禮處君者乎乃行

姚侯獎序

聞姚公爲節推于潤州之二年而大有著稱按部諸公廉而得其狀曰是可爲司刑者勸矣遂獎之移文於郡者凡十每舉必張於庭其屬吏咸造用幣焉禮也禮舉有觀而榮之者曰美哉我公之得獎於按部諸公也其懷矜剖疑破堅伐幽有以平其政於郡之人哉來子曰然然而未盡我公之美也口聞公有事於四郡之祥刑矣今我公之得獎於按部諸公也其持衡懸明踣姦糾亂有以平其政於四郡之人哉

子曰然然而未盡我公之美也曰然則我公之美烏乎至來子曰刑司寇之所官也而六卿之化理具焉聞先王用之以上能矣是太宰所以統百官也聞先王用之以弼教矣是司徒所以擾兆民也聞先王用之以降典矣是宗伯所以和上下也聞先王用之以糾守矣是司馬所以平邦國也聞先生用之以申溝瀆澮池之禁矣是司空所以時地利也刑也者司寇之所官而六卿之化理實具焉若是吾姚公雖以刑爲職以茲推爲官未有六卿之貴而六卿之所爲具今是獎之也非以其以德弘猷深藏大積將有以平

其政於天下之人哉曰我公之美綦至矣抑何修而得斯於身何施而得斯於上之人也來子曰噬嗑先王所以勅法於天下也取威於震取明於離若已矣而必戒之曰噬膚滅鼻曰噬腊遇毒之云者何爲也記有之曰刑之例也例者成也一成而不可變故君子盡心焉威以威之明以明之然而不盡其心猶之伐匠斲其有不傷手者乎我侯之司刑於斯土也有震之威有離之明而又能悉其聰明致其忠愛以盡之可謂有君子之德矣斷其獄弊其訟三年而職聽於朝有康侯之晉焉則茲六卿之蘊將必可以大行

於天下也昔陳平宰里社分肉食甚均曰嗟乎曰使平得宰天下如是遂因魏無知以進而孝文皇帝卽天下竟如其言佐帝致太平夫刑民之司命天子側席求賢殆不下於漢之孝文而諸公之知公也深於魏無知異日進而宰天下則公之所為將進而有臯夔之望矣斯役也大邦伯曰明陳公實主其禮而某等與有執事之勞邦伯謂令某曰今爾序諸爾同年進亮若棊爾又所深交也爾盍序諸某曰公在上諸僚友列於下愚小子其曷敢序諸邦伯曰今爾勿辭爾其必序諸於是乎序

贈縣尉王文質獎序

維昔先生懸次字內選建眾職以惠烝夫是故位其
尹正承其丞辟參其領簿使尉輔之各有攸守非以
徒祿而已故政務有經大小相承合謀同情以期駿
庸故民樂其不貳而安其分理也其後人各行意趣
好不齊紕繆於政以不昌達令至集所分懸斷諸已
豐其表畛以相猜嫌眩其明察以相務耀飭其容禮
以相崇卑胥夫嗇人惟令所向朔月不敢眾見於庭
召不敢往見於第丞最進令且猶有哦松之嘆況其
况者乎夫負重而趨百里無輔則止畏其力之不前

也故曰惟暨迺僚罔不同心以康兆民予始至縣知
縣尉文質之可與共政也忠心而聽之凡事既定議
推與理期而績成無不獲者官役之恤可以知節暮
夜之勞可以知勤楮幣之慎可以知廉鰥寡之達可
以知愛予於是喜而推愈忠也皇監史成都李公廉
得其材三試事而三效於是崇以獎禮檄予張於縣
庭以勸能者可謂榮矣夫官不在崇卑惟其稱迺文
質之行則有浮於位者矣即使益嚴其所以自處者
其進固可量哉予於是感皇監史之不遺庶官嘉文
質之能同心以共治而又私喜予之與人共而不失

也叙以歸之

贈朱朝儀義合序

余不喜世俗交以長揖待天下士久矣胷中非有老劍之忍狼子之心花色之麗與天下偃蹇也寒壁之立弱柳之操機兔之獮與天下鞅掌也高城之傲猛獸之瞻炎光之抗與天下聱牙也天下之士始若反焉而屬手論笑好有雲龍之美誓吐肺肝指以天日之照脫匪其情則胷領上下羣非芒刺戰氣凌雲者皆是也故余至成童來長嘯高視桂屋之下尚友聖賢紫陌之上匹馬風日而方畧之畫治化之經金戈

一麾日月以正之幹有岸然雄挺於天下也已丑八月予定交於會稽朱朝儀其陽和逼座豪氣橫出隱然天下一士而東南間氣山川之英萃焉使人望而悅者若春花嫣然秋月濯然凱然惠然也其開口持論辭氣英發謂天下可易治勲業可易立而王侯將相可易得若決江河龍翔鯨躍鐵騎突出橫槊指劍也其文章雄放旋乾斡坤摘六藝之芳振羣言之澁泳帝王之書以瀾厲駕遷固之史以畔岸濯韓歐之文以江漢若慶雲瑞日穠鳳嬌龍壯濤峭壁大玉良金也摸其胷則忠信之性尤至而某之肝鬲志氣亦

與嶽立天地誼好之悅洽於肺肝辭氣感懽願從生
死也嗚呼士窮乃見節義君子之交貧賤其事體遠
眾人不容言也夫苟使余以攀龍附鳳畫策以收山
河之績橫劍躍馬千里英氣入而論笑廟朝仁風義
美赤子之參山而海外來王則與朝儀戮力同務相
勉成德涅之而不淄也或不幸而天以全節皆昇寇
虜滔天以犯國家之順怒擊於目胷中憤鬱蹈白刃
以伸氣為帝者之重而蒼黎以全禍患以偃則與朝
儀誼膽之奮務廣憂挺身抑之而愈尚也或又不幸
而天與戎夷奉國以身任天下之大堂堂言行啟讜

百蠻以至北虜狂冒而要南才解纓組以問治策正
氣之吐日月爭明則與朝儀直道之率務協心從事
守之而不枉也朝儀生於癸丑余生於壬戌由以義
而合者也故又親之曰兄弟云

叙鄉會

夫君子之貴鄉也重本也是故會以道情情以立愛
愛以協義義以兆同本植而眾著禮矣夫仁所以合
禮也先祠而後饗饗而不燕羣而不私可云厚矣豆
觴之間不盈尺期至不速鄉之情也君子之為禮也
始諸州巷之間而已未有蒲於其鄉而厚天下者也

故鄉也者嚮也天下之所觀嚮也會胥而嚮定君子
可以行禮矣去國暮年見似人而喜越人之性也而
況並履於天子之都乎夫禮本諸性效諸情情感而
應有弗油油然者鮮矣是會也童子有徵為之倡夫
童子亦重本矣夫

張君耆壽榮封序

皇上至孝因心大禮定矣卽詔京官官一年者咸被
封典以廣孝也乃監察御史鳳村張君及其父母之
耆壽封如其官來子曰樂哉有子而至於斯也哉具
存為樂耆年為希大封為遇繡裳為寵備是四美者

鮮矣而今何以貞天休也哉事天惟仁事君惟忠事
親惟孝孝也者仁之端而忠之質也 天子仁孝立
極粹然天地父母之心鳳村酌天施而下之奉 天
子以事天也事君如親事天如君仁孝之德四達不
悖而不過物其忠至矣為其親者其昭有令光矣乎
孝以成忠忠以盡仁考祥者視其履而已矣

胡翁章令並壽序

胡子正夫請學於南圻在嘉靖之八紀願道而遂知
緝躬而令天下之學士樂群焉凡所獻陳惟忠惟孝
既乃貽書于謝子廷試來子汝賢曰來乎夫懷居不

可以迪吉迂類不可以近仁謝子遂及來子以往胡
子臨教之有兄道矣歲十二月二十有五胡子夙
興冠而出東望重拜已其容濂濂爾問之曰惟天燕
及於予父惟六十年於茲惟茲當辰義也逝而害敢
康賦竹竿來子曰思深哉惇而不荒勅而約孝子之
志也可謂善思矣謝子曰翁以是日生乎遂謂之賦
陟岵胡子曰瞻望之人矣且也明年之交十月二十
有四日惟余母當辰惟秩年於余父義也及歸乎來
子曰申喜也賦七月之卒章釋奠之明日謝子及來
子歸往見翁言胡子之請學也且告之思翁曰何哉
夫忠孝之播也夫孝思之成也孝以命忠忠以廣思
是故思禮則履思政則刑思介則隅思節則真思惠
則綏思毅則夬禮政節介惠毅六者君子之所以孝
也夫然故行成名立而親有顯德焉思之至也抑亦
惟六思之務而余是爲來子曰賢也敢不服伯父之
訓辭以承余父再拜受賜而歸謝子曰詩云樂只君
子天子葵之慈孝之謂也胡子以是請學焉 天子
且有昆命賦采菽以俟

贈潯州別駕王公八十壽序

余爲吏華豐之間道路區谷鮮往來其東去靖安三

十里四明王子時爲其邑簿政相通而鄉相問也其俗頡頏不受長吏約束恃其鷙性至庭下嬉言如巷居無官民上下之節謂來子曰惟是民不中度非函氣受性有殊將由政生事在詹印而已詹印有道從容有常以行其政如是而民不受表也者吾弗之信也已昔吾君子之爲靖江也齊之以達毅而民莫易其法其在南城和之以宣慈而民莫違其愛故理人之端介爲之本惟劄惟桑則由俗而已鄙人無才寔有過庭之訓敢忝所生乃治蔬圃於簿廳之西時之以自羨也於是民知其情率相告戒毋犯侯人王子

敏於集事而質於蒞情凡令所不能直者咸決諸簿易歲而境內稱治來子聞之曰王子可謂能道親之澤矣夫古之君子其德慶者其澤長王子不惟已聰明之務而移翁之政以治民是以其親之德爲壽者也過人遠矣今十十有一月翁八十初度王子將歸酒以遠祝也因道王子之所以壽親者歸翁翁知而亦自壽也夫是爲序

菲泉先生存稿卷之四

菲泉先生存稿卷之五 書

門人 丹陽姜寶刊

歸安茅坤校

附錄 獻功蒐錄
何汝敷 重校刊

上二槐沈先生一

某往歲以問政揚舲鏡水之濱迺辱不鄙儼然臨教
之其間風俗異宜柔剛殊用凡諸已試靡不容承而
明公之賜過於百朋矣福地南歸百姓思明公之德
者日惟引涕于途遂相與咏歌駿澤寄思甘棠而父
老之敬事從遊者則又昌言宅中之寬蔽獄之恕治
繁之簡擊豪之嚴與民節財而不忍徇人以爲惠以

法相守而不能失已以爲恭故其民蓋之如天怙之如父思之久而愈不能忘也汝賢於是益信明公體用之學而幸師程之有人矣所恨質愚性妄而又無學以充之故發而臨民雖欲有所作爲而進退緩急之間鮮有能中其理者古人謂識量不可強又安望如明公之致懇惻而有條理哉移縣至此作勞萬端日夕警惕無以自遣竊幸密邇臺端可以聞教庶免大戾以復厚望耳惟明公其垂神焉茲用舊東茅君北運之便顛申問安之敬不腆菲儀用以旌敬萬惟台亮不宣

上二槐沈先生二

某伏自下邑側聞滕風雖瞻德之念不敢後於封人而臺省清邃叅侍未由感情隰桑咏以自況使者至出瑤簡相示某受而讀之其辭溫焉若平生夫龍門所登士猶增氣而况大王良金照耀千里者哉感固不足言也邇來道體西福郵中凡再接令郎先生其容敬而不失其履端而不虛其器深而不測其辨博而不浮寔慶門之所珍而明庭之宅俊也後還辱賜書侑以良史獎論過隆殊非所堪某於是益用感中而自幸其身之不見棄於君子也茲因簿濬南運托

問安門下不腆菲儀用以旌敬臨風南睇無任心馳
伏惟強食爲士類倚藉不宣

上六峰李公

某伏自癸巳拜違台顏嗣後碌碌於舟車簿領之衝
靡有寧神常欲馳一介致瞻仰之私而冗不可得悚
罪不任每中夜露行望星漢表而盛德光光乃奕奕
在冠弁之上蓋古之志人思以其身自見于世者得
人一言之溫一字之益猶終身不忘而况容成稟度
既教於筮仕之初飛章寵辭延聲於朞月之內錄其
迂拙而期以中道者乎某不韋誠不敢望於志人常

恐日月易流道殖鮮收無以仰稱門下勸責之意故
自調職以來勉守官箴不敢怠荒而家父時於寢興
亦必纒纒以無負獎掖之厚德厚恩爲誠顧志遠質
迂不知取裁而一時意見之吝思又足以爲吾真宰
之累常愛張天祺在司竹治盜筍之卒正色罪已待
之如初所謂心無偏繫得程門之深者而某真有所
未逮也維門下開示奧極明誨以成之萬幸萬幸去
歲春聞天道無知不慙遺棟翁以重我門下孝思之
戚卽欲修辭致奠而事如蝟集維日不足荏冉以至
于今死罪死罪令親來又辱手教提誨之諄稱獎之

過感媿交集何以堪此緣述職之期迫在旦夕不能
祇修寸楮少露私衷所命已有區畫而令親與舊館
人猶相縷縷竟虛教命近得邸報冒在取列蓋門下
明揚之典不遺樗櫟而司國是者觀風之采遂及菲
葑耳然則門下錫類之仁豈曰瓊瑤而已哉夙夜矢
心佩服明德嚙環之報不足喻也將治裝北趨引領
粵雲萬千瞻戀敬此問安門下不腆菲儀用以旌心
并帛一端奉之几筵望爲貞告外棟塘七問曩在貴
溪道中屬稿謹載拜以獻餘惟節情加飡永綏繁祉
榮懷之休邦家胥慶不宣

上瑞石江公

某自束髮時卽聞海內有瑞石公忠肅而哲宣光明
而慈惠華夏咸比之爲臯夔常欲正冠容瞻依於太
岳之旁一睹光範以慰平生而未有繇致竊伏江隅
豈勝傾仰長得侍亶爰函丈於京師凡所開示莫非
淵源卽乃從青門遊又得聞德言之一二以爲大訓
是某雖尚在宮墻之外而觀德聽教之心已非一日
矣夫華夏貞元之會千載而遇一名世猶想聞其風
采而况居之相近不及百里者乎此某之所以瞻望
有嚴而未嘗敢怠也邇來道履萬福 聖明在上日

眷不忘某當敬候龍節於河洲之左矣近得郡主陳
實齋老先生所著溥天澤錄刻諸梓而欲仰賴文章
道德之宗師引重一言以光簡帙幾欲筮日遣吏伏
謁貳車之下而未敢率爾茲承青門惠顧敝邑請為
先容伏惟門下俯念亮其素誠而終惠教之不勝寵
幸

上歛齋蔡公

汝賢伏自蚤歲已仰芳聲江漢懸思末繇瞻侍每因
良辰望風引領去歲補令奉新因廖東溪年兄為之
先容計得望見顏色於聽事之堂而舟過吳陰德星

未至迴詢津人悵然而去不謂敝人迺遂得以職事
承大君子之後奉檄忻幸以為奇事癸巳玄月辭近
村老先生於康山道門下之政惇肅貞慈竟內神服
謂宜恪守成畫以須後功弋陽按察柴公則又深慮
此縣之繁而極談門下之庸敏惠忠篤而不厭其議
論皆天下之務而得其精者汝賢蓋退而喜相承之
有法程也十二月至縣父老庭見稱述仁義喟然興
嘆汝賢聞之有感于是銘其堂柱而朝夕遊省焉所
恨質愚道遠奮策未前譬彼夸父之逐日形神雖勞
祇以自耗而無益于民事之毫末為有罪耳皂人歸

自京得手教拳拳如見門下矣玉省清嚴珠章論列
而由衷數語乃猶不忘後來之末吏如此則固宜乎
遺民之致其勤思也感何可言甲午六月聞仙舟且
至汝賢喜以報諸生及群吏及十二鄉之耆民莫不
延頸以望思再被神君之光而門下已揚舲於大江
之流矣事滯宜興不能奮飛此後常欲遣一介遠候
珂里而車舟簿領之衝日復一日竟爾遲失徐州詢
得從者之便敬布腹心草草尚容顛訊候請教益也
伏惟門下察其夙宿之忱而垂神亮焉不宣

上實齋陳公

某伏自奉違台範望年於茲風雨昕晡實切瞻仰夫
海嶽何私潛植同被而膏潤所漸雖鯁鯁樗棘之無
知固有獨能領其造化之深者歸功高深分所宜爾
星斗瞻回固未嘗一夕而不在冠弁之上也恭惟

聖明在御賢哲奮庸而臯夔伊呂之任又海內之望
歸焉者某維日望方舟之來冀得以朝夕摳衣門下
耳某今蒙恩授職方主事志浮識鮮未知所裁矢將
日守老先生平日之訓辭以自砥勵以求不忝於門
下而未得知得遂此願否也不宣

上靜思張公

伏審大介豫定爾雅不群鯁邑布德則烝人湛其露
慈龍袞獻言則通宇瞻其風節凡諸紳黻靡不欣承
而况受知之深如某者哉敬服敬服邇來道履何如
熙日樂親莫非至德達人遠覽夫豈世情忠求自盡
道求自得而已爾此某之所素知於門下而他人或
未之及也如何俗冗不常愧稽奉候茲特遣吏代申
問安之私惠山靜處造詣益弘幸推餘潤以澤顓蒙
千萬漸寒茂時節宣爲國光重不具

上龍門叔祖

比來萬福相別逾年始得奉承顏色真樂何如而遂
忍心東向是某之輕徇外人而薄其所厚者也罪何
可逃承歡之下不知曾爲洗刷此心否草木何知望
加培植然亦須相時而動大要只是明其心之無他
前日出于一時感觸之情而今日未嘗忘悔過之意
耳其他心迹與夫一時之造言訕所以使人地震怒
而終不可解者則尤望曲爲之辭而深爲之辨也雖
然昔者曾子爲人何如也三至之讒其母投杼而走
矣而龍門不以爲然不惟不形諸辭而且不逆於心
是龍門所以愛我者過於曾子之母也向嘗與子春
論及莫不以手加額雖然非敢爲佞也感知之深而

不可已也必舉以爲言所以待曾子之母者淺矣是又某之罪也

與周子亮

八月十四日始至安陵舟中眷顧時用於邑諒彼此同情不言可知每念與兄相知唯道義之故不在情好乃今不免忽忽若此豈情好之篤因道義有殊使人不可解也柰何柰何別來如何用功爲學之道只在此心更不容他走使吾虛明之體真能不累於物欲則感應之際當自有可觀者紫陽所謂闇然自修要在默而識之不在言說真平生最得力處也吾兄

完粹之資其得於天者亦已近道又喜自束髮來曾不爲世俗一切紛華之事污染卽此敬修可願不忘其初閩洛之風雅可尋也幸善自愛所觀游藝諸書請且捐去宋儒精要乃在近思錄中直是滴水點凍不可不三復過也如何如何少嚴諒已入楚矣渠途中想亦是自有所得不知如何愛莫助之日困懸望廖某地切同官當道吾元所以屬望之者弟迂妄可恨言尤行悔時常有之近亦稍自省克求不愧於吾兄然不知當作何等人也兄寓近在何處呂年兄亦時時相面否弟當十二月初旬赴官前此尚留越中

幸惟惠教以慰遠思不一

與包子同

子同足下來諭風氣日漓士論不立昆玉大雅不群
動輒取訕於時輩是以雖有高明之見未敢出以語
人誠然誠然又謂近得不肖相與倡和真一快事則
不敢當耳雖然雅意不敢虛辱請遂以不肖一得之
愚未敢語人者為吾兄一言之惟吾兄惠教夫自王
道不明人失其情士失其學功利之徒外假天理之
似以濟其私而內以欺其心其辨言浮論未嘗不欲
達權趨變以自托於君子之中庸而其隱微幽獨之

閒所以退藏其用而極其心思意慮之詭者則曾不
足以及肩於鄉愿之門墻而其合世同污罔利懷居
固有穿窬之所不忍為而彼方且日孜孜焉用以為
裕圖奇訣而力為之曾不思夫天之所以與我者未
嘗不實而陰賊嚙齧極其所之必至於傷敗彝倫離
畔君父而莫之敢天闕蓋自周衰以至於今天下之
弊日入於此此風氣之所以日漓士論之所以不立
而禍亂之作所以相尋而不已也所幸天理之在人
心未嘗泯滅而豪傑之士閒或挺生乎其閒其措心
立意思欲守其孝弟忠信之實理以求不詭於天下

之經而不能自己者則其見諸行事將必有廉靖清
修之節圭璋特達之行以自遂其本心而不忍苟羣
於末風使吾夫子遇之亦必有斐然成章之嘆而裁
之以冉閔之科而顧誦言速謗羣起而攻擊之是固
心迹判然邈不相入如雅鄭朱紫之不能聲色同而
勢有不強者則彼之所以誦言速謗而私惡憎於我
者乃吾^君子所取以自考其明道修己之實而吾心太
虛之本體昭明靈覺疏暢洞達誰毀誰譽真如飄風
浮靄之往來於太虛而太虛之體未嘗為之動也如
此則又何毀譽愛憎之足以膺其心而自降其志自

辱其身自沒其實以免於眾口之囂囂哉但恐執德
不弘一毫適莫意必之念或得以潛伏於胸中而不
能出則吾之所以明道而修己云者未必不至於認
客作主而此一毫適莫意必之念反足以為吾太虛
之障蔽是以道遠莫致而吾方抱其一隅之潔以自
安如東漢之季李膺范滂之流高爽峻潔各相標置
其意氣之所感召風聲之所披靡非不足以廉頑立
懦而庶幾託迹於伯夷之清而其所以卒至於踣困
顛蹶以身質焉而卒不能化小人之包承而用其儉
德以成天下之務者正惟跡之太露論之太銳在我

有以致之而千載之下使人猶有遺憾焉則彼譏訕
之來吾亦無庸知其是非得失之何如而皆吾砥礪
進修之地矣孔子之所以有取於狂狷者非狂狷之
為是而實望之以中庸也聖人以中庸之道望人而
吾猶未免踐迹於狂狷之路求諸吾心豈非得其性
之所近而姑為其次者之過乎抑亦閔時病俗以忿
疾夫外假天理之私似以濟其私者而遂置吾聖賢
人之中庸而謂是狂狷之行也為足以振起薄俗而
惟吾力以為之乎夫聖人之道剛健中正純粹至精
不過乎物而物不能違譬之日月星辰之懸於霄漢

曾無容心是以至明極察而萬物莫敢傷其明使吾
而不免於狂焉則是猶有狂之可議也吾而不免於
狷焉則是猶有狷之可議也吾有可議彼從而議之
則彼之所以議於我者乃吾腹心之實病根據於中
不自知覺而賴彼良醫一朝之力而後攻發之也是
則其為益莫有甚焉而遂夙興夜寐隨吾良知之本
然而致其精一之功默而成之不言而信則其性情
隱微之間而反觀內省果無一毫之遺恨雖君子之
正誼明道本無先獲之心而義理所同物終不得而
蔽之亦將信其為君子之中庸而譏訕亦有所不及

矣他山之石可以為錯而况人心之善乎孔子曰斯
民也三代之所以直道而行也蓋君子之為學非以
求異而所以率其民彛物則之同其待物也非以求
同而亦不能掩其好惡是非之實人不愛情亦在乎
君子自為而已是固吾兄倡之而使賢之和之者也
說有未安不厭往復

與孫右文

為別亦幾時耳懸望之私累形夢寐柰何兄不于灣
中一泊而使我無侶也兄近日懷抱何如悲傷之餘
尊體不太勞否兄純心至孝乃弟所知前日慶壽之

悲所以用其慰解者尚有小弟在也今老伯既已悲
傷年嫂夫人當復以哭泣主朝夕之奠誰為兄舒此
煩鬱者每一動念心神俱飛雖然願兄以弟譬之弟
為諸生時老母即已見背矣痛毒十年始得一第尚
未知幽冥之中能知與否而伯母乃從容善養聞捷
而終兄雖有無窮之感而視諸弟亦可以寬毫髮矣
弟既與兄越遠不得朝夕聚了如慶壽時弟有失德
或處事有不合義理處兄即宜惠教不可遲緩更望
兄據經守禮以為鄉邦風益務涵泳停蓄茂經濟之
猷出而輔翊 明聖以吞臨軒助理識時之問則同

榜有光而弟之不才亦可以考德而問業矣千萬千萬舟次嘉禾理宜奉哭伯母且宿約不可虛第弟有汝工之戚急於東歸終鮮兄弟兄所素憫也惟照恕不宣

與舜才舜卿

穎川不得奉別心甚不寧途中不偶不得計日以報以此知昆玉之懸情於我也承庇通籍仕途計得以微祿養親勉盡平日之志不識如何有所見望不吝惠教千萬日用工夫不可一刻放過時時提醒此心可也古之為學者莫先於辨志提醒此心即是辨志之端舍此無志可辨矣戒謹恐懼即所以辨志提醒此心即所謂戒謹恐懼也如此則欲念從何處入又之尚有不言而喻者未可輕以為語也人行草率附訊餘種種惟心照不一

與茅順甫

九月二日得賢弟上第之報而修撰林兄適飲敝宇相與傳觀蒙以為間世之珍也願納交焉明日諸生賀於庭下山人沈懋學氏特人問訊又明日過賓舉觴寮友樹旂輿人皂人以曾及迎送識一面為幸賢弟文華迺邦家之光而餘照所分先及鄙人如此豈

不欣躍然鄙人知君乃在毓秀之樓誠不待今日而後決也潘弘回言不為魁解賢弟甚不樂燕琳趙啟世不易售實過其名才士之福卽此二端可以自解矣

與姜廷善

昨過常州訪昆玉不得見悵然久之惟與楊子同坐虛亭而已進謝文宗半日惟談清才喜不能定云考卷爲錢黃門乃郎持入京矣抄本亦復不見過蘇當取諸京師刻示人士又言新昏之後得此雋選亦奇事觀其氣象當爲翰苑自來文宗垂情文士未有若

此之厚者尤宜痛志用工宅心勛行爲宇宙全人不可忽忽度時也家中無事卽宜赴館樂羊斷機古史所稱千萬刻意致功毋或二思虛廢景光滄山之行足爲明鏡然於此消克得去亦可以析理欲之分而辨義利之端其緒餘又足以爲養身之助過承相厚輒露其愚望自愛重姚年兄獎勵文代賢一作必如溥天澤錄敘方可萬勿戲爲六朝也相會尚遠各努力明業不備

二

廷善維揚霑襟賢甚不安宇宙許大豈必促膝為懽

耶賢所以妄意高明之宰者正係此思耳仲宣其曲
圖之考貢事亦一機會文宗多留情首選親老矣功
名之際順則行之固不可乘時追射而懷幸得之心
所以守身也又不可當機故避而取豪傑之譽所以
事親也守身事親二事一道願合觀之千萬

簡眉軒誠軒伯舛二父

秋來白雲時興瞻望日切境內大旱承上官相體得
作玉傷可為一濟但近來氣體不佳鄉人絡繹殊無
善况耳然最可異者雨後苗榮高下青青似有粒食
之望慰甚慰甚北音仍舊此缺尚未補書來者言有

留以承乏之意而梅谷蕭公知之亦詳但遠方小臣
終鮮援助恐為有力者所奪寄信討官人猶以為舛
也况不寄信乎姪思丈夫湏於此等處立得脚定不
妄隨人得之不得委順于命庶將來有受用耳蘇公
謂臣雖至愚不敢由它途以進大哉言乎秉以為訓
昨報陞同選休寧王兄戶部計吾輩亦只在八月間
有消息矣恐記念敢吐實以告

簡眉軒伯父一

羅工部到縣六叔仲莊曾出與講議否此非常人母
相失世間惟有講學一事不消畏人非笑却畏自己

有可非笑幸轉道之家中百事諒羅垣自有處坊牌
亦何須苦苦要蓋世俗所榮道義所辱兒童所憐識
者所鄙君子慎之賢今日之事豈忍神揮電閃求能
吏之名惟有興學勸農振貧安富而已陳四歸草草
餘須韓十四來時詳布寓滕閣姪汝賢頓首

簡眉軒伯父二

書來仰見眷眷尊懷莫知所報惟有洗心修吉之途
振風喬木之表始為不辱知己耳言謝則虛物酬則
菲皆非所以待赤誠尊長也非佞非佞世情乃爾翻
騰倏焉春融忽焉冬烈若難乎為處然自有天地以

來兩者循環則然矣誰能逃之君子定志不眩於俗
譬彼浮雲付之一笑而已若失己以徇人日亦不足
吾亦何為勞勞費此正當之精神耶古之人以標名
青史為望豈閭里所能表揚老伯且姑息此紛紛者
勿論可也卜居事實以無力不敢過想有福分者任
自為之賢只求短椽數楹日可讀書夜可安寢足矣
王謝之堂今復安在午橋名姓亦已屢更老伯且試
思之何如石厓叔公言言至論教我愛我者深矣一
鶴之托半年不報可乎今差人往海門得其二留一
在此蓋千里應和九臯聲聞願隨風翮共濯青昊耳

固不敢以琴鶴自許也在此喜妻柔女順弟悅子嬉
甚得天倫之樂所恨德性未純動多謬妄服食不節
疾每發生常勤老父之憂益重慈堂之思耳家書父
東大備不及一一

簡眉軒伯父三

遠辱惠顧真見至情而姪日夜奔馳曾無一隙之暇
膳羞寢興殊失問視且風雨歸舟三僕蠢愚豈能侍
直汝賢萬罪萬罪到家想小大俱安可喜可喜父親
康寧不勞過懷昨戌時得一子名曰令生父親甚喜
茲姪以武舉事赴蘇望後可歸十一月朔可行矣囊

無資斧柰何然此迺是好消息迺伯父所深望於二
者敢不益勵清節爲軒然一大丈夫乎鄉人相會可
吐實情 聖明在上自有公道固不在區區書帕問
也于嘯愍清風兩袖朝天去免得閭閻話短長之句
伯父以爲如何望思之五石別時甚愴忘分之交海
內所難對酌焦山潸然涕泗汝賢謂某於老先生迺
道義之別不勞若此五石亦抑情登舟蓋在彼則宜
鍾情在汝賢則宜正色而對也僚士甚服汝賢之不
阿二弟致意不宣

簡眉軒伯父四

將趨徽州辭巡撫晚宿僧寺相思爲勞且自滄洲先
土去後不得一字道里日遠我懷如何地價已還南
屏叔祖然終非定居况事無下落而水南叔祖日以
後價不足爲辭作舍道旁竟當何似此惟渠可以自
處之朝以處夕以償不敢負也處而不得猶當割地
與我承受不當置之終不處而已也伯父其爲我籌
之東洛之說想是戲談不然何以久不見報今此處
資斧已盡入京雖有相知在彼然干聒太多又不償
息恐盡叔姪之歡當別借以資用家中之租東洛根
本一粒不可動也汝頤姻事寔出天緣室人子不以

所帶釵爲吝懽然承其意似非婦人常格且撫之同
於會生衣服飲食無少差異我心樂之積病爲退然
非可以語人惟伯父處可言之耳姪入京不知何官
倘得如所自欲明冬決覓一南差稱觴叔祖母膝下
且期與伯父鳴金伐鼓呼月西湖不知可遂此願否
蘿垣老叔之喪已及大祥墓想有宿草矣何時以隻
雞斗酒哭其墳土乎餘情萬種不能一一伏惟神亮

簡眉軒伯父五

伏自雲陽解舟千里感德每食不忘到京日與十六
叔父講頌以寄所思諒彼此同情時常一念及也雲

陽行時士夫民人塞道相送厚而有文汝賢揮斥包
篚不令近舟而惟與一二生徒談論達京口故贈詩
者有魯恭不止留三異劉寵何曾愛一錢之句汝賢
始自慰其三年之勞而感伯父月下丁寧之誨矣詩
聯可令李海刻置小軒此盖于都憲之盛心也豈曰
好名良感其意耳入京盤費甚大只得牢守不欲問
有餘於人此譬之魚之飲水冷暖自知而已以虛名
論之當遷顯秩然而非所愛也惟求清淡衙門讀書
養性以須大成耳此言已定諒可從願伯父以為如
何

簡作泉弟

前奉一書覽否清霄見月白晝看雲無時不在懷抱
也柰何比日新湖叔父萬福汝百亦宜南歸承顏之
懽燕喜之樂真兼得之比之舍其田而耘人之田役
役異縣譬之魚鳥軒翥斂翼自投他籠而不得遂其
江湖山藪之思者得失可知詩云夙興夜寐無忝爾
所生當時一諾之輕其失已至於此矣庶幾夙夜則
亦有可免者唯求進德而歸以贖不孝之罪而又不
知何所用力也王子博雅可處近日所作又覺切理
此雖不欲認為已功然亦可以因此而自免於坐食

之嘲矣如何賢在此漸為士夫所知人事頗勞義以
官府遠嫌不得交通賓客而應酬之節有不得不然
者唯謙以處人介以持已而已

簡子旦弟

槐亭送別又四月矣出北關曾有書相寄達否此處
路當南北之衝家信易通鄉人聯絡常問德業而以
不通信耿耿以易通而不亟通故也達士神遇君子
志孚子旦能亮之否耶才賢晉升實關氣運非苟為
一家之光今秋大解測之士論自當屬諸子旦然區
區所望於子旦者有深思焉諒子旦之會吾心也宇
宙許大知己幾人惟自脩而已叔父茂神正學端履
大科叔母內外宣慈羣姓咸賴子旦承顏聚笑之餘
亦曾談及區區否白日流雲冠峯獨立縱目江海之
外浩然高吟此興想自得之無任遐睇

簡汝雨弟

汝雨契弟足下前日在家雖不得日望汝雨之眉睫
然猶幸夫居之不遠而猶得以見汝雨之室廬也乃
今則有不然者矣草堂幽靜真可以讀書而柳渚竹
磯又可因之以吟咏其性情之正往來樵牧馮石而
與之談朴野之風真率之意反若有勝於文人韻士

之說者賢也夫亦采江若之英而拾瓊枝瑤草以自
獻于 明天子而已其他務外好高迂怪踈狂之說
內不足靖其心而外有以致夫里中少年之証証者
志有所不屑為而義有所不敢也特以結知汝雨有
不容不言者耳汝雨其亦肯聽而行之否乎所作文
字幸多寄來子明在家宜時相考問以資進修彼直
諒之士心迹無隱賢寔心敬焉况彼亦素知汝雨之
為人者汝雨千萬自愛易說留此一看惜其見理多
不透徹而猶滯於場屋遷就之說是以看之多不得
力集說如已買得早以賜下尤感 貧莫貧於不知

道賤莫賤於不知耻富莫富於自足貴莫貴於自立
壽莫壽於流芳百世夭莫夭於得志一時 右書書
房壁間迂闊之說能不亂清聽否

菲泉先生存稿卷之五

菲泉先生存稿卷之六文



丹陽姜寶刊

男 獻策

獻功菟錄

門人

歸安茅坤校

孫婿何汝敷

重校刊

先妣淳孝紀實

先妣姓孫氏外大父敬仕為陽穀主簿為人疏直不治生產然又姓慈惠好施有告急者輒盡所有與之治陽穀不持一錢去巷居三十年讀古文辭自娛澹如也外大母裴孺人有士行實生先妣京師生適貨王者至命之曰玉其小字曰京云年十九歸南峯先生曾祖直菴府君年七十病疽醫馮公曰按方藥得

指血調者效眾遂厚直求刺於僕者諸溘先妣曰焉
有治吾親之疾而刺他人者乃祝天手刺中指血進
三日疽生肌復七年卒祖以喪毀病先妣乃日夜顙
天向斗拜者六月卒不起先妣憂勞耗病始此矣祖
母治家嚴整先妣歸卽得其歡心有事恒先意先之
不俟戒母病先妣日治寢食以從三年不入私室歲
蠶稱絲獻祖母無私縷他所為視是事家君如賓汝
賢生而孱弱稍長則使受學於靖菴蕭公且曰願兒
務實事母自情也汝賢蓋退而扁其讀書之齋曰實
脩云正德己卯三月疾庚辰四月十六日疾革撫汝

賢背曰汝必毋忘務實之訓告祖母曰婦不孝不少
延以終事母也言訖而卒生於成化壬寅三月六日
卯時年止三十有九弔者曰趙孺人失其良婦哉祖
母哭之慟仆而蘇於是曾叔祖按察公為文以哀之
其詞曰汝為吾門宗婦兮淳孝以自持既肅雖以貞
靜兮復穎慧而夙知采蘋藻以潔烝兮旁續紛兮饋
養出指血以瘳疾兮調藥而進之三易日而膚生兮
羌昊天其正之告汝夫子以嘉穀兮宛蘭芷其既滋
舍汝姑而逝去兮予知予心之不忘也播江臯之芳
蓀兮陟崇邱而望汝也將從湘君於澧浦兮魂冉冉

其不返惟柔仁之履社兮何造化之相反蘄孺子其
修能兮侈瑤章之自天惟生嗇而死豐兮庶慰汝於
九原泉於是遂私謚淳孝之代諱也嘉靖乙酉清戎御
史臨清王公聞之大書淳孝之門以旌焉且將表揚
於朝我家君謂是事舅姑之常也辭不奏然其事迹
章顯不可掩邑之稱孝婦者必曰孺人孺人云

武庫余公行實

公諱禎字邦興世居縣之下坊父秉清發解為石屏
知州母宜人廖氏石屏公常夢直柏生庭三日而生
公謂人曰吾知此子之有立也甚愛之七歲能詩文

弱冠補縣弟子員博問精思韜志矜節毫髮不妄取
予督學黃公雅重之令縣月領膏火以資其辛勤弘
治戊午領鄉薦時縣學已七科不入賓籍鄉人爭羨
慕之而公殊無喜色愈自退抑人遂稱為余君子正
德辛未華林寇起當會試之期通判江穎推上公且
具資斧以速其行公曰時方不靖吾父母垂老而亟
亟焉惟功名之務不可使聞於人遂不赴是歲春寇
果攻入縣城諸弟棊槩被掠以去公哀其貧而莫之
援也為之鬻黃城之田以贖之寇生歸二弟而公訖
不責償夏寇又掠其友馬慶之妻入于寇穴不屈則

幽之公告於鄉大夫士捐金三百以歸之窮而能施
如此蓋天性云甲戌登進士第授工部都水主事時
方營 乾清坤寧二宮公受 廷命採木江南敏事
以濟而民不擾有白金彩幣之 賜繼丁內外艱公
志哀履約終喪足跡不入公門己卯六月聞寧藩之
變公忠憤奮激遂與監察御史南塘宋公散家財召
集鄉兵李英等三百餘人欲乘虛擣其巢穴比至則
都御史陽明王公已提大軍破之矣庚辰起復改兵
部武庫勞勩著稱嘉靖甲申七月戊寅 上命攷衷
殷禮爰納羣議先生以 廷論忤旨被杖以卒卒無
遺蓄以資殯歛厚施而薄積豐於守節而屯於奮庸
君子惜焉為人謙冲而虛正直而易庶幾追迹古人
者嗚呼賢矣操行以迪貞窮達莫或渝之豈賈譽也
哉爰暨其時未嘗不觸諱崇議也得正以沒世又何
其保終純固哉嗚呼若公可謂君子人矣

草亭處士東翁行狀

東氏之先本出漢二疎新室之亂始自東海避居沙
鹿山南故去足而為東宋靖康間東振祖以右職補
統領率軍士由南陽至合肥復渡江徙今丹陽邑東
三城里傳八世至崇芳生泰壽泰壽生文豹文豹生

希武希武生旻勤敏承家晦德弗耀旻生子三伯曰儀仲曰篚季處士儉字廷節出側室金氏為人豐儀性峭直不能容人過然機械事一毫不有於心用財惟義是視不妄費而或有緩急叩門無弗貸者尤善惇宗姓有強梗輩則敦之以禮貧窶孤獨每周恤之有外侮必悉力爲之捍禦或致訟則百計解紛務抵安全於是鄉黨服其義有不平咸請質之曰願受東翁一言無令官府知也弘治己酉上命大通運河人夫分工陵口者雨雪載道凍餒死相繼卽出已資助之不復責償多所全活者郡守吳公義之加禮焉

正德戊辰歲饑又傾廩以助賑治家嚴肅非祭祀賓客不設酒醴綺麗珍玩博奕之具不蓄於家惟好聚書史以教其子東爵命之曰吾宗本華遠亢是宗者其在汝乎旣乃命遊府庠復命北學於國子遺書惟以親賢友善勉修行業為言不及家事東子感其言益大肆力辛卯果登鄉薦翁喜曰吾賴祖宗之澤得發於汝汝當矢心勵學樹功茂名衍及二孫吾願足矣至其作事議論多契前聞在外日少故行多著於家云生於天順甲申七月七日卒於嘉靖癸巳十二月十三日春秋七十配尹氏東子娶武進鄉村金惟

遠女女一適同邑蔣墅賀泮孫男二長曰書聘武進
前黃楊雙橋女次曰修聘武進祁莊黃鶴沙女孫女
一今年乙未十二月廿八日東子將終事於蘇橋上
塢新阡之原東子以予始吏茲邑嘗訪聞公之為
東子又雅善予也從予請狀故為著其實如此

元春先生墓誌銘

先生生弘治丙辰遠端陽一日厥考文學先生曰旦
予家子是其生也且是日也按而命之曰孟陽七
知少儀不與群兒伍十三受易右參政張子德珍日
端坐讀書不徹張子曰此殆有志者特恐過苦耳十

七遭父喪奉遺書陳諸楹前泣曰兒不類不能畢以
從先人於九泉也祊之神殛之乃擊明經博問精思
親見其蘊終夜兀坐燭光達于內母華孺人憂而止
之遂移書冠山寺冬月夜既央無火則擁衾達旦足
如水僧定元曰不恤其身而惟茲咄咄者恐有他悔
勿聽正德己卯試監臨不第歸語余曰日月逝矣若
之何余曰傳不云乎經師易得而人師難求東海先
生者士行之表也曷稟學焉曰吾志也明年五月從
先生受尚書時余母亦已沒東海先生欲使知勵之
也乃誠以辛勤率之孝弟先生喜得師愈務精進東

海先生曰張子有志之言不誣哉嘉靖壬午不第書
室中遍揭肯綮暮年而周云先生元配胡氏司寇胡
公之女也既歸室遂婚其仲弟元夏季弟元秋胡生
一女卒請繼室於韓不能二稔又卒請繼室於王及
中表賦役交慶瑣屑不理咸叢於其身丙戌避疾武
林從者死猶親為之斂予往視疾則顧予曰大命近
矣義理不明慚負師友若之何蓋死而後已云明年
正月移疾歸二十有三日卒卒之日宗黨無小大咸
造華孺人曰傷哉是夫子之守子也誰卽似之王氏
抱元夏之次子立於柩前曰亡人已矣矢死靡他宗

以是紹名之曰紹宗胡氏之遺孤女則以許嫁蔡子
公毅之孫望族也嗚呼先生以溫粹之質詳練之才
遠大之志堅守之守天其假日焉來氏之亢宗亦有
賴也詎謂止此也哉兄弟之子猶子苟有人焉亦可
以妥爾矣墓在湘湖井山去文學先生凡一百十步
銘曰濯雲龍蒸天步罔程滯水魴頰尺波靡寧賜也
弗如回也不幸謂天蓋遠袂誓盈盈不明河漢懸彼
繁星此邦之人胡逝乃英爲宿爲碧爾顯爾靈嗚呼
已矣猶子入室是纏是承大姓亦耦庶祥庶迎嗚呼
已矣庶鑒茲銘

查處士墓誌銘

代作

嘉靖七年正月九日門人查秉彛有父之喪既含矣未瞑也則路而告其諸父昆弟曰孤不類不能卽顯於孤之親六十有三年以沒孤死有餘刑唯是封堂之事所以謀貞父者其唯我夫子乎乃暝外姻至亦如之父之執至亦如之乃卜葬地道人塘北卜葬日閏十一月二十八日兆以請皇皇如也余曰銘之哉其諸父昆弟曰查氏自婺源來攜李十二世矣又自攜李遷海寧十世矣御醫我國家之賜官四世矣有自稱一愚封奉政大夫沒以鄉賢祠焉者則處士之父也處士及其配周氏奉之務盡道理奉其繼母王宜人猶其母曹宜人也夢萱志號終身貞之及見王宜人則忻忻然若弗之貞矣讀書遇有得輒手錄示諸弟禍患繇役躬先之良貨田宅則推共之示子孫以端履儉德母立於過是故秉彛能領鄉薦秉中秉直秉衡能為邑子弟員志學志譽志高志文孫也能就外師余曰是能家矣銘之哉其外姻曰處士之居鄉則善矣年饑里人弗能輸也則盡為之償而慰之曰今勿為官錢楚矣及鄉飲也為鄉賓余曰是能鄉矣銘之哉問其友曰處士好古不倦精長於詩詞晚

留學數學所看有箕裘發微雪坡蕪稿凡若干卷余曰是能學矣銘之哉居數日則持其叔父方伯忠齋先生之狀來余曰人言可信也觀狀而知其名繪矣知其字元素矣遂銘曰宜爾親比爾隣治爾心用經爾隱德

伯父劉毅處士墓誌銘

劉毅處士之族墳墓在湘湖井山乃嘉靖戊子陽九之明日處士正衣冠卒矣唯處士之遺言余惟余祖父是憑是依子博士弟子員膺薦博士弟子員膺選爰用據經陳禮罔敢渝越毀骨墨面奚翅慙八鄉大

士曰有子及葬之期在十有一月二十有二日則以狀號其從姪汝賢曰嗚呼已焉哉墓有志禮也請從子成禮余唯處士疇昔之事宗人實共見聞審厥狀核哉處士服善翁之守子性至孝旣冠卽竭力當蠱不敢裕翊翊如也樅樅如也甘滑唯所欲有末疾佐餽唯節恣恣如也少差仰天呼曰庶幾無自速戾哉昕如也叵測皇如也卒矣棺內外唯禮質如也客如也太孺人華哭之哀則戒家母踊母哭母致夷于孺人烝烝如也退則袖幾脫水矣克克如也漣漣如也字諸弟無私貨財唯和唯友唯因其心詳詳如也

惻怛如也諸父猶父諸子猶子凡百餘指悅安之雖
雖如也教其子唯其師旦旦如也米商韓彥一亡金
六十銖許于于然與其徒去之矣追告之曰行李無
恙耶索諸袖曰亡吾命矣曰無傷也予幸拾取以還
汝今而後慎之哉介如也閔如也有逋官鹽者素稱
惡少醇厚君則索之其人磨刃以前處士曰叔父何
罪官鹽余實徵之女母憐我叔父卽殺我無汝于徵
其人愧而止挺如也閑如也元配盛先卒不謀繼室
者十年服善翁曰詩稱有齊季女者獨非宗婦乎夫
然故繼室張引孝引慈賓如也孿如也旣而女淑玉

男膺福舊爵孫男子鶴子鳳與未命名之孫女子臻
然盈庭矣則皆輯以少儀整如也淑玉之生也處士
鍾愛之相攸得舉人黃九臯纓焉與俱有疾先處士
旬之外卒處士哭之疾甚麾其婦女使退矍如也以
逝唯五十有二年距其主則成化丁酉十月十七日
處士諱湍字元急與余父南峯先生同五世祖於余
爲伯父五世祖諱思名高祖諱勵曾祖諱濬祖諱宏
考諱輔是爲服善翁來氏自開封來蕭山自大戶府
君至於處士十六世矣載諸譜牒列如也銘曰

相胡澄澄

井山亭亭

從祖從考

良夫佳城

馬章自天 隱德用宣 過者必式 視此銘言

叔祖母慈淑孺人黃氏墓誌銘

史曰嗟乎余讀宗子統狀其母淑人之行也未嘗不
泫然流涕也夫貞烈弗耀則懿範疇昭焉是故孝子
于範則弗之有悖焉爾矣夫鉅媿弗宣則德音疇嗣
焉是故孝子于音則勿之有實焉爾矣夫至謨弗贊
則幽履疇播焉是故孝子于履則勿之有越焉爾矣
夫理論弗章則苦節疇甘焉是故孝子于節則勿之
有渝焉爾矣夫勞庸弗敘則成教疇立焉是故孝子
于教則勿之有忘焉爾矣余讀宗婦行之狀若是其

備不能不致感于茲五者而重有以歎也宗婦姓黃
氏文峯望族厥祖曰某種仁惟滋藝義惟宜廉狷風
于鄉鄙厥考宗遠秉謙爲基嘉遜爲幾清修表于縉
紳時維宗婦明慧夙稟稗而穎靈是故有形魚之質
巽順素植長而端凝是故有羔羊之度儉共成性筭
而穆真是故有幽女之朴動容遵紀黜而敏膚是故
有趙姬之肅史曰嗟乎是可以徵懿範矣暨歸于栗
齋秀才昭問類藻維德之行外則事樂菴公敷猷賦
箴以勤王睡裕無難色內則事毛孺人怡顏若志嫺
無間辭時維宗婦祿衣蘋菜以趨牖祀是故有尸齋

之三粉醢滫瀡以載奔鼎是故有味旦之箴煦嫗覆
媪以處媵侍是故有小星之惠左彤右旣以閑姬娣
是故有采芣之賢史曰嗟乎是可以徵徽音矣乃樂
菴公卽世值毛孺人卧病籲天祈祇恃以無恐髮冠
菲履兌襄居約匡謨層策厥助維多時維宗婦孝以
遇妣保傳攸諧是故有孟光之操慈以庀下臧獲胥
洽是故有萊婦之守禮以别外交游稱慶是故有鄧
曼之善和以洽内閨開感化是故有左嬪之才史曰
嗟乎是可以徵幽履矣夔痛而心瞿相繼以隕遭家
多難群責畢萃遘時不辰百憂忡惓時維宗婦方舟
泳游酌其淺深是故有潘母之哲米鹽靡密節其盈
縮是故有陶母之儉裂珣毀鷓恒思未亡是故有貞
姜之矢授鬯委瓚以隆主裡是故有敬姜之戒史曰
是可以徵苦節矣旣宗子統采于芹泚孫子日升亶
而發聲時維宗婦示之義方率之彞典是故有鄒母
之遷約之儀軌申之信令是故有程母之警爰訪女
誠爰整閭則是故有班姑之正爰斥宗器爰飭掌固
是故有孟母之仁史曰嗟乎是可以徵成教矣夫孝
以徵節節以徵履履以徵音音以徵範是五者士大
夫之所鮮也而宗婦有焉詩曰高山仰止景行行止

曾平直其然乎宗婦生於某年月日與栗齋秀才同祀少栗齋秀才二歲卒寔嘉靖某年月日享年七十有三生子三男一統配徐女二一歸孫籛一歸周鯨孫男二日升配王道升尚幼孫女一許嫁曹南溟統將以是月十八日祔葬于栗齋秀才之墓求銘銘曰維天呈象寶婺含光維地效法坤珍秘藏維聖建極欽儀定方維賢樹德恒貞用彰易稱帝妹以祉元吉詩贊文母永世作則書敘堯女媯汭之卽禮表宗婦勤修內職於皇亢宗代有令人宗婦敵耦繼繼繩繩以族五宗以諧二親以效婉婉以徇賢貞維是有辭

明故淑宜孺人來母黃氏墓誌銘

余讀詩至江汜之以喟然歎曰嗟乎女子陰柔其道頻牽古則有之非深山大澤曾龍蛇之懼生入宮見忌不其然乎不其然乎夫蒲蘆負桑蟲鵲爲巢待鳴鳩居然七子豈非物之生以相濟邪雲蒸于太宇風以向而托以三雨况茲氓乎世俗少恩幸或嗇其

丹巽屏君鈍之配也父處士玘及筭齋巽屏而嫁焉
巽屏方孫學類宮鏡考魯故以自刷磨夜燭半跋燭
屏處而待居常黑黑恒以弗獲逮事尊章選士民義
公太孺人湯氏爲憾享祀惠時思媚于吳氏姑終始
肅孝巽屏少嘗育于丘嫂汪孺人旣長事其伯兄散
官哲及汪孺人務盡道理孺人恒揆志逆承母敢自
遂處諸妯娌子姓外內戚私咸有婉節上下安之以
故巽屏得銳情芥藻無內顧憂居頃之免而不育孺
人亟謀姊姒之宜子者巽屏曰何哉汝寔生子而是
之從邪對曰妾聞內婦以廣姓不聞割宗姊有子妾
亦幸而有子百歲之後拜於墓園油油然辟烏鳥之
集配林不亦慨乎巽屏笑曰子言則是姑須烏孺人
口噫是河清之候也妾則不能以明日矣巽屏用其
言陽鼂告于閔遂問于媒氏聞錢唐王氏之有女士
也委禽而受之逾年來歸王孺人冲華淵令喜愠不
見于色與孺人甚宜生二子尚忠尚志生而王孺人
病以逝孺人慟之歛而葬之湘湖之山旬歲裁食時
巽屏亦逃名澗泉閉門閱古人書葆真息機世俗一
切子冗變幻塊然不入于心惟孺人日務穀誨令通

子良師傳母漂說召徵黨于鷓斯具慶堂火孺人
亟抱持二子辟于奧隙曰兒在此餘皆外物無傷也
愛而知勞二子因緣有所樹植不爲群兒及尚忠取
于金生子賁亨尚志聘于童而孺人亦遂不起矣卒
之日二子隕于地居喪致毀寔嘉靖己丑九月三日
距其生爲成化癸巳十月十有九日享年五十有七
遺言遷湘湖之山之樞陪葬筴竹山新阡巽屏以周
易筮之吉遂筮以明年十有二月二十有六日如其
言葬乃命其猶子博士弟子員尚文著狀請刻銘于
石納諸幽嗚呼若孺人者可不謂希人哉夫居室之
難同衾而疑曾不顧趙氏之無火炊陰性則然矣若
之何其道之孺人昌胤之謀如耕之待秋王孺人辛
勤生子還授孺人曾不身受其實殆天以篤孺人邪
何值事之奇也若孺人者可以風矣余故表而出之
以附于螽斯詵羽之義云

趙子忠墓表

五溪先生坐端範堂來汝賢林應麒侍有泣且來者
使人問之曰處州百姓趙子良也小人有弟幸大人
校士第一應舉錢塘病於疫遂不能南九月二十有
二日卒矣嗚呼痛哉是旅貧不足具棺柩有能言

人者其庶予有與乎言已復泣下先生聞之曰
噫有是哉趙子忠也豐才近年胡為乎然哉是其為
人則能醇謹為敦厚矣胡為乎然哉游魂何之是在
師友二三子有是心否乎乃捐俸金百四十四銖治
其殯命賢也麒也視之子良始能以其柩歸葬次祖
墓七尺且移文州縣勤恤其家母俾失所子忠亦幸
矣哉汝賢竊惟先生之於門人恩義唯均並諸父母
不幸而一旦焉者有若舉人沈勣有若生員潘有年
屍死扶生唯力是視然勣之亡也先生方在嘉禾有
年之亡也又值先生之還錢塘也處州距省甚遠子

忠卽沒於家父母兄弟妻子則安心矣日月告訃先
生且不得知况知而使門人之殯之視回猶子乃今
於先生見焉爰用私識其事樹當墓道以幸子忠猶
有鬼神必長其三月之孤以嗣之世世傳誦有去此
而求薪焉者鄉人咸有人心必母待予告矣先生姓
萬名潮字汝信五溪其別號也江右進賢人魁辛未
春闈督浙江學

菲泉先生存稿卷之六

菲泉先生存稿卷之七 文

門人

丹陽姜寶刊

男

獻策

獻功菟錄

歸安茅坤校

孫婿何汝敷

重校刊

桃源傳

余夙慕岱宗之奇勝有上古之玉策寶書在焉思欲登其上睹所謂日觀諸峯者而未有繇致之盖有遐思久矣及觀騶子小魯之論乃知川谷之靈亦以人勝而桃源者則東萊之嘉麗處也東萊之屬州平度而止多奇山固山最勝固山所經桃花洞最勝然余又者輿籍有方望人來未以名聞也將夫亦有待

李先先生諱書其曰學成而後仕蓋東方間氣稟
山川之英華焉於是學士大夫爭侈歌之然後桃源
之名始聞於天下蓋亦余所欲登云夫地貴耀嘉不
係幽顯茲洞者所謂晦興由人者非歟吾聞諸李先
生云洞之勝上多青雲下多箭竹舉火洞中則固山
出煙蓋茲山之所通氣也顧不偉哉廣谷大嶺崇原
邃游所函造化之精蓄而後通必有所鍾當在人物
而青琳赤瑕白金丹錫珊瑚玫瑰之類世所稱珍者
不與焉雅不云乎維嶽降神生甫及申李先生者蓋
茲山之產云諺曰高山百疊千年一及信哉言乎昔

者仲尼仁聖岱宗賴焉當時豈無良域仲尼殆未之
開跡爾夫自仲尼以岱宗聞七十子亦各以通才著
其所履子皙稱沂子騫稱汶子夏稱西河子由稱費
天下之大魯爲元服有自哉夫李先生方務綏德茂
功宣學惠問以追鄉先民所服行者皆夫子之教也
昔子游宰武城謂有澹臺滅明然後知武城者以澹
臺氏名夫地靈生人惟人實終之李先生卽進於諸
賢之域也洞之名與泰山相望在魯境不亦可乎來
子曰昔李先生之舉于鄉也郡守李公夢羽衣神人

八年登第考一年實居桃花洞之麓信神之降

牛雀云

黃氏嫂傳

蕭山之水清比七縣爲勝而西河者清之會也嫂氏生其間焉固已出塗泥而濯之矣真良耦也歸予兄性愛精白不待鉛韶而動自純雅有君子之清風焉真又良耦也乃龍之年蛇之月溷此塵瑣不足以留仙人之跡而又適當予家之多蠱予兄夢食耦失至大者而貨其次者於商商固靳其大者而予嫂以六月仙矣有是哉有是哉夢之於人含祥托咎近祉階亂豈特予兄爲然傳以貽好事者之輯錄云

外史氏曰周官六夢之法於今不傳事應與否不於敢知矣但就所夢而論之則誣邪偶邪憶之非其真邪夢常事也而耦卽耦人之所常食也乃入其宮不見其妻何邪夢耦亦常耳而失其大者得其次者又何邪若以非誣也偶也非傳之非其真也則猶有鬼神焉必長予姪榮貴之以耦於時斬大耦者其將待次耦者之撫之也歟

眉州孫文懿公事蹟

孫文懿公眉州人少時家貧欲典田赴試京師自經
刎伏尉李昭言戔之云似君人物求試京師有幾

壹以第三身行矣。審官院李昭言者赴調見公。恐甚意公不忘前日之言也。公特善昭言。知眉州。又公嘗聚徒榮州。得東脩之物持歸。爲一村鎮將。悉稅之。至公任監左藏庫鎮將者。部川絹網。至見公愧懼。公慰藉之。贈黃金一兩。其盛德如此。

書奉新胡氏繼嗣分書後

看得胡二三始因無嗣。懷抱親甥羅節瑛。改名胡樞。相與辛勤營運。致成殷實。後胡二三納妾喻氏生子。胡樽中道夭折。族衆胡國四。胡國八。胡四十。胡元十。各謀繼立。輒肆傷殘。三人成虎。一紀告爭。胡二三以

玃玃老夫莫可捄止。甘心受辱。百計彌縫。亦可悲矣。胡樞例雖相應。分給財產。至於祀胡理則未順。此譬諸鳩居鵲巢。鱗入虺穴。儼然全據其有。而保其室。欲祈族類之無辭焉。可得邪。胡國四等既稱窘辱。胡二及逼逐。胡樞已經不次。倫義傷絕。不得復繼。稱父了之名亦昭灼矣。當職政在合族法。欲制民諭令。胡二三擇立諸姪孫中。素無干犯情所鍾愛者。胡邦濟與胡樞中分田產資業。以繼胡樽。爲百世承嘗之托。表養樽母喻氏。生盡孝敬。死厚葬埋。胡樞不得少有。此胡樞聽與。月二三依倚終身。胡邦濟亦不得輕。

他人之言少不以其胡邦濟所分胡國四等不
得誑誘分買胡邦濟仍改名胡定宗曰定宗者言宗
之定於邦濟市鬼之義也嗚呼古之宗族惟務恤窮
敬老振獨閔孤故相安相保以入於善而能世其家
今之宗族乃有如此等者豈民風之真不如古哉教
化之不明彛倫之不敘有司之過也吾何敢辭自今
之後其各相勸親以免吾過所分田產資業係查冊
子弟徐九五與胡二三公同均作二分當職親自焚
香籲寫立公正二號用印鈐蓋

書四好銘後

內臺燕峯李公行縣謂其令賢曰令而知宣名乎夫
近民者敦行而質辭簡授而鮮責是故其入易深而
教可數也侯遺世十二字言倫紀之道備矣晦翁所
贊蓋道古也夫令曷舉以宣民乎令受而懸諸讀法
之庭且家布焉以代狗鐸

棟塘集跋五首

棟塘前集者文與詩淳爲棟塘發也孝子之道莫大
乎繼志繼志莫大乎順美悖情以著好而宣慈以廣
文反天下之善士相與論譔其德而表次其行者繼
一方而順美之節也夫然故義問則昭而親志不

大用是敷造後人後世守君子之澤而無忘封植
此嘉樹也可不謂孝其曰前開先之義備矣

後集先生舉進士時迎翁於京師帝方咨上卿春鳩
服矢秋裘比功以逸國庶老翁遂以明詔受章服之
榮大夫士咸喜贈翁多所稱述言後集者志晚榮也
夫江南花信終於棟花爲榮晚矣翁葆真履和世其
隱德以與胤祚七十而受服也有棟之德焉是故夫
翁內觀不役神游無方故處乎塘水之上而情不遁
時行乎圻甸之間而介不受俗殆昔人所謂委順於
物而無櫻其心者歟而介是景福焉可以徵與謙之

道矣

內集集諸壽翁之作而系之以內云者言乎其家慶
也先生意承儀令集衆美以自媚於翁而翁心燕之
故約履以卽康而景祐以引孝也孝子之有內心者
也而不獨成其親焉是可以風矣

尹和叔謂祿養善養之弗如也余蓋有遺論云夫達
善無方惟時制之明清之辭敬畏之忌占啓之允詳
讞之公夫民滌濯其心而孫於彛常以復上也民有
明賜而親有義榮如是而介於公祿而以優考也不

曰養則謂之可先上池陽之節是矣詩文皆引義

必以其別於卜也則又釐爲外集云

別錄太史王公之遺言而別之云者以志異也夫幽明之交感應之理事既希微太史公而已矣先生又胡爲而致思其文乎死而猶思其文亦友有道之常耳而况思則得之乎得之而明其爲翁作也亦常事耳而况篇名之隱乎使篇名之隱而僅得其短章爲已足爲難矣而况詩之既富且多乎豈忠貞之士其立言也天地珍之果陰若有守之者乎將而翁若翁懼夫信之弗全於既死也而先啓其衷以爲之乎是皆不可得而知也惟悅親信友情之兼備而鬼神不違有以知先生之孝感云爾

永生解壽黃母令人

星緯曷次懸諸天江漢曷陳錯諸地天精也地氣也精淳爽浮而次不越天光發矣氣維質流而陳不湮地澤下矣然而有神守之道焉尹達而應員而通而後精氣之紀定是故夫神也者精氣之奧區而天地之所以生生人詡天之精范地之氣而函神於其心是故質實氣虛夫神出實而入虛矣精一氣二夫神遊一而返二矣仙家元精元氣元神取守道於天地一文曰神者人之三神著而精氣合漠焉老穉百

百歲而壽者世且以爲希人夫何知小年不及大年
尚安與於天地之觀哉黃母章淑倫德介立精氣之
紀定矣夫然故遂履融福永生七子二女教社戒受
冢嗣安溪公官湖之東道其皇波濯濯焉有江漢之
心諸孫問業不倦璇璣璀璨燁乎克庭譬則星緯之
懸其光烈矣夫天珍地寶固當徵微于世積久而發
皆精氣之漸非天下之至神其孰能久視之若黃母
者得天地之純守者矣

戒詞

一味調齋大壯而後任勞尋常固宜切戒看書然小
簡亦不可發痛屏浮思乃可

賓言

癸巳冬十月朔鄉飲酒於學宮徐翁瀚為介主人親
速之且告曰吾夙聞嘉賓潔行晦名適已巖谷之間
而忘世之紛也今見嘉賓貌如古人而動有禮矣其
河上之遺乎敢請對曰鄙人無良伏無草莽老矣惟
日戒教孫子毋越法度以近君侯之正刑抑惟率鄉
人收於穡收以答官徵毋使司民之吏擊其門枋如
一爾若夫德教不在瀚傳曰賓有禮主則擇之

其慎賓乎 亡德言也三速之三辭而可以
禮絜始不失度官吏胥悅鄉人榮之華封主人曰甚
哉鄉飲酒之以人抑昂也吾得徐翁為之介而鄉子
弟皆蟄蟄焉有所興起閒歲不選而校席狼戾人或
疾奉天子之令典而以學宮市也遂使自好之夫不
肯就席可不慎夫是月三日華豐主人某書

諭民出田文

縣令諭爾父兄子弟令昨出城遊春辰色漸溫協風
時播旋車東門澤雲四興助以霖霖其康年之徵乎
甚為爾父兄子弟喜夫天不忘民實有明賜况茲將

降是豐穎與父兄子弟何可不敏乃田事承茲寵休
夫先憂後喜昔民所貴豳人終歲勤動公堂舉觴纔
一時耳諺曰歲計惟春日計在寅爾父兄子弟其各
相省諭大小咸出婦子致餉莫或室處負此景光莫
或敢割鮮椎肥游飲於市肆眾皆擯之比為惰氓嗚
呼慎聽之夫有晏始必有愁終此月徵逐酒食不務
省節大暑將至揮汗索食婦子淒其將誰與爾爾父
兄子弟其慎思之及時宣勤十月登黍百堵皆有爾
父兄子弟其相與咸嬉務厚生之樂令亦願爾父兄
有此也嗚 哉明日之後患令出田鄉閭

公役在 又番上縣其餘日歸家務農母
相衣無益爾父兄子弟其知此意毋忽

祛蝗文

惟令司民命在務穀縣自往歲曠灾四畝不收窮冬
飢夫顛越長道令始至旁午告病艾草而茹編蒲而
衣幸天不終棄斯民惠時來年高下咸登民始有寧
惟神能興雲作澍分列藝事度日獻成實賴休賜神
有德於元元甚偉乃既五月不雨不雨植禾焦死中
野子婦椎心號鳴將棄室廬南走嘉土令率民禱神
神乃降雨禾則青興蓬蓬然就實矣令無道不足以

貞神休神亦永念斯民不以令故遷罪令懼過日修
不逮神復震怒召此孽類食我良穡薨薨上飛結陣
下來終日之間頃刻盡之嗚呼悲哉神乃崇其阜陵
蕃其草木厚為孽宅是助惡使與民爭食茲土也神
亦忍心於此否哉令有罪令則自受何敢移民神以
怒令之故延及淳良神有佚罰民有非辜今日之後
請驅夔罔馳俞騎速逼諸海無滋蠢躍神亦雪恥不
為亂叢神若不聽即舉炬烈山神亦不得長族於斯
嗚乎慎哉新善惟良作福惟順康民惟庸終惠惟大

卷鄉賢文

世匹奕奕練水湯湯篤生賢哲特達圭璋或出或處
隨時所當是皆能守我夫子之道術入而無辱於其
鄉者也神明不昧永依宮牆犧牲告敬歲事之常

祭名宦文

分縣惟古實賴治端濟濟仁吏宦轍所盤有政有教
相時嚴寬是皆能行我夫子之道術出而無愧於其
官者也有嚴歲事寤寐衣冠仰止前烈用垂後觀

祭魁星土地神文

惟神受命上帝職司文章學宮有祀歷年已長茲固
今日之所不廢也惟神用洩日星之靈耀用啓天地
之蓋歲分秀藻澗著精芹塘使來游來歌者率皆紹
正學履正道而毋迷於其方當科之歲簡德而揚上
以荅 明天子之造士下以分我官師之光惟神聽
之

祭郡伯鄭老先生文

衆萬之生變化而嬗有炳其靈則匪偶然維山之松
維淵之龍豈不一氣英異所鍾赫赫守臣千人之傑
自八仲氏棠棣曄曄蚤更鴻漸晚乃魚躍以德以言
而授出入 力盛業茂三輔之才四國之守

名在人匪難

且視其家匪蕭伊曹往守於鎮

中取肱郡天子曰嘻予以自近相彼大邦莫如鎮樂
自幾何時遺愛濯濯公拜稽首和陽是遷蔽芾之陰
曰棠孔甘嗟鎮之人思哺思乳豈伊密雲而嗇之雨
鱗鱗朱轡孰總其帷央央旆旌孰丹其旗閱我畫錦
宜爾夜臺不知其榮歟爲此哀世曰公仁宜大而久
鼎鉉之華乃見身後天不可問道之將衰一鑑云亡
百身何追某等銜恩未報待見則踈抱其沉恨滯此
海隅公歸於天神無不在千里一觴寓此永嘏

祭一齋文

惟靈學足以軼一時之雋故能奮青雲九萬里之翮
而矯運以圖南政足以和兩州之衆故能副黃堂二
千石之秩而別駕以服驂志足以自樂故能不以得
失就去爲意而早掛東門之冠慶足以自延故能以
詩書禮義爲訓而遺西隴之安衆方擬其壽考庶幾
齊年儋耳嬉世喬松而永一鄉之敬瞻夫何遂厭浮
塵跨風雲騎日月而馳神乘氣於清真之端豈其不
亡者猶存將結爲明壁耀爲列宿而顯世俗以未盡
之緣抑得正而斃如臨淵如履薄者可以占君子之
而造化與

以信達人之大觀某令茲邑惟

不與而
言不至偃室者又可以驗其守
之大凡是故生則問其室而死則臨其棺茲當北
往率爾一奠蓋不能已其無從之涕所以爲世道惜
而亦以寄吾私於蕪言

祭光祿伯祖文

惟公道能守官志在合族劉介不回中才樂育其性
躁妄夙有童心兎興馬逝緣風御塵人謂此子當有
遠憂黃金躍冶賈用不售公曰不然是爲可教迨歸
自南顧我則笑惟公燕喜子姓詹對割肥分甘置之
膝內佩鴈負劒召我相從公卿在坐使觀德容其素

屢空朝不及夕挾策從師富翁則斥公曰來爾予與
汝言葦書妙畫終成大賢末俗衰薄易生譽毀譬彼
繁華惟觀蓓蕾公謂是子必亢吾宗封植嘉樹無忘
角弓明明蕭公文章冰鑑公謂教我視我眈眈奕奕
高公樂善兼容公謂誨我曷維有窮甲申入歲六月
徂暑公將大歸呼我幕語惟公正則厚生今終沐浴
佩玉正寢從容筭有遺書宗有嘉梓是究是圖嗚呼
小子飲涕受命奉以周旋日月一紀上第春官帝試
已隨祿江島悠悠思公墓有宿草感念公德敬祀

卽進士孫子右文喪其母太令人訃至哭甚哀幾不能生其同年來某等聞而悲之爲之文使女巫歌以侑朝食其辭曰擊鏡兮震鼓緩唱兮頓舞傳赤綃兮帷篆車循大路兮臨廣衢神不來兮夷猶乘俞騎兮陟瀛丘吾今楚樊兮道節使湘媛兮安流然海炬兮擢蘭舟遡芳孫兮遵蕙洲回風兮日激女巫兮太息雲興兮朱夏陰冥冥兮雨來下亟揚舲兮反游望四表兮余愁傷孝子兮斃居歌白華兮歛以獻搖素旌兮鏡水區結珠珮兮檐雲襦驅海若兮耀百靈神之來兮穆以寧綏孝子兮齊成御宵明兮凌太清

祭曾叔祖母蔣孺人文

惟靈少有淑安冲華之德而順足以媚父母長有嚴敏貞恤之行而敬足以承宗枋內有歷千變不可搖之節而冰聲範乎壺掖外有徙三舍不可止之教而桔實迥乎衆芳是故能享八十二從容無疾之全壽而上足以表天道之助順能衍二十一穎立方茂之毓祉而下足以觀人道之成康豈浮壽之希有亦真可常賢忝子姓幼沐慈光一官千里聞訃痛傷

一戎而一首

弟於他方嗚呼哀哉

名節婦女

維貞芳瞻載迪天粹冲全地儀柔則爰屏蒞蘭
婦功惟亟內履清嘉以媚淑匹良嗣篤生有訓靡忒
墨綱玄冠詢都且碩東膠郁聲貢于玄極帝命宰臣
授之嘉職睦城崇崇大夫是翼迺化南邦蠻酋用適
嗚呼夫人而教是力尚緩褒章遂塵真壁萬里南奔
孝子孔棘嗚呼夫人衆女攸式其生則榮死復何戚
某來茲邦聞之令德玄醴青芻用志予恤

祭姚母文

逝芳滋於香臯兮藉明剛而鍾只維柔嘉以貞靜兮
直肅雖之遺軌渺參虛其紹聞兮亦徽音之克以彼
渭涘與洽陽兮羌多賢之能儼齊宗室之何季兮湘
蘋藻之筐筥疇深助而遠幾兮濱紛紛其無已報天
章其七襄兮肆繁星之何麗嗟蕙萼又芝英兮春與
秋其迭萎知夫人其頗詳兮完內言之法類跼于割
之在房兮聊寄私於君子

祭封給事中木翁睦君文

公之爲丞也不卑小官迹同祿隱有柳下之和焉公
兩官也結廬人境植杖山阿有靖節之風焉公之
古人不許上
臣惟與琴書爲友有康成之望

之教子也

黃甲補衮彤庭有燕山之教焉

叩自天視秩令子公時尚能躍馬郊迎也某之入
覲也執手河津正言如注回叩私居問我老父公時
尚能食也曾不數月而公遂棄人間事矣某稟質甚
弱荷公誨言相知最深曩書惠云切宜葆真節勞而
某者不能行公之言也頃追思傷悲登公之堂而公
已不可見矣遺像儼然瞻者起敬德音在耳不敢忘
也茲當北上酌酒一觴兼謝誨言公其有知來舉予
觴

菲泉先生存稿卷之七

菲泉先生存稿卷之八 文

門人

丹陽姜寶刊

男

獻策

獻功菟錄

歸安茅坤校

孫壻何汝敷

重校刊

自古臣子執威權未有無禍者論

從政者貞義明順協天之分以承其君則民德一是
故道莫大於適變為政莫大於統同也春秋則天立
政明王道之權惡政之多門也使天下考德合情以
尊於天子曰春王正月夫聖人議道制法將以行之
口天則無二日矣言人則無二王矣是故諸侯有
臣易樂專一於天下共誅之無所逃罪故春

人所以

亂而敘彝倫者也夫地以順承

地臣以義率王道天事不可廢也地弗有其功王
事不可亂也臣不歸德故道大順而天下之政興焉
天且有命勿予禍適而封建其福是臣人之表也何
以知其然也昔者武王崩成王幼周公使士負之以
朝諸侯天下惟周公之聽成王亦拜手稽首以受誨
言周公曰朕復子明辟也錫之土田附庸世食于魯
歷十有餘世而不以刑問焉是周公之遺也功有所
不恃而勞有所不居也何以知其然也周德下衰天
下之權歸於伯桓公不讓而遂成焉於是西伐晉南

伐楚爲兵車之會以勞天下也威非不行而氣非不
勝也而子孫不保其世詩曰昊天上帝則不我虞是
桓公之所以爲過也何以知其然也霍光擁昭立宣
以強漢室勲在旂常耻其名之不如伊尹也執而不
讓天下惜之是故大禹錫圭以告成伊尹咸有以惟
終周公不宿以寡過傳曰君制命臣作而行之戒成
事也太宰掌邦國之典則以佐王群臣之柄萬民之
統以詔王而小治則以聽夫統百官均四海豈惟小
而已也事也故曰公孫碩膚赤舄凡凡

也事也

也故曰公孫碩膚赤舄凡凡

不歸民之
有事君之小心古之純臣貞義
以而不成其身者夫

三子定交論

凡交之道不可係係而入于私好焉而不知其惡者
也是故通志莫大於不私類物莫大於不黨相與並
為仁而不相往徠者真交矣省諸吾心不其然乎士
元曰是也俗士易化醴言若移甚哉擇道之難乎夫
仕與友同道而異情仕為人而不為己者也夫友為
己而不為人者也俗士之易化也醴言之若移也是
為人之心而好名之累也是故不累則無所係焉而
不亂於群矣昔者晏平仲善與人交久而敬之則不
係焉之謂也余與謝子士元定交於南都於湖南得
周子子亮於江右得郭子仲愚皆能以道術相和不
係於私而余之歸有遺情焉是余之不廣也余之不
肖不足以友三子且又知不足係三子之思也而情
故是近何哉各務崇其令德而已矣

海山兄字邦仁說

凡命字之例有三一曰簡而核二曰微而徵三曰志

其為人子兄名膺選而字以邦仁其於三者何

魯論稱臯

選於衆而不仁者遠故夫臯

子大下之

也惟天下至仁而後可以化天

至不仁止其所以遠也予兄行將大魁天下聖天子預為網羅以待之其鼓動域中自當不在於臯陶伊尹下立見其以一人逸於衆而天下皆仁也故舉邦仁以該之其義之所裁足以孚於古說矣夫是之謂簡而核昔呂好問之字二子也長曰乾字元龍為其通周易也次曰元字元統為其著春秋隱括二十五也予兄方且搜剔百家而以尚書補邑庠生夫尚書者臯陶伊尹之精蘊也臯陶以欽恤明刑以安民陳謨仁之用也伊尹以一德告天下仁之體也體

用互見於虞商之書而予兄以心翫之則其必為臯陶伊尹也無疑夫是之謂微而徵且其為人慈祥一念動溢言表要不為忍人者克此心而至於不可勝用則化天下於至仁今日已自有本矣夫是之謂志而如其人兼是三說則字稱其名名稱其實可以當之無愧矣雖然竊願有一言焉求仁之方以恕為本而夫子則曰友其士之仁者吾兄性謙易其所友無賢不肖咸與之周旋若不忍舍去者是故仁心之及階其所以則每自解曰予之待人以恕也夫不得不如其無所損益於己故不求其全

戶後議之

入取士則正類其漸染薰陶以

仁耳而可與不仁者游乎惟夫賢者友而不肖者自遠員人已兩得其宜然後可以庶幾於恕字之旨而求仁之方我其握之終身事業所以為臯陶為伊尹者其塗轍正在於此耳如其不然其不相胥而流於不仁者幾希而吾兄不知以為信然否耶一得之愚兄其聽之若夫以兄之字以弟說之固不為無罪而蘇氏之兄字公群者老泉以其於易本義有乖改字文甫而後為之說人皆服其當義而未聞以為非也况不易其字而姑就其所自謂者而發之乎即有所犯亦當從末減矣雖然老泉之說雖其形狀萬出然所以望諸兄者不過如水之文耳未嘗更有所進也予則願吾兄為仁人也文雖不及而意獨過之庶得免科其罪云

宗弟弘肅改字汝雨說

範有徵曰肅時雨若夫兩天地氣之潤者也常言肅麗諸義矣而雨是徵是故君子之作肅也有道焉溫而厲威而不猛恭而安聖人之肅也呂與叔齋居終一坐和子曰學者須恭敬不可令拘迫迫則難以可不謂六作肅矣乎拘迫之戒則進之以

人之弘是也 之作肅也有道矣孟子曰君子
我禮智根於心其生色也睟然見於面盎於背施
於四體且體不言而喻故君子之作肅也莫大於弘
弘者合義與仁與禮與智而稱之也故曰致中和天
地位焉萬物育焉而何有不雨叔子舊字汝敬夫肅
已有敬意矣余懼作之者偏而不弘也改字汝雨號
曰作泉叔子其亦弘而微於雨也夫其亦慎於作也
夫

宗弟弘順字汝百說

夫君子之道集義而已矣夫義和而利天下之至順
也行一焉而它有不克不順者亦衆矣何以為君子
是故集義也者充其類者也克其類則義集矣集則
和而利隨之利也者利於義者也記曰百順之謂福
福非自外來也字弘順以汝百欲其集義焉而已矣

嶽評

堦謂其舅曰嶽達之四方無弗同焉爾矣尊稱也德
稱也致稱也漢有五嶽聖人分野履域表五緯以象
天文封五嶽以立地紀是故其山廣圓嶙峋獨申於
父吾天也母吾地也舍曰天地而思志尊焉匪
云將弗曰 者矣是故嶽也者天地之貳也

一也者吾之

也是故壻有子禮焉溥于意生

而不男遂謂緩急無益其言悽悽多所悲嘆而後遂等_也於外人夫次天地而有嶽卽次吾之父母而有嶽父母矣吾之世伯叔父母焉者乃吾父母之內次也故外有嶽父內有世伯叔父母惟其以吾之父母而埒吾世伯叔父母故稱嶽以志尊也天下有山林川谷丘陵能出雲為風雨見怪物矣夫嶽用物厚而取精弘非他山林川谷丘陵比也天下之徼其惠澤焉者有弗滲漉而入者乎詩咏父母口昊天罔極其稱嶽曰維嶽降神生甫及申夫生賢者天地之

造也而嶽與有力焉父母將何所不至哉嶽父母之於壻勸率而成就之乃所以深助乎壻之父母也故稱嶽以志德也尊之欲其壽也德之欲其壽也自有嶽以來未之有改也而與天地共久孟子曰父母俱存一樂也使吾之父母與嶽父母偕以壽吾其有弗樂者乎故稱嶽以致志也說者至謂岱宗之上有丈人峯焉故謂之嶽則不得其精義而附之名也余之嶽父錢_子古之君子人也忠誠端厚人皆信之獨其

德於余而允稱其尊者則又豈言之可指哉愛

主孔子曰

古君子之風而人皆歸之則福

之在人心 公馬余之欲壽之也考之人心
耳今年八月嶽父五十初度賓咸來賀嶽父方
以三女者衆且無益而憂其子之獨立也則評嶽以
寬之

劉漢壽亭侯篆

內臺燕峯李公行縣謂其令某曰令而知宣民乎夫
近民者敦行而質辭簡授而鮮責是故其入易深而
教可數也侯遺世十二字言倫紀之道備矣晦翁所
贊蓋道古也夫令曷舉以宣民乎令受而縣諸讀法
之庭且豕布馬以代狗鐸

麥舟橋箴

有序

橋何以名麥舟志義也橋去邑治七里而近遂稱七
里無取義焉爾矣是橋南受麥溪之水會珥河東入
于孟瀆而麥溪也者以邑有故范忠宣公遇石曼卿
麥舟助葬事名也予既畢治橋之役爰易之名亭其
東隙地而爲之箴以風邑人云箴曰穰穰麥舟汎彼
丹陽三喪爲病曼卿縞裳公曰噫嘻胡不告我爰解
乘舟致下獲所公歸過庭端委咨承義匪襲取善迺
世俗孳孳或義或否豐儀勢途儉計家口甚緣
公又諸君 川涕矧有攸聞嗚呼斯民三代

曹取實

不教莫棘匪難毋謹蓋藏匍匐

凡民有喪式爾盈成毀衆增已禍適非躬在爾
子孫毋輕俠矯義市名一朝散客門戶隨傾維在
哲人克已從義鷓冠嗟嗟迺好專利大河之涘有梁
崇崇賢人所過庶有流風風激之興嘉名是命令臣
司民敢告百姓 太學生孫子沐嘗與鄧廷相者同
舍相死爲之殯歸其孤於奉新歲賙恤之奉新人能
言其義而是邦殊未之知也孫子殆上義而弗名者
與可以繼麥舟之風矣書之箴後以表賢者

魁星像贊

五山之精六氣之英齊於天庭爲文昌星凡天下之
雄文宏才者孰不得汝之精英一粒含元以爲清再
瞻新像愕而又爲欲草柳子厚乞巧之文而爲我告
天帝增益其所不能於戲汝將何以爲情

珪公像贊

一片玉光爛爛誰把爾削來做了五十五年如來手
中的後身到結得萬人緣誰護爾着爾無瑕雲冉冉
不是石川與淵沉歸極樂便與琉璃瑪瑙一處住這
元猶在西方現

謙公像

一切衆生

志魂云不潔淨十方諸佛遺一

尚秉直女往粵中說法其貌類玉其言類鐘鼓
之音觀聽者莫不頓悟受益而退爾時衆生迺奉
百歲之糧升於祇園寺凝綠之房口念天益大師永
永供養

牙筆筒銘

動則端穎靜斯守墨罔罔志篇藻以養元神罔徇事
啓劄以遠耻辱昔言游無秉筆之文而嚴羽媿齋函
之俗小子敬之無悖先躅似爾貞白之不瑕庶予清
修之維穀

硯銘

禁鐘應懸肇度周景大音弗鏗寄響玄穎

姜廷善硯銘

方石穆若上有員璇應墨朝靄馳思春研敬慎君子
惟介是賢比爾嘉則著爾令言

五星硯銘

爰瞻石粹氣湛理堅青雲上浮五緯當天

明禮部精膳司主事菲泉來君墓誌銘

茗山許應元撰

嘉靖丙申歲吏部最天下有治行吏五十八上名迹
天子請以為從臣 制可於是五十人皆徵入而

丹陽令來君名在選中既入拜兵部職方主事改禮
部精膳居有頃精膳主事臣汝賢昧死言曰臣幸以
甲科待罪縣令為 陛下護元元無狀 陛下不以
臣能薄 擢郎署臣志分榮矣而臣不幸有犬馬疾

以朝夕門下汚省署臣不勝大願願 賜罷臣得

再望

廷願盡死力於是

天子哀憐

閏十二月朔日卒于家年僅三

一鳴乎賈誼短折歐陽詹生李賀皆不待終養死
又何其不幸之執一也造物者不常幸生才幸生才
而中道委棄不觀其成此又何也中世獎右浮靡士
習益陋經生不能究明指歸馳舛踵殘以幸利祿文
士則輻釘偶儻剽掇故藻為容澤此猶不能涉靡曼
堂戶烏睹爾雅深厚哉來君起童子華采振暴及壯
沉思道術深挾深眇自六經先秦漢以來諸家言貫
穿附離檢押其辭以肆於文然後其為道闕衍奧雅
將與古作者同風而竟死矣豈非天平始石鄉舉及

禮部試皆第二比當大對同對生謂來子必高等已
而第三甲同進士出身及當授官謂來子必京朝諸
郎官然竟奉新知縣也奉新江西支邑俗好訟抵訐
鈇鍵務必勝不勝則陰伺持上官短以責右已無何
依違之不然立去君至批根其尤數人痛抵以法既
而曰此非道化意也於是開學館延進諸生為指示
經法為文章躬行如是而是諸生歸以諷其父老子
弟父老子弟皆曰吾令良頗輯不為非諸部使者大
一薦其能凡在奉新十月而調丹陽丹陽道衝

日數十百縣令日出出河滸謁

唐折為禮視供具徒隸一一口

以無大賓客意又之歸縣中為民均賦平爭訟調
繇作不給矣又時時延進學官諸生說經訓勸行
如奉新時愈開廣館穀諷誦不絕亦自其中心好樂
之然瘁甚矣竟嘔血死君所至務興利在奉新開下
五鄉塘瀦水令田肥饒視上鄉等在丹陽濬練湖漑
田田少旱憂生平嗜書自為諸生至劇吏口未嘗廢
稱說也雅遊自同年之雋與四方賢豪有名者皆願
交親之所與友善武進則唐順之閩中則王慎中錢
塘則楊祐以藝學相取其樂善詡詡推置自喜誠其

中不能自解也觸情縱談不忌慮旁後人亦以此忌
之謗怨興矣夫賢者誠憎多口我彼於世齟齬其心
誠有所合也豈弟君子無信讒言讒言惟君子而後
無聽語曰蓋棺事乃定來子死至不能為斂而謂其
去而受同列之餽金也豈不痛哉初君病甚應元首
之涕泣執應元手曰余有心子知之乃今已乎遂卒
二歲而應元為論次其大節刻之墓石系曰來君諱
汝賢字禹壬辰進士也其先世河南鄆人系出零

學之紹之紹孫時知紹興死而葬蕭山遂為

而君高祖雍雍生曾祖珪珪

月日
孫氏配安人錢氏仁利人也生
二女長曰獻策次日獻功二女長許聘山
陰胡芾二歲未嫁死次許聘錢塘許暘孫應元子
也銘曰與子遊兮澤宮庶見君子兮文以有容嗟君
子兮胡見爾樹松兮與子遊兮上國庶見君子兮文
以有德嗟君子兮胡見爾樹栢兮歸其窳中堅且好
兮嗟君子兮遐不壽矣噫

菲泉先生誣枉記

先生自江西之奉新優調而來也蒞縣事凡二年而
就徵中間施政教之善及我士我民多矣其詳姑有
俟未遑盡述也最可恨者先生以冰檠操而反被誣
論是則尤不可不辨耳蓋先生待僚幕率質直而誠
信無婉曲無逆憶丞某者蠢拙無能先生以其無能
也時有以訓誡之詞或涉於峻則其人每不堪心嚼
先生而先生不之知非所謂不用為教覆用為虐者
耳其某之不能而能且稍亦能知文先生以其能又稍
之新
用之不謂其人狡固在所以

亦不之覺也方其訓誡丞而

尉丞臣先生贈尉詩又贈之文寵其從應

朝而北予懷妬心矣丞丁艱歸先生所以弟弟且

送未能滿其欲丞則又有恨心焉 徵書下時先生

適負疴不能早謝辭直指郭公某郭郭已疑先生名

高簡於禮丞其鄉人也參辭閒閒得致譖毀語謂先

生邑長得多取道路費無從而稽覈而彼卑且冷無

可資藉還其鄉以為請郭於是愈疑先生矣既而先

生行尉於幕幕夫所取夫價二百金送致維揚舟次誑

先生謂此乃先生屢膺獎例當張於庭為賀所省費

謂里役已輸在官者其當受無可疑先生猶堅不肯

受也令尉持以還諸里役者而屬新得舉虞某為之

徵不謂尉匿此銀入己虞某竟不為之徵而募夫所

取數竟亦莫為銷豁也時有府司理某先生同年以

先生治行每先己最相忌繼先生知縣事者羅某先

先生同鄉也以先生無所贈於偕計經行時最相怨司

理君主勾稽夫價其所得覈而羅某主供報共相與

訐其事聞之於郭公郭公已心疑適又有此因按部

見言訪 為信有一士夫者郭公同年受尉私囑為

廷臣

於先生謂實取金也先生竟

先生由禮部以疾請告已離

老門事 寤而以為廉被誣則迄今數十年莫有為之

辨白者又 其時方穉齒又鄉居無由知郭公意一陳

先生事始末於其前致先生有此迄今猶恨之先生

身後無可以為殯殮伯仲獻策獻功二君為諸生久

未遇啜粟養母蓋蕭然貧家也而仲君為予姜門壻

時時或來有范叔一寒之風猶介然守先生遺教不

以一縑一鏹動其心蓋先生已登仕版猶為諸生時

先生身後數十年其家亦猶為先生為諸生時也然

則先生豈受金者哉於乎冤矣冤矣人之負^先生者尉

為尤此小人不足責鄉貢某領先生言而不能為之

徵不免有諾責鄉士夫為尉而不為先生皆不能無

愧又如司理君之懷忌令丞以私忿小嫌怨而幸先

生之有此皆非良大夫端士之用心也因刻先生存

稿追為之不平輒書諸簡之末庶百世而後猶或有

知先生者

門人姜寶撰

菲泉先生存稿卷之八終